

ივანე
ჯავახიშვილის
სახელობის
თბილისის
სახელმწიფო
უნივერსიტეტის
გაზეთი
გამოცემის
1927 წლიდან



საქართველოს
უსაფრთხოება
ეპროვის
უსაფრთხოებაა



ახალი წელი

უნივერსიტეტი

14 ნოემბერი, პარასკევი, 2008 წ. №13 (2080)

თსუ-ში სტუდენტის დასაქმების პერსპექტივებზე იმსჯელეს

თუ გადავხედავთ ჩვენს ქვეყანაში შრომის ბაზრის მოთხოვნილებას, დავრწმუნდებით, რომ ახალკურსდამთავრებული სპეციალისტის დასაქმების შანსი თითქმის ნულის ტოლია, რადგან დამსაქმებელი პროფესიონალს ეძებს, რომელსაც სამუშაო პრაქტიკის გამოცდილება და გარკვეული უნარ-ჩვევები ექნება. ახალკურს-დამთავრებულს ასეთი გამოცდილება არ გააჩნია და ის გარკვეული დროის მანძილზე დაუსაქმებელი რჩება. მისი დაოსტატებისთვის ნაკლებად თუ შეინუხებს თავს ვინმე. სწორედ ამიტომ იზრდება ყოველწლიურად დროებით უმუშევარ სპეციალისტთა რიცხვი და, ამასთან ერთად, საზოგადოებას უჩნდება გარკვეული უნდობლობა უმაღლესი განათლების მიღების პერსპექტივის მიმართ. ეს პრობლემა დღეს ძალიან აქტუალურია და დიდ ყურადღებას იმსახურებს როგორც საზოგადოების, ასევე, სახელმწიფოს მხრიდან. თუ ყველანი არ ვაგერთიანდებით მის დასაძარცვებად, მომავალში უმუშევარ სპეციალისტთა დიდ არმიას მივიღებთ, რაც ქვეყანაში არასასიკეთო სოციალურ ძვრებს გამოიწვევს.

თამარ მარუაშვილი

ამ პრობლემის დარეგულირებისა და გადაჭრის შესაძლო გზების მოძიების დანიტერესებულთა თსუ-ის ხელმძღვანელობაც. სწორედ ამ ეგიდით, 23 ოქტომბერს თსუ-ის რექტორი გიორგი ხუბუა შეხვდა საქართველოს პროფესიონალ ბუღალტერთა და აუდიტორთა ფედერაციის წარმომადგენლებს, რომლებმაც თსუ-ის ეკონომიკისა და ბიზნესის ფაკულტეტის ბუღალტრული აღრიცხვისა და აუდიტის სპეციალობის IV კურსის ოთხ წარჩინებულ სტუდენტს ერთნაირი სტიპენდია დაუწესეს — თვეში ასი ლარის ოდენობით.

შეხვედრას ესწრებოდნენ ფედერაციის წარმომადგენლები, ასევე, თსუ-ის ეკონომიკისა და ბიზნესის ფაკულტეტის დეკანის მოვალეობის შემსრულებელი ჯამლეტ ჯანაჯღა-ვა და ბუღალტრული აღრიცხვისა და აუდიტის კათედრის ხელმძღვანელი, სრული პროფესორი ელენე ხარაბაძე.

საქართველოს პროფესიონალ ბუღალტერთა და აუდიტორთა ფედერაცია — ეს არის პროფესიული ორგანიზაცია, სადაც გაერთიანებული არიან სერტიფიცირებული, პროფესიონალ ბუღალტრები და აუდიტორები. ფედერაციის საქმიანობის ძირითადი მიმართულებაა ბუღალტრის, როგორც სპეციალისტის პროფესიული მომზადება, კვალიფიკაციის გადამზადება და შემდგომ პროფესიონალის სტატუსის მინიჭება. ის ორგანიზაცია, ასევე, ამზადებს ბუღალტრული აღრიცხვის სტანდარტებს მცირე ბიზნესისთვის, მონაწილეობს ბუღალტრული აღრიცხვის საერთაშორისო სტანდარტების კომისიის მიერ მომზადებული ფინანსური ანგარიშგების საერთაშორისო სტანდარტების თარგმნაში.

„ჩვენი ძირითადი ორიენტირი გახლავთ ის, რომ საქართველოში ამ პროფესიის ადამიანების კვალიფიკაცია იმდენად მაღალი იყოს, რომ დღევანდელი დღის მოთხოვნებს პასუხობდეს. აქედან გამომდინარე, ჩვენ არ ვიხილავთ მხოლოდ იმ პრეტენდენტებს, რომლებსაც ამ პროფესიაში აკადემიური განათლება აქვთ მიღებული, არამედ იმათაც, ვინც უმაღლესი სასწავლებელი სხვა სპეციალობით დაამთავრა. პროფესიაში დახვედრის ხდება ბრიტანეთის ნაფიც ბუღალტერთა ინსტიტუტის პროგრამით, ამ პროგრამაში სხვადასხვა უმაღლესი სასწავლებლებიდან ბევრი სტუდენტი ჩართული. სანამ სტუდენტები აკადემიურ განათლებას მიიღებენ, პარალელურად შეუძლიათ გარკვეული საგნები ჩააბარონ პროფესიული სერტიფიცირების თვალსაზრისით და, ამით, მათ შემდგომ კარიერას შეუწყონ ხელი“, — ბრძანა საქართველოს პროფესიონალ ბუღალტერთა და



აუდიტორთა ფედერაციის თავმჯდომარემ რევაზ ძაძამიამ. რაც შეეხება სტიპენდიების დანიშვნის საკითხს, ეს საქართველოს პროფესიონალ ბუღალტერთა და აუდიტორთა ფედერაციის ყრილობამ რამდენიმე წლის წინ განიხილა და დაანდობდა სტიპენდია იმ სტუდენტისთვის, ვისაც ამ სპეციალობაში კარიერული ზრდა აქვს გადაწყვეტილი. აქედან გამომდინარე, ფედერაციამ ორიენტაცია თბილისის სახელმწიფო უნივერსიტეტზე აიღო, ვინაიდან სწორედ იგი გახლავთ მნიშვნელოვანი ნაწყვანი კადრების მომზადებაში, როგორც რიცხოვნობით, ისე ხარისხობრივით მაჩვენებლებით.

მე-2 გვერდი

რუსული საფრთხე ეპროვისთვის

მე-4 გვერდი

აფხაზურ საზოგადოებაში უკმაყოფილება თანდათან ფხვს იკიფებს

მე-5 გვერდი

საქართველოს სერიოზული ეკონომიკური პროგრამა სჭირდება

მე-6 გვერდი

რა გვაცოცხლებს ცივილიზაციის სამყაროს პარიზში

მე-7 გვერდი

უნივერსიტეტს გიორგი ახვლედიანის პირადი ბიბლიოთეკა გადაეცა

მე-10 გვერდი

გამოვანა პატრიარქის მოღვაწეობის უკეთ გაცნობას ისახავს მიზნად

მე-11 გვერდი

„სინათლე სიმატელა!“ — რეზო ჩხეიძის ახალი ფილმის მთავარი მესიჟი

მე-11 გვერდი

მეცნიერების კომერციალიზაციის კუთხით ესტონეთი საკუთარ გამოცდილებას გვიზიარებს

3-6 ნომბერს თსუ-ში ჩატარდა ტრენინგი ესტონეთში არსებული ინოვაციის ხელშეწყობის თანამედროვე სტრუქტურების და ტექნოლოგიების გადაცემის ორგანიზაციების შესახებ. ინტელექტუალური საკუთრება, კომერციალიზაცია, დამოუკიდებელ საწარმოთა გამოყოფა — ეს ის საკითხებია, რომელიც ამ ტრენინგზე იქნა განხილული და ესტონელი სპეციალისტების მიერ გაზიარებული.

თამარ მარუაშვილი

საქართველოსთვის ესტონეთის გამოცდილების გაზიარება ინოვაციისა და ტექნოლოგიის გადაცემის ხელშეწყობის სტრუქტურების განვითარებაში (პროექტი INNO-TRANS) ძალიან მნიშვნელოვანია, რადგან საქართველოში მეცნიერების კომერციალიზაციის ხელშეწყობის დეპარტამენტის ხელმძღვანელმა იაგორ კალანდაძემ აღნიშნა: „ეს არის ერთობლივი პროექტი გამოცდილების ტრანსფერის შესახებ. საქართველოში დაცემულია მეცნიერების კომერციალიზაციის პრო-

ბლემის სისტემურად ეს ინფრასტრუქტურა, როგორც უნდა იყოს სახელმწიფოებრივი მიდგომა ამ საკითხისადმი, როგორც უნდა ჩამოყალიბდეს ინსტიტუციონალური, ფინანსური და ინოვაციური სისტემები.

როგორც პროექტის ერთ-ერთმა ორგანიზატორმა, თსუ-ის სამეცნიერო კვლევებისა და განვითარების დეპარტამენტის ხელმძღვანელმა იაგორ კალანდაძემ აღნიშნა: „ეს არის ერთობლივი პროექტი გამოცდილების ტრანსფერის შესახებ. საქართველოში დაცემულია მეცნიერების კომერციალიზაციის პრო-

ცესი, ესტონელი სპეციალისტების გამოცდილების გაზიარება კი მას უფრო სისტემურსა და აქტუალურს გახდის“.

პროექტი INNOTRANS-ისმომზადება დაიწყო 2006 წლის ზაფხულში ივანე ჯავახიშვილის სახელობის თბილისის სახელმწიფო უნივერსიტეტთან, საქართველოს მეცნიერებათა ეროვნულ აკადემიასთან, განათლებისა და მეცნიერების სამინისტროსთან და ტალინის ტექნოლოგიური უნივერსიტეტის საინოვაციო ცენტრთან თანამშრომლობით.

ინოვაციისა და ტექნოლოგიის გადაცემის ხელშეწყობის მდგრადი და განვითარებადი სტრუქტურების შექმნაში ესტონეთში არსებული გამოცდილების შესახებ ინფორმაციის შეგროვების, მისი საქართველოსთვის წარმოდგენისა და

აზრების გაზიარების მიზნით 2007 წელს Invent Baltics OU-ს მიერ მომზადდა საპროექტო წინადადება, რომელიც დაფინანსდა 2008 წელს ესტონეთის საგარეო საქმეთა სამინისტროს მიერ განვითარების თანამშრომლობის პროგრამის ფარგლებში.

პროექტის შესრულების პროცესის კოორდინაციას ახორციელებს Invent Baltics OU - ინოვაციური ბიზნესის საკონსულტაციო კომპანია, რომელიც კლიენტებს დახმარებას უწევს ახალი იდეების კონკურენტუნარიან პროდუქციად ან მომსახურებად გარდაქმნაში, ამისათვის საჭირო პარტნიორების მოძიებაში, შექმნილი პროდუქტის თუ მომსახურების კომერციალიზაციისა და ახალ ბაზრებზე დაპყვიდრებაში.

მე-2 გვერდი

თსუ-ში სტუდენტის დასაქმების პერსპექტივებზე იმსჯელეს

პირველი გვერდიდან

ფედერაციამ სთხოვა თსუ-ის ეკონომიკისა და ბიზნესის ფაკულტეტის ბულალტრული აღრიცხვისა და აუდიტის კათედრას, რომელთანაც ფედერაციას ხანგრძლივი კავშირი აქვს, წარმოედგინა მისთვის ის სტუდენტები, რომლებიც აკადემიური მაჩვენებლებიდან გამომდინარე ამ სტიპენდიას იმსახურებდნენ.

თსუ-ის ეკონომიკისა და ბიზნესის ფაკულტეტის ხელმძღვანელების მიერ წარმოდგენილი ოთხი სტუდენტიდან ფედერაციას მხოლოდ ორი უნდა აერჩია.

ჩვენ ფედერაციაში ოთხი ერთნაირი მონაცემების სტუდენტი გავაგზავნეთ. იმის გამო, რომ ოთხივე სტუდენტმა მომზადების მაღალი დონე გამოავლინა, ფედერაციამ გადაწყვიტა, რომ ოთხივესთვის დაენიშნა სტიპენდია მთელი სასწავლო წლის განმავლობაში. აქვე მინდა ხაზი გავუსვა იმასაც, რომ საქარ-

თველოს პროფესიონალ ბულალტრული და აუდიტორთა ფედერაცია საქართველოში ერთადერთი პროფესიული ორგანიზაციაა, რომელსაც აკრედიტაცია მიღებული აქვს საერთაშორისო ბულალტრული კომიტეტის მიერ. ეს ორგანიზაცია ერთადერთია საქართველოში, რომელიც ხელმძღვანელობს ბიზნესის დარგში ბულალტრული აღრიცხვისა და ანგარიშგების საკითხებს, ამ საკითხების ორგანიზებას, სტანდარტების მომზადებას, მის გაგრძელებას, ხოლო 2000 წლიდან იგი ბულალტრული და აუდიტის საერთაშორისო სტანდარტებით მუშაობს, — აღნიშნა ქალბატონმა ელენე ხარაბაძემ.

თსუ-ის IV კურსის სტუდენტებისთვის სტიპენდიის დანიშვნა, გარკვეულწილად, წამახალისებელი ღონისძიებაა. სტიპენდიანტები, რა თქმა უნდა, ამ სფეროში გააგრძელებენ თავის საქმიანობას, ისინი საქართველოს პროფესიონალ ბულალტრული და აუდიტორთა ფედ-

ერაციის მომავალი სრულყოფილებიანი წევრები გახდებიან.

„ეს არის ერთ-ერთი ხიდი უმაღლეს სასწავლებელსა და პროფესიულ ორგანიზაციას შორის. პირი, რომელიც სერტიფიცირებულია პროფესიული ორგანიზაციის მიერ და ვისაც პროფესიონალის სერტიფიკატი აქვს მინიჭებული, ის ყველა დამსაქმებლისთვის სასურველი კადრი ხდება არა მარტო საქართველოში, არამედ ქვეყნის საზღვრებს გარეთაც, რამეთუ 2000 წლიდან ჩვენი ბულალტრული საერთაშორისო ფედერაციის წევრები ვართ. თითქმის ყველა ორგანიზაციისა თუ დაწესებულებისთვის ცნობილია ჩვენი ფედერაციის საქმიანობა და, შესაბამისად, ჩვენს მიმართ ნდობის ხარისხიც დიდია“, — ბრძანა რევაზ ძაძამიამ.

როგორც მოგეხსენებათ, პროფესიის სრულყოფილად დაუფლება უმაღლეს სასწავლებელში შეუძლებელია. ამა თუ იმ სპეციალობის კურსდამთავრებულს თუ სამუშაო პრაქტიკა არ აქვს გავლილი, ძნელია მისი პროფესიონალად აღიარება. საერთაშორისო მოთხოვნაც ასეთია, რომ ადამიანს რა დონის განათლებაც უნდა ჰქონდეს მიღებული, ყველა შემთხვევაში, მას საერთაშორისო პრაქტიკით მოეთხოვება 3 წლის მუშაობის სტაჟი. ეს არის მაჩვენებელი იმისა, რომ მან გარკვეული უნარ-ჩვევები გამოიმუშავა, რომელიც პროფესიონალს უნდა ახასიათებდეს.

„ყველა სტუდენტი დაინტერესებულია დასაქმების პერსპექტივით. მივესალმები თქვენს ინიციატივას, დამოკიდებულებას ამ საკითხის მიმართ, რომელიც, გარკვეულწილად,

სტუდენტის მოტივაციასაც ზრდის. პროფესიული ორგანიზაციის მიერ აღიარებული სპეციალისტი უფრო მეტად ფასობს, ვიდრე ის, ვისაც არა აქვს ასეთი აღიარება. ჩვენი მიზანია, განსაკუთრებული მნიშვნელობა მივანიჭოთ პრაქტიკული პროექტების შემუშავებას სტუდენტთა სტაჟირების თვალსაზრისით. თუ სტუდენტი სწავლების პერიოდში თეორიული ცოდნის გარდა პრაქტიკულ ჩვევებსაც შეიძენს, ეს ძალიან მნიშვნელოვანი ნაბიჯი იქნება მისი პროფესიონალად ჩამოყალიბების თვალსაზრისით“, — აღნიშნა თსუ-ის რექტორმა, პროფესორმა გიორგი ხუბუამ.

ახალგაზრდა სპეციალისტი თეორიული და პრაქტიკული ცოდნით ყველა დამსაქმებლისთვის მისაღები კადრია და ის, რა თქმა უნდა, საკუთარი ადგილის მოძებნას შრომის ბაზარზე სხვებთან შედარებით ადვილად მოახერხებს.

ძალიან მნიშვნელოვანია პროფესიული ორგანიზაციებისა და უმაღლესი სასწავლებლების მოთხოვნებისა და ინტერესების დაახლოება. ორივე მხარემ უნდა განსაზღვროს, თუ რა ერთობლივი ღონისძიებების ჩატარება შეუძლიათ, რათა სტუდენტთა პროფესიული მომზადების დონე უფრო მეტად დაუახლოვდეს საერთაშორისო სტანდარტებს. ამ მიმართულებით ბევრი რამ არის მოსაწესრიგებელი და ვასაკეთებელი.

უნდა განვითარდეს კონტაქტები უმაღლეს სასწავლებლებსა და ბიზნეს-სექტორს შორის, რომელიც სასიკეთოდ წაადგება სტუდენტის პროფესიულ მომზადებას. ბიზნეს-სექტორი უნდა დაინტერესდეს ახ-

ალგაზრდა სპეციალისტების პროფესიული დაოსტატების საკითხით, მათი სტაჟირებითა და პრაქტიკული უნარ-ჩვევების გამოუმუშავებით, რადგან მომავალში ბიზნესის წარმატებულად განვითარება სწორედ მათი მაღალპროფესიული მომზადებით იქნება გარანტირებული.

ასევე უმაღლესი სასწავლებლის ხელმძღვანელებს უნდა დაინტერესდეს თავისი სტუდენტის, როგორც მომავალი პროფესიონალის დასაქმების პრობლემით, რადგან თუ მისი სასწავლებლის კურსდამთავრებული არ არის სასურველი და მისაღები კადრი შესაფერისი პროფილის ორგანიზაციისთვის, მაშინ სასწავლებლის პრესტიჟი დაეცემა და კონკურენტუნარიანი აღარ იქნება სხვა უმაღლეს სასწავლებლებთან მიმართებაში.

ჯამლევ ჯანჯღავამ აღნიშნა, რომ ახლო მომავალში დაგეგმილია ფაკულტეტის ბაზარზე სტუდენტთა დასაქმების ცენტრის გახსნა. პრაქტიკული ჩვევების გამოუმუშავება მოხდება როგორც ამ ფაკულტეტზე, ასევე სხვადასხვა ფინანსურ წრეებში, ბიზნეს-სექტორში... მომზადდება პროგრამა, რომელიც შეაგებს ვაკუუმს პრაქტიკასა და სწავლებას შორის, რომელიც ახალკურსი დამთავრებულს მოუხსნის სტაჟირების პრობლემას და გამოუტყდელი სპეციალისტის იმიჯს, რომელსაც ყველა დამსაქმებელი გაუზრის. ეს ძალიან მნიშვნელოვანი ინიციატივაა, რომელიც ახალბედა სპეციალისტისთვის გააადვილებს შრომის ბაზარზე საკუთარი ადგილის პოვნასა და აღიარებას თავის დამკვიდრებას.



მეცნიერების კომერციალიზაციის კუთხით ესტონეთი საკუთარ გამოცდილებას გვიზიარებს

პირველი გვერდიდან

ესტონეთის მხრიდან პროექტის შესრულებაში მონაწილეობენ ესტონეთის განვითარების ფონდის, არქიმედისის ფონდისა და ტალინის ტექნოლოგიური უნივერსიტეტის წარმომადგენლები. საქართველოს მხრიდან პროექტის ძირითადი პარტნიორია თსუ-ის სამეცნიერო კვლევებისა და განვითარების დეპარტამენტი.

პროექტი INNOTRANS-ი მოიცავს ინტერაქტიულ ტრენინგებს და სასწავლო ვიზიტებს. პროექტის მთავარ სამიზნე ჯგუფს წარმოადგენენ საქართველოს სახელმწიფო მოხელეები, რომლებიც ჩართულნი არიან კვლევის, განვითარებისა და ინოვაციის პოლიტიკაში, ასევე საქართველოში არსებული ტექნოლოგიის გადაცემისა და საინოვაციო საქმიანობის მხარდაჭერი სტრუქტურების შექმნა, საქართველოს სამეცნიერო-კვლევითი ინსტიტუტების წამყვანი მეცნიერები და ადმინისტრატორები. პროგრამა ითვალისწინებს 11 თვის განმავლობაში (2008 წლის მაისი - 2009 წლის მარტი) 4 სესიის ჩატარებას, მათ შორის სამი სესია გაიმართება საქართველოში, ერთი — ესტონეთში.

პროექტის მსვლელობის განმავლობაში წარმოდგენილი იქნება ესტონეთის განვითარების მოდელი და გამოცდილება ტექნოლოგიის გადაცემის სფეროში. ოთხივე სესიის განმავლობაში, როგორც თეორიული (ლექციები, სემინარები), ისე პრაქტიკული მიდგომის (ორგანიზაციებში ვიზიტები) გამოყენებით განიხილავენ მეცნიერების პოლიტიკასთან, საინოვაციო მხარდაჭერის სისტემასთან, კომერციალიზაციასთან, ინტელექტუალურ საკუთრებასთან, ევროკავშირის დაფინანსების წესებთან და ა.შ. დაკავშირებულ საკითხებს.

3 ნოემბერს ტრენინგის გახსნას ესწრებოდნენ ესტონელი ექსპერტები ინდრეკ იაკობსონი (ტალინის ტექნოლოგიური უნივერსიტეტი, ტექნოლოგიებისა და ინოვაციების ცენტრის ხელმძღვანელი), ტონის ვერმე (Invent Baltics OU-ის პარტნიორი) და სიმ ლანელაიდი (Invent Baltics OU-ის კონსულტანტი). ტრენინგზე მონაწილე იყვნენ სხვადასხვა ქართული უნივერსიტეტების, სამეცნიერო თუ ბიზნეს-სექტორის წარმომადგენლები.

„ჩვენ მოხარულნი ვართ, რომ ერთ-ერთმა პირველებმა ვცადეთ მეცნიერების კომერციალიზაციის პროცესში ჩაბმა. მეცნიერების კომერციალიზაცია დროის მოთხოვნაა და თუ იგი არ განვითარდება, ქვეყანას მომავალი არ ექნება. ჩვენთვის მნიშვნელოვანია ცოდნა იმისა, თუ როგორ უნდა დავუფუძოთ მეცნიერების კომერციალიზაციას, ინტელექტუალური საკუთრების გაყიდვასთან დაკავშირებულ საკითხებს“, — აღნიშნა გეოფიზიკის ინსტიტუტის დირექტორმა ნუგზარ ღლონტმა.

საქართველოში მეცნიერების კომერციალიზაციის პროცესის სრულყოფილად წარმართვის მიზნით, ასევე, მნიშვნელოვანია იმ საკანონმდებლო ბაზის არსებობა, რომელიც ამ პროცესს დაარეგულირებს. არსებული კანონმდებლობა დღეს ნაკლებად იძლევა ამის შესაძლებლობას. სახელმწიფო სტრუქტურების მხრიდან ხელშეწყობა კანონმდებლობით უნდა იყოს გამაგრებული. აუცილებელია საკითხისადმი სისტემური მიდგომა, რაშიც ესტონელი ექსპერტები გვეხმარებიან.

„ძნელბედობის ჟამს ჩვენ ყველანაირად მხარში ამოვიდგებით და სიამოვნებით გავიზიარებთ საკუთარ გამოცდილებას — თუ როგორ განვახორციელებთ მეცნიერების კომერციალიზაციას, რა ფაქტორი მუშაობს და რა — არა მაღალი ტექნოლოგიების მრეწველობის პრო-

ცესში. მართალია, თქვენს ქვეყანაში დაიწყო მეცნიერების კომერციალიზაციაზე სერიოზული ფიქრი და მუშაობა, ტარდება ტრენინგები, მაგრამ, პირველ რიგში, ამ ყველაფერს სისტემური მიდგომა სჭირდება. ჩვენი მთავარი ამოცანაა ამ პრობლემის გადაჭრაში დაგვეხმაროთ“, — აღნიშნა ესტონელმა ექსპერტმა ინდრეკ იაკობსონმა, რომელმაც საინტერესოდ ისაუბრა ინოვაციის ხელშეწყობაზე ევროკავშირის ჩარევებში, დაფინანსების წყაროებზე ევროკავშირში შესვლამდე და შესვლის შემდეგ და მარკეტინგზე, როგორც სამეცნიერო უნივერსიტეტის შექმნის წარმატების გასაღებზე.

ტრენინგის მსვლელობისას ესტონელი ექსპერტები ქართველ სპეციალისტებს უზიარებდნენ — თუ როგორ უნდა ჩამოყალიბდეს ტექნოლოგიის გადაცემის სამსახური, როგორც გამართულად მოქმედი ორგანიზაცია, თუ როგორ უნდა დავიცვათ ინტელექტუალური საკუთრება, თუ როგორ მოვანყოლოთ დაპატენტების სისტემა და მისი სტატისტიკა, თუ რა სახეობები არსებობს ინტელექტუალური საკუთრებისა.

ინტელექტუალური საკუთრების წარმატებული მეცნიერების ნებსზე, საპატენტო განაცხადის მომზადებასა და პრიორიტეტულობასთან დაკავშირებული ძიების პრინციპებსა და სირთულეებზე, ინტელექტუალურ კომერციალიზაციასა და სხვადასხვა ვარიანტებზე, მის დადებით და უარყოფით მხარეებზე საინტერესოდ ისაუბრა ესტონელმა ექსპერტმა ტონის ერემემ, ხოლო ტალინის ტექნოლოგიური უნივერსიტეტის სამეცნიერო პირველ ნაბიჯებზე შთაბეჭდილებად მოგვითხრო ინდრეკ იაკობსონმა.

საინტერესოდ წარმოგვითხროს შემავაზებელი სხდომა, რომელსაც ესტონელმა თსუ-ის რექტორი, პროფესორი გიორგი ხუბუა, განათლებიან და მეცნიერების მინის-



ტრის მოადგილე ნოდარ სურგულაძე, ესტონეთის ელჩი საქართველოში თომას ლუკი, ეკონომიკური განვითარების მინისტრის მოადგილე რუსლან ქარქუსოვი, პრეზიდენტის მრჩეველი მეცნიერების საკითხებში ალექსანდრე ღლონაძე, საქართველოში მოქმედი სხვადასხვა სამეცნიერო ფონდების წარმომადგენლები. ესტონელმა ექსპერტებმა ხაზი გაუსვეს ქართული მეცნიერებისა და სპეციალისტების აქტიურობას, მათი მხრიდან დიდ დაინტერესებას არსებული საკითხებისადმი და რაც მთავარია, მათ მზადყოფნას — გაეცნონ, გაიზიარონ და შეისწავლონ ყველა ის აქტუალური საკითხი, რომელიც ჩვენს ქვეყანაში მეცნიერების კომერციალიზაციის პროცესს დააჩქარებს. ესტონელმა სპეციალისტებმა იმედი გამოთქვეს, რომ საქართველოში ეს პროცესი სივითვე წარმატებით განხორციელდება, როგორც ესტონეთ-

ში. პროექტის ფარგლებში განუხლები საქმიანობა აისახება სასწავლო მასალების კრებულში, რომლის გამოყენებაც შესაძლებელი იქნება საქართველოში ინოვაციისა და ტექნოლოგიის გადაცემის ხელშეწყობის სისტემის მიზანმიმართული განვითარებისთვის. მომზადდება ლექციების კურსი და სამეცნიერო-ტექნოლოგიურ პროექტებში ერთობლივი მონაწილეობის მიღების მიზნით დამუშავდება კონტაქტები სამომავლო თანამშრომლობისთვის.

იმედია, მეცნიერების კომერციალიზაციაში გამოკვეთილი ორივე ხაზი: მეცნიერებიდან ბიზნესისაკენ (ტექნოლოგიების გადაცემა) და ბიზნესიდან მეცნიერებისაკენ (ინვესტიციების შემოსვლა) საქართველოში აუცილებლად იპოვის აქტიურ მხარდაჭერებას და გულშემატკივრებს, რომლებიც ქვეყნის მომავალს ამ პროცესების სრულყოფილად წარმართვაში ხედავენ.

ტსუ-სა და ფილოსოფიის ინსტიტუტს შორის ურთიერთთანამშრომლობის მემორანდუმი გაფორმდა

საქართველოში განათლების სფეროში მიმდინარე რეფორმების ერთ-ერთი მოთხოვნა სამეცნიერო და სასწავლო პროცესის უფრო მეტად დაახლოება და გაერთიანებაა. ამ მოთხოვნის საფუძველზე, თსუ ცდილობს პარტნიორული ურთიერთობები დაამყაროს სხვადასხვა სამეცნიერო-კვლევით დაწესებულებებთან, რომელთაც სამაგალითო მეცნიერული ბაზა და სამეცნიერო პოტენციალი გააჩნიათ. ასეთი ურთიერთთანამშრომლობა ორივე მხარეს სასარგებლოდ წაადგება, პირველ რიგში კი, რა თქმა უნდა, ჩვენს ქვეყანას, რომელიც, საბოლოოდ, მაღალი დონის პროფესიონალსა და სპეციალისტს მიიღებს. ეს საკითხი კარგად აქვს გაცნობიერებული თსუ-ის ხელმძღვანელებს და, ხშირ შემთხვევაში, სწორედ თავად გამოდის ასეთი ურთიერთ-თანამშრომლობის დაწყების ინიციატორი, თუმცა სავსე წერეთლის ფილოსოფიის ინსტიტუტთან მემორანდუმის გაფორმება ორივე მხარის დაინტერესებითა და ინიციატივით მოხდა.

თამარ მარუაშვილი

საქართველოში ფილოსოფიის ინსტიტუტი, როგორც სამეცნიერო კვლევითი დაწესებულება, დაარსდა 1946 წელს საქართველოს სსრ მეცნიერებათა აკადემიის ისტორიის ინსტიტუტთან შექმნილი ფილოსოფიის სექციის ბაზაზე.

ინსტიტუტის სამეცნიერო კვლევითი მუშაობის განვითარებაში დიდი წვლილი მიუძღვით უფროსი თაობის გამოჩენილ ქართველ ფილოსოფოსებს: შ. ნუცუბიძეს, ს. დანელიას, კ. ზაქარაძეს, ს. წერეთელს და სხვა.

საქართველოში ფილოსოფიური განათლების ისტორია იწყება კოლხეთის უმაღლესი რიტორიკული სკოლის დაარსებით (ფაზისი. III ს.), სადაც რიტორიკა და არისტოტელეს ფილოსოფია ისწავლებოდა.

ფილოსოფიური განათლების ქართული ცენტრები არსებობდა საზღვარგარეთაც: პეტრე იბერის სკოლა სირიაში (VI ს.), ათონის ივერთა მონასტერი საბერძნეთში (X ს.), პეტრიწონის სემინარია (აკადემია) ბულგარეთში (XI ს.), ფილოსოფიურ განათლებაში ახალი ეტაპი იყო გელათის აკადემია და იყალთოს აკადემია, სადაც მოღვაწეობდნენ იოანე პეტრიწი და არსენ იყალთოელი.

საქართველოში ფილოსოფიური განათლების აღორძინება დაკავშირებულია თბილისის სახელმწიფო უნივერსიტეტის დაარსებასთან, რომლის პირველი და ერთადერთი ფაკულტეტი სიბრძნისმეტყველების ფაკულტეტი იყო. აქ მაღალ პროფესიულ დონეზე გაგრძელდა ფილოსოფიური განათლების ტენდენციები. 1940 წ. თსუ-ში გაიხსნა ფილოსოფიის ფაკულტეტი, რომელიც ამზადებს ფილოსოფიაში სამეცნიერო კადრებს, ამიტომაც ძალიან მნიშვნელოვანია ამ ფაკულტეტის ურთიერთთანამშრომლობა სხვადასხვა ფილოსოფიურ-სამეცნიერო დაწესებულებებთან, რათა სასწავლო პროგრამები უფრო დახვეწილი, ხარისხიანი და საინტერესო იყოს.

სწორედ ამ ეგვიდით, 23 ოქტომბერს, თბილისის სახელმწიფო უნივერსიტეტმა ურთიერთთანამშრომლობის მემორანდუმი გააფორმა სავსე წერეთლის ფილოსოფიის ინსტიტუტთან, რომლის მიზანია ამ ორი სტრუქტურის ურთიერთთანამშრომლობის განვითარება და განმტკიცება. იღებენ რა მხედ-

ველობაში სამეცნიერო და საგანმანათლებლო თანამშრომლობაში ორმხრივ დაინტერესებას, აცნობიერებენ რა ინსტიტუტის სამეცნიერო პოტენციალის სრულად გამოყენების შესაძლებლობას ახალგაზრდა თაობების განათლებისა და პროფესიული სრულყოფის სფეროში, ორივე მხარეს კარგად ესმის საუნივერსიტეტო და აკადემიური ინსტიტუტების მჭიდრო თანამშრომლობის მნიშვნელობა და აუცილებლობა.



მხარეები წახალისებენ ურთიერთობათა განვითარებას ფილოსოფიური დისციპლინების მიმართულებით განათლებისა და მეცნიერული კვლევის სფეროში და განახორციელებენ თანამშრომლობას ორმხრივი ინტერესების შესაბამისად. მხარეები ყოველმხრივ შეუწყობენ ხელს თანასწორუფლებიანი თანამშრომლობის განვითარებას და განახორციელებენ ურთიერთსანაცვლო ვალდებულებებს. თსუ ხელს შეუწყობს: ინსტიტუტის თანამშრომელთა შრომების პოპულარიზაციას თავად უნივერსიტეტში და მის პარტნიორ უნივერსიტეტებში; ფილოსოფიის ინსტიტუტის მეცნიერ-თანამშრომელთა საჯარო ლექციების წაკითხვას თსუ-ში; მოთხოვნილების შესაბამისად, აუდიტორიების, სალექციო და საკონფერენციო დარბაზების გამოყოფას ინსტიტუტის საჭიროებისათვის; თსუ-ის საბიბლიოთეკო ფონდით სარგებლობას ინსტიტუტის თანამშრომლებისთვის.

ინსტიტუტი კისრულობს რა თსუ-ის ფილოსოფიის დარგში საბაზო საგანმანათლებლო და სამეცნიერო-კვლევითი დაწესებულების (ბაზის) როლის შესრულებას, იღებს ვალდებულებას ინტელექტუალური და მატერიალურ-ტექნიკური ძალების სრული გამოყენებით დაამყაროს სამეცნიერო სამეცნიერო ურთიერთობები მსოფლიოს წამყვან უნივერსიტეტებთან და კვლევით ცენტრებთან საერთო კვლევისა და სამეცნიერო პროექტის შესასრულებლად. იგი მზადაა — ითანამშრომლოს თსუ-სთან ფილოსოფიური დისციპლინების მიმართულებით ბაკალავრიატის, მაგისტრატურისა და დოქტორანტურის ეტაპებზე სტუდენტთა მოსამზადებლად; უზრუნველყოს სამაგისტრო და სადოქტორო პროგრამები შესაბამისი სამეცნიერო ბაზით; მისცეს საშუალება თსუ-ის სტუდენტებსა და პროფესორებს ისარგებლონ ინსტიტუტის სამეცნიერო ბიბლიოთეკით.

მემორანდუმის გაფორმებას ესწრებოდნენ ფილოსოფიის დოქტორი, პროფესორი, ფილოსოფიის ინსტიტუტის დირექტორი ირაკლი კალანდია, ფილოსოფიის მეცნიერებათა დოქტორი, პროფესორი, მთავარი მეცნიერთანამშრომელი სერგი ავალიანი, თეორიული ფილოსოფიისა და ლოგიკის განყოფილების გამგე, მთავარი მეცნიერ-თანამშრომელი, ფილოსოფიის მეცნიერებათა დოქტორი, პროფესორი მამუკა დოლიძე, ინსტიტუტის კულ-

არჩენი კი თქვენს პროფესიონალიზმზეა დამოკიდებული, კერძოდ კი იმაზე, თუ რა დაინტერესებას გამოიწვევს ფილოსოფიურ პრობლემებზე საუბარი, მსჯელობა და კამათი ახალგაზრდებში. ეს სერიოზული გამოწვევაა და ამას კარგად გააზრებული, საინტერესოდ მომზადებული და ხარისხიანი ლექციებისა თუ სემინარების კურსი სჭირდება... უნდა მოიქებნოს და შეირჩეს ახალგაზრდებისათვის მიმზიდველი თემები, საკითხები, პრობლემები, რათა სტუდენტები დავანტერესდნენ და ასე უზრუნველყვით მისი პოპულარიზაცია. მოგეხსენებათ, სტუდენტები ყველაზე კარგი ინდიკატორები არიან...“ — აღნიშნა თსუ-ის რექტორმა გიორგი ხუბუამ.

უცხოელი ექსპერტების შეფასებით, სავსე წერეთლის ფილოსოფიის ინსტიტუტი მთელი საბჭოთა კავშირის მასშტაბით და აღმოსავლეთ ევროპაშიც ითვლებოდა და დღესაც ითვლება ლიბერალურ-დემოკრატიული აზროვნების ერთ-ერთ წამყვან ცენტრად. ჯერ კიდევ საბჭოთა კავშირში, როდესაც მარქსიზმი იყო ფილოსოფიაში გაბატონებული, საქართველოში ჭეშმარიტი ფილოსოფია მაინც არსებობდა და ინსტიტუტში ფილოსოფიის თავისი ძირითადი ფუნქცია არ დაუკარგავს. დიდი რეზონანსი ჰქონდა 1965 წელს მოწყობილ საკავშირო სიმპოზიუმს ღირებულების პრობლემაზე. „ეს იყო მაშინ გაუგონარი და უზრუნველყო რამ... ღირებულების პრობლემის დამუშავების საფუძველზე შესაძლებელი გახდა ეთიკის, ესთეტიკის, ფილოსოფიური ანთროპოლოგიის პრობლემების წარმატებული კვლევა და ინსტიტუტში შესაბამისი განყოფილებების გახსნა, რაც ძალზე მნიშვნელოვანია ფილოსოფიური მეცნიერების განვითარების მხრივ. სასურველია, ინსტიტუტის სივრცეში ეს ფილოსოფიური კვლევები არ „ჩაიკეტოს“ სხვადასხვა კრებულებისა თუ მონოგრაფიების სახით და არ გახდეს იგი ხელმოწვევად ფართო საზოგადოებისთვის, ფილოსოფიური საკითხებით დაინტერესებული ახალგაზრდებისთვის“, — აღნიშნა ირაკლი კალანდია. ფილოსოფიისათვის ნამდვილად აუცილებელია აუდიტორიასთან კონტაქტი, რასაც ამ დარგის სპეციალისტები შედარებით მოკლებულნი არიან. დღეს ფილოსოფიური ასპექტები შეიძლება მოვიძიოთ ყველგან: ბიზნესში, მენარმეობაში, კომერციალიზაციაში და სხვ. ამიტომ ესა თუ ის ფილოსოფიური საკითხი მჭიდროდ არის დაკავშირებული თანამედროვე ინოვაციურ თუ ტექნოლოგიურ პრობლემებთან. ამ პრობლემის ფილოსოფიური ხედვა და გადაწყვეტა ნამდვილად საჭიროა საქვე, რომელიც საშუალებას გვაძლევს სხვა კუთხით მივუდგეთ პრობლემურ საკითხს და იგი ალტერნატიული, ახლებური გზით გადავწყვიტოთ. სავსე წერეთლის ფილოსოფიის ინსტიტუტს გააჩნია სათანადო სამეცნიერო პოტენციალი და სამეცნიერო ბაზა, რათა ეს საკითხები უფრო სხვა, საინტერესო რაკურსით წარმოადგინოს. „მე გთავაზობთ, რომ ურთიერთთანამშრომლობას თსუ-სთან ჰქონდეს ინსტიტუციონალური ხასიათი, მაგალითად, მუდმივ-მოქმედი სემინარის სახით. ფილოსოფიის „დიოგენის კასრიდან“ უნდა გამოვიდნენ და უფრო მეტად უნდა დაუახლოვდნენ საზოგადოებას“, — დასძინა თსუ-ის რექტორმა გიორგი ხუბუამ. ეს პრობლემა დღეს მართლაც რეალურად დგას ქართული საზოგადოების წინაშე. ფილოსოფია ხომ სიბრძნის სიყვარულია, ქვეყნის პროგრესი კი მოვლენებისა და პროცესების სიბრძნისეული შეფასებებით არის მხოლოდ შესაძლებელი.

ლექცია

უცხოეთში მოღვაწე ქართველები მეცნიერებაში „საიუბილეო სკოლის“ ფარგლებში ლექციები წაიკითხეს

ივანე ჯავახიშვილის სახელობის თბილისის სახელმწიფო უნივერსიტეტის 90 წლისთავთან დაკავშირებით ზუსტ და საბუნებისმეტყველო მეცნიერებათა ფაკულტეტის ფიზიკის მიმართულებაზე ევროპის წამყვან სამეცნიერო ცენტრებში მოღვაწე ქართველ მეცნიერებმა 13-დან 22 ოქტომბრამდე „საიუბილეო სკოლის“ ფარგლებში ლექციები წაიკითხეს.

მაია ტორაძე

პროექტმა დიდი ინტერესი გამოიწვია მიმართულების პროფესორ-მასწავლებლებს, ბაკალავრიატის სტუდენტებსა და მაგისტრანტებს შორის.

იტალიის ლა ჟულიას უნივერსიტეტის პროფესორმა ზურაბ ბერეჟიანმა სტუდენტებს

გააცნო „ელემენტარული ნაწილაკების ფიზიკისა და კოსმოლოგიის აქტუალური საკითხები“. ლექტორმა ისაუბრა სამყაროს წარმოშობის (დიდი აფეთქების) თეორიაზე, დიდ ასტრონომიულ მასშტაბებში სამყაროს ერთგვაროვნებაზე, ინფლაციურ მოდელზე, ნეიტრინოების მასისა და ოსცილაციების პრობლემებზე, თანამედროვე ელემენტარული ნაწილაკების „ზოოპარკზე“ და ერთმანეთთან მათ ურთიერთქმედებებზე.

დუბლინის ტრინიტი კოლეჯის ნატურალური ფილოსოფიის საუნივერსიტეტო კათედრის (1847) გამგე, ჰამილტონის მათემატიკის ინსტიტუტის (ირლანდია) დირექტორმა, პროფესორმა სამსონ შათაშვილმა წაიკითხა ორი მოხსენება: „სიბრძნის თანამედროვე საკითხები“ და „სუპერსიმეტრიული ყალიბური თეორია და მრავალწილიკოვანი კვანტური სისტემები“.

პირველ ლექციაზე პროფესორმა სამსონ შათაშვილმა განიხილა სიმთა თეორიის რთული მათემატიკური საკითხები და ამ თეორიის საფუძველზე ელემენტარული ნაწილაკების აგების პრობლემები. მეორე ლექციაზე კი ისაუბრა სუპერსიმეტრიული თეორიის კონცეპტუალურ საკითხებზე და ისინი მრავალწილიკოვან კვანტურ სისტემებთან დაკავშირა.

პოლონეთის ზელენა გორას უნივერსიტეტის ი. კეპლერის ასტრონომიის ინსტიტუტის პროფესორმა გიორგი მელიქიძემ წაიკითხა ლექცია თემაზე — „პულსარების ასტროფიზიკა“. ლექტორმა მოკლედ მიმოიხილა თანამედროვე ასტროფიზიკის ეგზოტიკური ობიექტების — პულსარების ფიზიკის აღმოჩენის, მათზე შემდგომი დაკვირვების და არსებული თეორიული მოდელების მდგომარეობა. აღნიშნა, რომ პულსარების გა-

მოსხივება შეუძლებელია აიხსნას სითხის გამოხიზების საფუძველზე და აუცილებელია პოლარიზაციული მოვლენების განხილვა, რომელიც ჯერ კიდევ 1952 წელს შეინიშნა ქართველმა ასტრონომმა დ. ვაჰაქიძემ.

პროფესორმა ზურაბ ბერეჟიანმა, სამსონ შათაშვილმა და გიორგი მელიქიძემ უპასუხეს სტუდენტთა და პროფესორ-მასწავლებელთა მრავალრიცხოვან შეკითხვებს. კითხვა-პასუხის დროს გამართულ საზოგადოებაში მონაწილეობდნენ სტუდენტები, რომლებმაც მომზადების მაღალი დონე გამოავლინეს.

„საიუბილეო სკოლის“ დასრულების შემდეგ ქართველმა მეცნიერებმა თსუ-ის ზუსტ და საბუნებისმეტყველო მეცნიერებათა ფაკულტეტთან თანამშრომლობის პერსპექტივები დასახეს.

რუსული საფრთხე ევროპისთვის



რუსეთისა და ევროპის სახელმწიფოების ურთიერთობაში, ერთი შეხედვით, თითქოს, განსაკუთრებული არაფერი ყოფილა. ომები, ხანმოკლე თუ ხანგრძლივი ზავები, ტერიტორიის გადანაწილება და გავლენის სფეროს დადგენა — სახელმწიფოთა ურთიერთობაში ჩვეულებრივი მოვლენა იყო. ყოველივე ამის მიღმა აშკარად ჩანს ერთი კანონზომიერება: რუსეთი ევროპისთვის წარმოადგენდა საფრთხეს. საფრთხეში, ამ შემთხვევაში, არ გველისხმობთ მხოლოდ ევროპის რომელიმე სახელმწიფოს ტერიტორიის ერთბაშად მიტაცებას ან გავლენის სფეროს მოპოვებას. საფრთხეს ქმნიდა რუსეთის მისწრაფება — გაბატონებული მდგომარეობა დაეკავებინა ევროპაში და ემართა ევროპის სახელმწიფოები. ამ იდეის გაჩენის დროისათვის და შემდეგ საუკუნეებშიც რუსეთი პოლიტიკური, ეკონომიკური, სოციალური და კულტურული გავლენის დონით ბევრად ჩამოუვარდებოდა ევროპის სახელმწიფოებს. ეს იმას ნიშნავდა, რომ იდეას განხორციელება არ ენერა. რუსეთში ასე არ ფიქრობდნენ. გაცილებით მაღალგანვითარებული სამყაროზე ბატონობას რუსეთი დიდად არმის საშუალებით აპირებდა. რუსეთს შეეძლო იმოდენა ლაშქარი შეეკრიბა, რამდენსაც ორი-სამი ევროპული სახელმწიფო ერთად ვერ შეკრებდა. მიუხედავად ამისა, ევროპის ქვეყნების დაპყრობას და იქ საოკუპაციო რეჟიმის ერთბაშად დამყარებას რუსეთი ვერ შეძლებდა. სამაგიეროდ, რუსეთს შეეძლო გამუდმებული, ხანმოკლე და ხანგრძლივი ომებით ევროპის ქვეყნებში სახელმწიფოებრივი ცხოვრების ნორმალური მსვლელობა დაერღვია, შეეფერებინა ეკონომიკის სტაბილური განვითარება, დაეძაბა ვითარება. გარკვეული პერიოდებიდან რუსული სახელმწიფოებრიობა სწორედ ამ იდეის რეალიზებაზე აწეწო. ევროპისათვის ეს მტებად სამიში იყო. ევროპის სახელმწიფოები რუსული სახელმწიფოს წესით ვერ იარსებებდნენ. ევროპას ხსნის სხვა გზა უნდა ეპოვნა. ამ გზის პოვნა კი ადვილი არ აღმოჩნდა.

რუსეთი, როგორც ევროპის საფრთხე, კიევის რუსეთის არსებობის პერიოდში (IX-XII სს.) შეიძლება ითქვას, არც არსებობდა. ეს განპირობებული იყო ორი მიზეზით: პირველი: კიევის რუსეთში სახელმწიფოებრიობა ის-ის იყო გააქრობებოდა, ევროპასთან დაპირისპირებისათვის აუცილებელი ეკონომიკური სიძლიერე და მრავალრიცხოვანი არმია კიევის რუსეთს არ გააჩნდა. იმხანად მთელი ძალები ბიზანტიის წინააღმდეგ იყო მიმართული. მეორე: კიევის რუსეთს თავს ესხმოდნენ აღმოსავლეთიდან მოსული მოთაბარე ხალხები (პაჭანიკები, ყივჩაღები). მოთაბარეებთან მუდმივი ომები, დაძაბული ვითარება (პაჭანიკები და ყივჩაღები კიევამდე აღწევდნენ) კიევის რუსეთის აქტიურობას დასავლეთით შეუძლებელს ხდიდა. რუსეთი, როგორც ევროპისთვის სამიში ძალა, საცნაური ხდება მოსკოვის რუსეთის ჩამოყალიბების პერიოდში (XV საუკუნიდან).

რუსეთი რეალურ საფრთხედ გვევლინება დიდი მთავრის ივანე III (1462-1505 წწ.) და მეფე ივანე IV მრისხანის (1533-1584 წწ.) მმართველობის წლებში. ამ პერიოდში რუსეთმა მიზნად დაისახა: ევროპისთვის ბალტიის ზღვიდან შავ ზღვამდე სივრცის დაკავება და მისი კონტროლი. რუსეთში კარგად იცოდნენ, რომ ბალტიის ზღვიდან შავ ზღვამდე სივრცის დახურვა ევროპის სახელმწიფოებს მძიმე მდგომარეობაში ჩააგდებდა. ოსმალეთის მიერ კონსტანტინოპოლის აღებისა (1453 წ.) და ბიზანტიის იმპერიის განადგურების შემდეგ, რასაც შედეგად მოჰყვა ოსმალეთის გაბატონება ბალკანეთის ნახევარკუნძულზე, ბოსფორისა და დარდანელის სრუტეებზე და მთლიანად შავ ზღვაზე, ევროპას აზიის ქვეყნებთან ურთიერთობის გზები გადაეჭრა. ვითარება კიდევ უფრო კარგით დასაფრთხილებელი ხდებოდა ოსმალეთის პოზიციების განმტკიცებით. ევროპის სახელმწიფოებს აზიასთან სავაჭრო კავშირი რუსეთზე გამავალი გზებით უნდა დაემყარებინა. ერთ-ერთი ასეთი გზა თეთრი ზღვის სანაპიროზე ქ. არხანგელსკთან იწყებოდა. გზა ჯერ ხმელეთზე გადიოდა, ხოლო შემდეგ მდ. ვოლგით კასპიის ზღვამდე, ქ. ასტრახანამდე აღწევდა. კასპიის ზღვის სამხრეთ სანაპიროდან ერთი სახმელეთო გზა აღმოსავლეთით — ინდოეთისაკენ მიემართებოდა, მეორე სამხრეთისკენ — სპარსეთისა და არაბული ქვეყნებისაკენ. აზიისაკენ მიმავალი მეორე გზა ბალტიის ზღვის ნავსადგურებთან იწყებოდა, შემდეგ გზა მიდინარე ვოლგაზე გრძელდებოდა და კასპიის ზღვამდე, ქ. ასტრახანამდე აღწევდა. ხე-

ავისტოს მოვლენებმა კიდევ ერთხელ ცხადყო, რომ ევროპამ კარგად უნცის იმპერიული რუსეთის მავნებლური პოლიტიკის არსი. სამხრეთ ოსეთში და მის ფარგლებს გარეთ ნაშთიველ ფართობს მტკიანი აგრესიის ევროპაში „აღშფოთების გამოხატვით“ დაუპირისპირდნენ და საქართველო-რუსეთს შორის მიღებული 6 პუნქტიანი შეთანხმების შესრულებაზე ერთგვარი მონიტორინგის დაწესებით შემოიფარგლნენ. ევროპამ რუსეთის მხრიდან საქართველოს ტერიტორიების ოკუპაციის გამო ვერ ითავა აგრესორისთვის სანქციების დაწესება, რადგან ისტორია მას მწარე გამოცდილებას კარნახობს. რუსეთი გამოუსწორებელი აგრესორია, რომლის პოლიტიკური ხედვაც სხვა სახელმწიფოებისთვის რაც შეიძლება მეტი ზიანის მიყენებაზეა ორიენტირებული. იგი სწორედ ამით საზრდოობს და ამიტომ ცდილობს ევროპაც, რომ რუსეთი ზედმეტად არ გაამძინეწაროს. რა საფრთხეს წარმოადგენს რუსეთი ევროპისთვის, რა იდეა-ფიქსით არის იგი შეპყრობილი და რამდენად შესაძლებელია — მისგან წამოსული საფრთხე ევროპულმა სახელმწიფოებმა თავიდან აიცილონ? — ამ საკითხის აქტუალობიდან გამომდინარე ისტორიკოსი მახტანტაშვილი ისტორიულ პარალელებს და დასკვნებს გვთავაზობს.

ლსაყრელი გეოგრაფიული მდგომარეობა თუ ევროპიდან აზიისაკენ მიმავალი სავაჭრო გზები რუსეთს რომ ეფექტურად გამოეყენებინა და აემოქმედებინა, ქვეყნის ეკონომიკა სწრაფად განვითარდებოდა და რუსეთიც ევროპულ სამყაროს მჭიდროდ დაუკავშირდებოდა. დაწყებოდა ორივე მხარისთვის სასარგებლო ურთიერთობა, მაგრამ რუსეთმა სხვა გზა აირჩია.

ევროპიდან აზიისაკენ მიმავალი გზის ევროპისთვის დახურვა რუსეთმა უპირველეს ამოცანად დაისახა და ამ მიზნის მიღწევისთვის შემდეგი ღონისძიებები გაატარა: პირველი: დაიწყო ომი ბალტიისპირეთის დაპყრობისთვის. რუსეთს სურდა ბალტიის ზღვის სანაპიროების დაპყრობა და ევროპისთვის სასიცოცხლო მნიშვნელობის მქონე სავაჭრო გზის სანყისი პუნქტების ხელში ჩაგდება. მართალია, ოცდახუთწლიანი ომი (1558-1583 წწ.) რუსეთის მარცხით დასრულდა, მაგრამ ივანე IV მრისხანის მიანც შეძლო, რომ ბალტიის ზღვიდან აზიისაკენ მიმავალი გზა ევროპამ პრაქტიკულად ვერ გამოეყენა.

მეორე: რუსეთი ცდილობდა ბალტიის ზღვიდან შავ ზღვამდე სივრცე სხვა მიმართულებითაც დაეცვა. ამ მიზნით რუსეთმა ბელორუსიის ტერიტორიაზე ოლიგის სახელმწიფოს შევიწროება ცხადვა. 1492-1494 წლებსა და 1500-1503 წლებში ივანე III ლიტვასთან ომობდა. ომები შემდგომშიც გრძელდებოდა.

მესამე: ბალტიის ზღვიდან შავ ზღვამდე სივრცის ჩაკეტვა უკრაინაში პოლონეთის პოზიციების შესუსტებასა და ყირიმის სახანოს ლიკვიდაციას ითხოვდა. ეს ამოცანა XVI საუკუნეში ვერ გადაიჭრა, თუმცა რუსეთმა იმას კი მაინც, რომ 1552 წელს ყაზანის, ხოლო 1556 წელს ასტრახანის მონღოლური სახანოები გაანადგურა და ევროპის სახელმწიფოებს უკრაინის გავლით ასტრახანამდე მიღწევისა და კასპიის საზღვაო გზის გამოყენების საშუალება მოუპოვა.

ამრიგად, XV-XVI საუკუნეებში რუსეთმა შეძლო არ დაეშვა რუსეთის გავლით ევროპიდან აზიისაკენ მიმავალი სავაჭრო გზების ამოქმედება, რითაც ძლიერი დარტყმა მიაყენა ევროპის ქვეყნების ეკონომიკას. ეკონომიკურად რუსეთიც ძლიერ დაზარალდა. ამ შემთხვევაში მხოლოდ ტრანზიტით მიღებული შემოსავლის არ ვგულისხმობთ. ომებმა ბალტიისპირეთში, პოლონეთთან, ლიტვასთან, ყირიმისა და ასტრახანის სახანოებთან რუსეთის ეკონომიკას დიდი ზიანი მოუტანა. ამის მიუხედავად, რუსეთი, როგორც ევროპის საფრთხე, არსებობას განაგრძობდა და ამ „მისის“ გაგრძელებაზე უარის თქმას არ აპირებდა.

ევროპის ქვეყნებმა ქრისტიანულ რუსეთთან ურთიერთობის მოგვარება რომ ვერ შეძლეს, ოსმალეთისა და სპარსეთის ხელისუფლებას მორიდდნენ. გარკვეული პერიოდებიდან ეფექტურად ამოქმედდა სავაჭრო გზა ოსმალეთისა და სპარსეთის ტერიტორიის გავლით. სავაჭრო გზამ ამ ქვეყნებს დიდი შემოსავალი მოუტანა.

XVI საუკუნის მიწურულსა და XVII საუკუნის დამდეგს რუსეთი დასუსტდა, ცენტრალური და ადგილობრივი მმართველობა მოიშალა, ქვეყანა ქაოსმა მოიცვა. ამით ისარგებლეს შვედეთმა და ჟენ პოსპოლიტამ და რუსეთს ჩრდილო-დასავლეთით და დასავლეთით მნიშვნელოვანი ტერიტორიები დაატოვებინეს. როგორც კი რუსეთი ნელში გაიმართა, ევროპისთვის ბალტიის ზღვიდან შავ ზღვამდე სივრცის ჩაკეტვის მიზნით კვლავ აქტუალური გახდა. მეფე ალექსი მიხეილის ძის (1645-1682 წწ.) მმართველობის პერიოდში რუსეთმა უკრაინის დაპყრობის მიზნით ჟენ პოსპოლიტას წინააღმდეგ ხანგრძლივი ომი (1654-1667 წწ.) აწარმოა და ჟენ პოსპოლიტას უკრაინის ნაწილი (დნეპრის მარცხენა სანაპირო) დაათმობინა.

რუსეთი, როგორც ევროპის საფრთხე, მთელი სისრულით წარმოჩნდა პეტრე I-ის (1696-1725 წწ.) და მისი მემკვიდრეების დროს. ამ პერიოდისთვის (XVIII საუკუნის დამდეგი) ევროპას აზიის ქვეყნებთან სახმელეთო და საზღვაო გზებით ვაჭრობა შესანიშნავად ჰქონდა აწყობილი და ბალტიის ზღვიდან შავ ზღვამდე სივრცის დახურვა ევროპის სახელმწიფოებს დიდად არ აღეცხებოდა. ევროპისთვის უფრო აქტუალური იყო თვით რუსეთის ბაზარი. რუსეთის ბაზარზე შეღწევისთვის ევროპის სახელმწიფოებს აუცილებლად სჭირდებოდათ ბალტიისა და თეთრი ზღვის სანაპიროზე არსებული ნავსადგურების ამოქმედება, თეთრი ზღვა — ვოლგა — კასპიის ზღვა და ბალტიის ზღვა — ვოლგა — კასპიის ზღვა სავაჭრო გზების ეფექტურად გამოყენება. პეტრე I-ის ეკონომიკურმა პოლი-

ტიკამ ევროპის სახელმწიფოებს რუსეთის ბაზრის ათვისების ხალისი დაუკარგა. პეტრე I ცდილობდა ევროპის ქვეყნებთან ვაჭრობაში აქტიური ბალანსის შენარჩუნებას, ანუ რაც შეიძლება მეტი რაოდენობით რუსული საქონელი გაეყენა ევროპაში და ნაკლები შემოეყენა. ამიტომ იყო, რომ მხარისთვის სასარგებლო ურთიერთობა მასშტაბები ძალზე შეიზღუდა. ევროპის სახელმწიფოებს რუსეთიდან მხოლოდ აუცილებელი საქონელი გაჰქონდათ და ისიც ძალზე შეზღუდული რაოდენობით.

პეტრე I არ იყო ღრმად მორწმუნე მართლმადიდებელი. მას კონსტანტინოპოლის დაცემის (1453 წ.) შემდეგ მოსკოვის რუსეთის მიერ გაცხადებული დოქტრინის — „მოსკოვი — მესამე რომი, მეოთხე აღარ იქნება“ — მხოლოდ პოლიტიკური (უფრო ზუსტად, სამხედრო-პოლიტიკური) ასპექტი აინტერესებდა. რეალურად „მესამე რომის“ იდეის რეალიზება პეტრე I-მა დაიწყო. რუსეთის აგრესია რამდენიმე მიმართულებით განვითარდა: 1) 1696 წ. — აზოვის ციხე-სიმაგრის აღება და მდ. დონის შესართავის მიტაცება; 2) 1700-1721 წწ. — ბალტიისპირეთის დაპყრობა და შემოერთებული ტერიტორიის ათვისების დაწყება; 3) 1708-1709 წწ. — უკრაინისა და ბელორუსიის ნაწილის მიტაცება; 4) 1711 წ. — რუსეთის არმიის შეჭრა დუნაიპირეთში და ბალკანეთის დაპყრობის მცდელობა; 5) 1722-1723 წწ. — რუსეთის არმიის შეჭრა კასპიისპირეთში და სამხრეთ კავკასიის აღმოსავლეთი ნაწილის დაპყრობის მცდელობა.

პეტრე I-მა პრაქტიკულად რუსეთის კონტროლს დაუქვემდებარა უზარმაზარი სივრცე ბალტიის ზღვიდან შავ ზღვამდე — პეტერბურგიდან აზოვის ციხე-სიმაგრემდე. პეტრე I-ის მეფობის წლებში გამოიკეთა სამი სტრატეგიული მიმართულება — რუსეთის მომავალი აგრესიის სფეროები: დასავლეთით (ბელორუსიის გავლით პოლონეთისკენ); სამხრეთ-დასავლეთით (უკრაინის გავლით ბალკანეთისკენ); სამხრეთით (დნეპრის ქვემო ნელთ ყირიმის ნახევარკუნძულისკენ); სამხრეთ-აღმოსავლეთით (ვოლგის დელტადან კასპიის ზღვის სანაპიროთი სამხრეთ კავკასიისკენ).

სხვებზე უფრო ოთხი სტრატეგიული მიმართულებიდან მთავარი იყო პირველი და მეორე. ეს კი იმას ნიშნავდა, რომ ბალტიისპირეთში მყარად დამკვიდრებული რუსეთი ევროპაში შეჭრისთვის ემზადებოდა. რუსეთმა კარგად გამოიყენა დასავლეთ ევროპის სახელმწიფოებს შორის არსებული დაპირისპირება. კერძოდ, პრუსიის გაძლიერებით შემოფოთებულმა დასავლეთ ევროპის სახელმწიფოებმა (რუსანგეთი, ავსტრია და სხვ.) დახმარებისთვის რუსეთს მიმართეს. იმპერატორი ელისაბედ I (1741-1761 წწ.) ანტიპრუსიული კოალიციაში ჩაება. შეიძლია იმის (1757-1763 წწ.) დროს რუსეთმა პრუსიის არმია გაანადგურა და 1760 წელს ბერლინიც დაიკავა. მართალია, რუსეთმა პრუსიის ტერიტორია მალევე დატოვა, მაგრამ პრუსიამ, როგორც რუსეთის მეტოქე, ბალტიისპირეთში სერიოზული დარტყმა განიცადა.

მალე რუსეთმა ახალი წარმატებები მოიპოვა. პრუსიასთან და ავსტრიასთან ერთად დასუსტებული ჟენ პოსპოლიტას სამად დაწინაურებით (1772, 1793, 1795 წწ.) პოლონეთის დიდი ნაწილი (გარშავიერეთი) მიიტაცა. ეკატერინე II-მ (1762-1796 წწ.) ოსმალეთთან ომში ორჯერ (1768-1774 და 1787-1791 წლებში) გამარჯვების შემდეგ ყირიმის სახანო შეიერთა და მთელ შავი ზღვისპირეთში გაბატონდა. რუსეთის ბალკანეთში შეჭრის რეალური შესაძლებლობა მიეცა.

ამრიგად, პეტრე I-ის მიერ დასახული ოთხი სტრატეგიული მიმართულებიდან მისმა მემკვიდრეებმა სამი მიმართულებით (დასავლეთის, სამხრეთ-დასავლეთის, სამხრეთის) დიდი წარმატებები მოიპოვეს. რუსეთი ევროპისთვის რეალურ საფრთხედ იქცა.

რუსეთისაკენ მიმდინარე დიდი საფრთხე ზუსტად შეაფასა ნაპოლეონმა და გადამჭრელი ღონისძიებებიც გაატარა. ნაპოლეონი კარგად ხედავდა, რომ XVIII საუკუნეში რუსეთის მიერ ბალტიისპირეთის, პოლონეთის აღმოსავლეთ ნაწილის, ბელორუსიის, უკრაინის, ყირიმის ნახევარკუნძულისა და მთელი ჩრდილოეთ შავი ზღვისპირეთის დაპყრობა, პრაქტიკულად, დასავლეთ ევროპისთვის ომის გამოცხადებას მოასწავებდა. ევროპა რუსეთთან ურთიერთობაში დაშვებული შეცდომების ნაყოფს იძიებდა. ამ ურთულეს ვითარებაში ნაპოლეონმა რუსეთის ევროპული სამყაროს ნაწილად გადაქცევის იდეა წამოაყენა. ევროპა და რუსეთი ერთ სამყაროდ უნდა ქცეულიყო. მხოლოდ ამის შემდეგ შეწყვეტ-

და რუსეთი ევროპის საფრთხედ არსებობას. ამ დიდი იდეის რეალიზებისთვის აუცილებელი იყო ერთი წინაპირობის შესრულება — ნაპოლეონს რუსეთის არმია უსწრაფესად უნდა გაენადგურებინა. 1812 წელს ნაპოლეონი რუსეთთან ომში დამარცხდა და დიდი იდეაც დასაბარდა. ევროპული მონარქები ნაპოლეონის დამარცხებას ზემოზნდნენ და ვერც კი ამწვედნენ, რომ გამარჯვებული რუსეთი ევროპას კიდევ უფრო დიდ საფრთხეს შეუქმნიდა. ვენის კონგრესი და „საღვთო კავშირის“ შექმნა (1814-1815 წწ.) ამის ნათელ დადასტურებას წარმოადგენდა.

„საღვთო კავშირმა“, მიუხედავად იმისა, რომ მან ევროპაში რუსეთის ყოფნა დააკანონა, დადებითი როლი შეასრულა — ევროპა ასი წლის განმავლობაში (1815-1914 წწ.), ასე თუ ისე, ერთ სამყაროს წარმოადგენდა. ეს სამყარო პირველი მსოფლიო ომის დაწყებით (1914 წ.) დაიშრა. ამაში რუსეთს ვერ დაეადანაშაულებთ — სხვა სახელმწიფოების ბრალი გაცილებით დიდი იყო.

1917 წელს, დიდი პოლიტიკური კრიზისის შემდეგ, საბჭოთა რუსეთის (შემდეგში საბჭოთა კავშირის) ხელისუფლების სათავეში მოსულმა ბოლშევიკებმა ძველი იდეის ხორცშესხმა დაიწყეს — რუსეთი (საბჭოთა კავშირი) ევროპის საფრთხედ აქციეს. „მსოფლიო რევოლუციის“ კომუნისტური იდეა, პირველი რიგში, სწორედ ევროპის წინააღმდეგ იყო მიმართული. რუსეთისადმი მიმდინარე საფრთხე ევროპაში ზუსტად აღიქვეს. 1918-1920 წლებში ევროპის ქვეყნები (ინგლისი, საფრანგეთი) და ამერიკის შეერთებული შტატები სამხედრო ძალითა და „თეთრი მოძრაობისადმი“ მხარდაჭერით ცდილობდნენ რუსეთში პოლიტიკური რეჟიმის შეცვლას, მაგრამ ამაოდ. მარცხის შემდეგ დასავლეთ ევროპის დიდი სახელმწიფოები რუსეთთან თანამშრომლობის (და ფაქტობრივი ალიანსის) გზას დაადგინეს. ასეთი პოლიტიკა შექმნილი ვითარებით იყო განპირობებული.

პირველი მსოფლიო ომის დასრულების (1918 წ.) შემდეგ გარკვეული მიზეზების გამო დასავლეთ ევროპის სახელმწიფოებისა და ამერიკის შეერთებული შტატების ურთიერთობა დაიძაბა. ომისგან დაზარალებული ევროპის ესაჭიროებოდა სურსათი (პირველი რიგში პური) და მრეწველობისთვის აუცილებელი ნედლეული (ნავთობი, მარგალიტი და სხვ.). ომისგან დაზარალებული ეკონომიკის აღდგენა ევროპას შეეძლო ამერიკის შეერთებული შტატების დახმარებით. ეს ევროპისათვის მიუღებელი იყო, რადგან დახმარების სანაცვლოდ ამერიკა ევროპას პოლიტიკურ მოთხოვნებს უყენებდა. ევროპულმა პოლიტიკოსებმა ომისგან დაზარალებული ეკონომიკის აღდგენა საბჭოთა რუსეთის დახმარებით გადაწყვიტეს, რადგან რუსეთი ევროპას ვრავითარ პოლიტიკურ მოთხოვნას ვერ წაუყენებდა. გარდა ამისა, რუსეთი ხელსაყრელი პარტნიორი იყო ბაზრის სიახვის გამოც.

მაგალითად, ევროპას რუსეთიდან შეტანილი პური გაცილებით იაფი უჯდებოდა, ვიდრე ამერიკიდან. ევროპის ეკონომიკის აღორძინება წარმოუდგენელი იყო რუსეთის ნავთობის, მარგანცის, საუკეთესო ხარისხის ფოლადის და ა.შ. გარეშე. ევროპა-რუსეთის ეკონომიკური ურთიერთობის დაწყება იმას ნიშნავდა, რომ ევროპა-ამერიკული სამყარო საბჭოთა რუსეთის (საბჭოთა კავშირის) საფრთხის წინააღმდეგ ვერ გაერთიანდა. ამით ისარგებლა საბჭოთა იმპერიამ და თითქმის ორი ათეული წლის განმავლობაში ევროპასთან აქტიური სავაჭრო ბალანსით დიდი მოგება ნახა.

მეორე მსოფლიო ომის (1939-1945 წწ.) შემდეგ საბჭოთა კავშირის წინააღმდეგ ევროპა-ამერიკული სამყარო გაერთიანდა. ამ ერთიანობის შედეგი იყო საბჭოთა იმპერიის დასუსტება და მისი დაშლა (1991 წ.). ამ დიდი გამარჯვების შემდეგ ევროპა-ამერიკულმა სამყარომ დიდი სტრატეგიული შეცდომები დაუშვა. საბჭოთა კავშირის თხუთმეტ დამოუკიდებელ სახელმწიფოდ დაშლამ შექმნა იმისი შთაბეჭდილება, რომ რუსეთი ევროპას საფრთხეს ვეღარ შეუქმნიდა — ეს იყო ნაჩქარევად გაკეთებული დასკვნა. იმ ძალას, რომელმაც საბჭოთა კავშირი დაშლა, შეეძლო რუსეთის ფედერაციის ავტონომიური რესპუბლიკების დონეზე დაშლა და რუსეთისგან ციმბირის ჩამოცილება. ვინც ეს არ გააკეთა, დღეს თავს იმართლებს: რუსეთის ავტონომიური რესპუბლიკების დონეზე დაშლა და ციმბირის რუსეთისგან ჩამოცილება ევროპასა და აზიაში რთულ, უმართავ პროცესებს გამოიწვევდაო. ეს სავსებით სწორია. დღევანდელი ვითარება ცხადს ხდის, რომ, სამშრომლის მიუხედავად, სჯობს რუსეთის დაშლა 1991 წლისთვის მომხდარიყო, თუნდაც ნაწილობრივ. ბუნებრივად ისმის კითხვა: რა აზრი ჰქონდა საბჭოთა კავშირის დაშლას, თუ პოსტსაბჭოთა სივრცეში რუსეთი გაბატონდებოდა და ევროპას საფრთხეს კვლავ შეუქმნიდა? აღიარებენ თუ არა თავის შეცდომას დიდი პოლიტიკოსი მამები, მნიშვნელობა არა აქვს. ჭეშმარიტება ერთია: რუსეთი XX საუკუნის 90-იან წლების დამთავრებას უნდა დაშლილიყო. ევროპა-ამერიკული სამყარო დღეს დიდი სტრატეგიული შეცდომის შედეგებს იძულებულია მოსწონებოდეს და თავის სიძლიერეში დარწმუნებული სამხრეთ კავკასიის, ბალტიისპირეთის, უკრაინის, მოლდოვას გადასაყლაპავად ემზადება. ბალტიის ზღვიდან შავ ზღვამდე ევროპისთვის სივრცის დახურვა რუსული სახელმწიფოს სტრატეგიულ მიმართულებად რჩება.

აფხაზურ საზოგადოებაში უკმაყოფილება თანდათან ფეხს იკიდებს

რას ნერს აფხაზური გაზეთი "Нужная Газета"?

ქართულ-აფხაზურ ურთიერთობათა სამეცნიერო-კვლევითი ცენტრის ერთ-ერთი ძირითადი მიზანია უნივერსიტეტის საზოგადოების ინფორმირება აფხაზეთში მიმდინარე პროცესების შესახებ. ცენტრი ამჯერად გვთავაზობს ერთ-ერთ აფხაზურ გაზეთში "Нужная Газета"-ში (რედაქტორი იზიდა ჭანია) 9 სექტემბერს დაბეჭდილ მასალას, სადაც აშკარად ჩანს აფხაზური საზოგადოების განწყობა უკანასკნელი მოვლენების მიმართ.

„საინტერესოა, რომ რუსეთის მიერ აფხაზეთის დამოუკიდებლობის აღიარების შემდეგ მხოლოდ ორი კვირა გასულა და უკვე თვითონ რესპონდენტები აღნიშნავენ, რომ ეიფორიამ გაიარა და „გაჩნდა მომენტის დადებითი და უარყოფითი მხარეების შეფასების სურვილი“. თუ იმას ვაკვირდებით, რომ აფხაზური მედია ძალიან შორს არის სიტყვის თავისუფლებისგან და ხელისუფლების მხრიდან საშიშროებას განიცდის, შეგვიძლია ვივარაუდოთ, რომ შემოთავაზებულ მასალაში გამოთქმული მოსაზრებები მხოლოდ უმნიშვნელო ნაწილია იმ უკმაყოფილებისა, რომელიც აფხაზურ საზოგადოებაში თანდათან ფეხს იკიდებს“. ასეთ კომენტარს აკეთებს ქართულ-აფხაზურ ურთიერთობათა სამეცნიერო-კვლევითი ცენტრის დირექტორი ზურაბ შენგელია.

რას ნერს აფხაზური "Нужная Газета"?

დაივიწყეთ კატილდელოვა და წყნარი ცხოვრება

ჩვენი დამოუკიდებლობა აღიარეს — როგორ უნდა ვიმოქმედოთ? ეს კითხვა დღეს აფხაზეთში ყველას აქაუბებს. ჯერ კიდევ 26 აგვისტოს სერგეი ბაღაძემ აღნიშნა, რომ აღიარებული ქვეყნის სტატუსი (თუნდაც ჯერ ეს აღიარება მთელი მსოფლიოს მასშტაბით არ მოხდა) დიდ პასუხისმგებლობას გვაკისრებს. „დაივიწყეთ კატილდელოვა და წყნარი ცხოვრება“. ჩვენ ნინ მუსხლიაშვილს შრომა გველოდებოდა. — მიმართა მან ჩინოვნიკებს, მაგრამ არ აუხსნია რას ნიშნავს „შრომა“ და „მუსხლიაშვილი“. შემდეგ იგი კვლავ მოსკოვში გაემგზავრა, ოღონდ ამჯერად აღიარებული, დამოუკიდებელი ქვეყნის პრეზიდენტის რანგში.

ჩვენ გადავწყვიტეთ, ჩვენი წვლილი შეგვეტანა იმის გარკვევაში, თუ რას ფიქრობს აფხაზი ხალხი მოსალოდნელი ცვლილებების შესახებ. ახლა, როცა ეიფორიამ გაიარა, გაჩნდა მომენტის დადებითი და უარყოფითი მხარეების შეფასების სურვილი. ხალხს იმედი გაუჩნდა, რომ ქვეყნის განვითარებასა და რეფორმებს ამჯერად მაინც ხელს არაფერი შეუშლის. რაღა თქმა უნდა, ამ იმედის საფუძველი გარდაქმნების აუცილებლობის შეგრძობაა. იმ შემთხვევაშიც კი, თუ ხელისუფლება მუშაობის ჩვეულ რიტმსა და ჩვეულ სისტემაში გაგრძელებას შეეცდება, ახალი რეალიები მას ამის საშუალებას არ მისცემს. ახლა რუსეთი — ჩვენი პარტნიორი ქვეყანა — დაინტერესებულია, რომ მის მიერ აღიარებული ქვეყანა განვითარების მაღალ დონეზე იდგეს.

გამოკითხული მოსახლეობა შიშობს, რომ შესაძლებელია აფხაზეთის მოსახლეობის გაზრდა, საფრთხე ემუქრება აფხაზეთის ბუნებრივ რესურსებს, მენარმეებს ეჭვი ეპარებათ, რომ შეძლებენ კონკურენცია გაუწიონ უცხოურ ბიზნესს. პოლიტიკურ ჭრილში კი შემფოთებას იწვევს ის, რომ შესაძლებელია ქვეყნის შიდა პროცესების დამოუკიდებლად მართვის შანსი დაიკარგოს.

თუმცა უნდა აღინიშნოს, რომ ოპტიმალური განწყობა გაცილებით მძლავრია. ყველას აერთიანებს იმედი, რომ რეგიონში გარანტირებული უსაფრთხოების ფონზე შესაძლებელია ეკონომიკის სწრაფი განვითარება. „ახლა ჩვენ ისეთივე ხელფასები და პენსიები გვექნება, როგორც რუსეთშია“, — დარწმუნებულები არიან აფხაზეთში. მოსახლეობას სჯერა, რომ რეჟიმი რუსეთ-აფხაზეთის საზღვარზე ახლა უკვე ნაკლებად მკაცრი გახდება; დაიწყება ჯანდაცვის სისტემის რეორგანიზაცია და ბოლოს და ბოლოს მიიღებენ შესაბამის კანონებს; მმართველ ორგანოებში შემცირდება ჩინოვნიკების რიცხვი და სისტემა უფრო ეფექტური გახდება; მოქალაქეები კანონის პატივისცემას მიეჩვენებენ; ვარაუდობენ, რომ აეროპორტიდან შესაძლებელი იქნება თუნდაც მოსკოვსა და ნიკარაგუაში გაფრენა.

გთავაზობთ აფხაზეთის ზოგიერთი, არც თუ მთლად რიგითი მოქალაქეების მოსაზრებებს.
რედაქტორის სვეტი

მჯერა, რომ საზოგადოება უფრო მომთხრობნი იქნება ხელისუფლების მიმართ...

ალბაზ ტხაბუშვილი, ასოციაცია "Investment":
— ყველაზე ნაკლებად მალელებს, თუ

რომელი ქვეყანა აღიარებს ჩვენს დამოუკიდებლობას. მთავარია, რომ ახლა უკვე ნაკლებად შეგვიძლია ვიფიქროთ ჩვენს უშიშროებაზე და უფრო ღრმად ჩავიხედოთ იმაში, თუ რა ხდება ქვეყნის შიგნით. ჩვენს პოლიტიკოსებს ახლა გაცილებით უფრო რთული დრო დაუდგათ — როგორც ხელისუფლებას, ასევე ოპოზიციას. აღარ არის აქტუალური ომის შემდგომი პრობლემატიკა და შესაძლო სამხედრო საშიშროებები. ახლა ისმის კითხვა — რა შეიცვლება რეალურად? მნიშვნელოვანი იქნება, თუ ხელისუფლება დაგვანახებს რეალური რეფორმების ჩატარებისთვის მზადყოფნას. უნდა ვაღიაროთ, რომ ახლანდელმა ხელისუფლებამ მოახერხა არჩევნების შემდეგ ძველი სისტემის მემკვიდრეობის მაქსიმალურად გამოყენება. მაგრამ რეალურად მაინც არაფერი იცვლებოდა, არ ტარდებოდა რეფორმები, მხოლოდ გვარნუნებდნენ, რომ ხელისუფლებას „კიდევ შეუძლია“, „კიდევ უნდა“ და „კიდევაც მოახერხებს“. მაგრამ ეს ყველაფერი მხოლოდ დეკლარაციის დონეზე რჩებოდა.

დღეს მთავარი ადმინისტრაციული რეფორმაა. რეფორმა უნდა შეეხოს ხელისუფლების ყველა შტოს. ის ან ძველებურად იქნება ძნელად სამართავი, ან გადავალთ ხელისუფლების გასაგებ მექანიზმზე — როცა საქმე და სიტყვა ერთნაირია და მიღებული გადაწყვეტილებები მოსახლეობისთვის გასაგებია. აღიარებულ ცივილიზებულ სახელმწიფოში აუცილებელია არსებობდეს მმართველობის ეფექტური სისტემა, რაც რეფორმების ჩატარებას შეუწყობს ხელს. რაც შეეხება პარლამენტს, ვფიქრობ, ქვეყნის არჩევნების შერეული სისტემაა საჭირო. აუცილებლად უნდა გაიზარდოს პოლიტიკური პარტიების როლიც. დიდი ხანია, ჩვენში მზადდება კონსტიტუციური რეფორმა, მაგრამ ეს პროცესი გაჭიანურდა და საზოგადოებამ არაფერი იცის იმის მიმდინარეობის შესახებ. ამავე დროს, სრულიად მივიწყებულია სისტემისთვის მეტად მნიშვნელოვანი, ხელისუფლებასა და მის შტოებს შორის ბალანსის საკითხი: როცა ოპოზიციამ ხარ, ხელისუფლებასზე ზემოქმედების მძლავრი ბერკეტები გჭირდება, ხოლო როცა თავად ხარ ხელისუფლებაში, შენთვის ასეთი საჭიროება უკვე აღარ არსებობს. ამავე დროს, ქვეყნის ახალი სტატუსი ყველას აღფრთოვანებს. ჩვენი ორგანიზაცია ყოველთვის მჭიდროდ თანამშრომლობდა ხელისუფლებასთან და ახლა სოციალურ სფეროში მომავალი რეფორმების დიდი იმედი გვაქვს. გაზრდილი პენსიები და დახმარებები ძალიან კარგია, მაგრამ სოციალური პრობლემები მხოლოდ ამით არ გადაიჭრება.



ბა. უნდა ვიფიქროთ, თუ როგორ მოვახერხოთ შეზღუდული შესაძლებლობების მქონე ადამიანების ინტეგრირება საზოგადოებაში, როგორ დავასაქმოთ ისინი, როგორ შევუქმნათ რეალურად განათლების მიღების საშუალება. ამ მიზნისთვის ჩვენ შესაძლებელია გვექმნება აქტიურად ვითანამშრომლოთ რუსეთის ფედერაციის საზოგადოებრივ ორგანიზაციებთან. რადგან ახლა ჩვენი ყურადღება შეგვიძლია შინაურ პრობლემებზე გადავიტანოთ, ჩემი აზრით, საზოგადოება ხელისუფლების მიმართ გაცილებით უფრო მომთხოვნი გახდება.

ბამონჩა უსაფრთხოების გარანტიები

ანატოლი ზანიცკი, გენშტაბის უფროსი:
— ჩვენი ქვეყნის დამოუკიდებლობის აღიარება სამხედრო სფეროში ახალ საშუალებებს იძლევა. პირველყოფისა უნდა დავამყაროთ სამხედრო-პოლიტიკური კავშირები იმ ქვეყნებთან, რომლებმაც ჩვენი დამოუკიდებლობა აღიარეს. თუ სახელმწიფომ გვცნო, ჩვენ საშუალება გვაქვს მასთან გავაფორმოთ ხელშეკრულება შეიარაღებისა და ტექნიკის მო-

ნოდების სფეროში, სამხედრო განათლების სფეროში და აგრეთვე გადმოვიღოთ მათი სამხედრო გამოცდილება. მთავარია, რომ ჩვენ ამ რთულ პერიოდში მათი იმედი გვაქვს. ომის შემთხვევაში ყველა ამ ქვეყანას შეუძლია გავლენა მოახდინოს იმ სახელმწიფოზე, რომელიც ჩვენ ომს გამოგვიცხადებს, მაგალითად, საქართველოზე, რომელსაც ჩვენ არ ვენდობით. რასაკვირველია, იქნება ცვლილებები სახელმწიფო საზღვრებზე, კერძოდ, მდ. ენგურზე. მე ვლაპარაკობ ჩვენს სამხედრო ძალებზე. ახლა ჩვენ ვაახლებთ სამხედრო საზღვრებს, ვამაგრებთ ჩვენს ბლოკოსტებს. კოდორის ხეობის ზემო ნაწილში — გადასასვლელზე მესაზღვრებთან ერთად შევიმუშავეთ სახელმწიფო საზღვრის დაცვის გეგმა განსაკუთრებული შემთხვევებისთვის. ქვეყანაში ცვლილებები აუცილებელია. ეს, უპირველესად, ეკონომიკურ გარდაქმნებს ეხება. ჩვენ უკვე აღიარებული ქვეყანა ვართ და ინვესტიციები ახლა უკვე ჩაიდება ჩვენთანაც, რადგანაც უკვე არსებობს უსაფრთხოების რეალური გარანტიები. შავი ზღვის ჩვენი მონაკვეთი ყველაზე სუფთაა, რაც ტურიზმის განვითარების შესაძლებლობას იძლევა. ტურიზმის განვითარება — ეს არ ნიშნავს ტურისტების გაყვლას, ეს დარგის მაღალ დონეზე ორგანიზებას გულისხმობს. ჩემი აზრით, აფხაზეთი მომავალში იქნება ტურისტული სამოთხე განვითარებული სოფლის მეურნეობით. ეს საშუალებას მოგვცემს ვიცხოვროთ და განვითარდეთ, ოღონდ არ უნდა დავავიწყდეს უსაფრთხოების საკითხებიც.

ვიცხოვროთ ისა, რომ არ მიყვით დამოკიდებულება საპარტიო მორალს

რა უნდა ხაზგასმობა, ვიცე-პრეზიდენტი:
— ჩვენი დამოუკიდებლობის აღიარება ბევრს გვაკლებს. პირველ რიგში, უნდა შევქმნათ იმის პირობები, რომ სხვა სახელმწიფოებმაც გვცნონ. არა მარტო რუსეთმა, არამედ სხვებმაც უნდა დაინახონ, რას ნარმოადგენს აფხაზეთი. ყველაფერ დაინახოს, რომ ეს არის შემდგარი სახელმწიფო, რომელიც განვითარების გზას ადგას. ამისათვის აუცილებელია შინაგანი დისციპლინა, რაც გულისხმობს იმას, რომ ხელისუფლება და ხალხი შეეცდება შექმნას უსაფრთხო მუშაობის პირობები: ჩვენ დაზღვეული უნდა ვიყოთ ყოველგვარი ზემოქმედებისგან. ჯერ ადრეა დამშვიდება. უნდა განვითარდეთ — რა თანხებს ხარჯავს საქართველო სამხედრო ძლიერების აღსადგენად. ჩემი აზრით,

მთავარი საშიშროება — არ აღმოჩნდეთ უცხოში საპარტიო მორალი

ბესლან ბუტბა, აფხაზეთის ეკონომიკური განვითარების პარტიის თავმჯდომარე:
— აღიარება ჩვენთვის, თავისთავად, არაფერს ნიშნავს — მთავარი იყო, აღიარება პირველად რუსეთის ფედერაციისგან მიგვეღო. რუსეთის ეს ნაბიჯი უსაფრთხოებისა და ეკონომიკური სტაბილურობის გარანტიაა. ეს დღეს კიდევ ერთელ ადასტურებს, რომ აფხაზეთი დროებითი მოვლენა კი არ არის, არამედ კავკასიის პოლიტიკაში მრავალი საუკუნეებისა და ათასწლეულების განმავლობაში აქტიური მოთამაშეა. ახლა ჩვენს მომავალს ერთადერთი მტერი ჰყავს: შინაური „ბარდაგი“ და მოუნყობლობა. ჩვენ მოვიპოვეთ აღიარება იმიტომ კი არა, რომ ქვეყნის განვითარებაში დიდ წარმატებებს მივაღწიეთ, არამედ იმიტომ, რომ ასე განვითარდა პოლიტიკური რეალიები. ამიტომ სიხარულთან ერთად შიშაც განვიცდი, რადგან ვიცი — რა მდგომარეობაში მყოფმა ქვეყანამ მიიღო აღიარება. კარგად გხვდები, რა სერიოზული პრობლემების წინაშე დავდგება ქვეყანა უახლოეს მომავალში. ყველაზე დიდი საშიშროებაა — არ აღმოჩნდეთ უცხოში საპარტიო მორალი. ჩვენ გვჭირდება სერიოზული ინვესტიციები, ინვესტიციებს კი — საუკეთესო მინის რესურსები. არ არსებობს იმის საშუალება, რომ აფხაზეთის მოქალაქეებმა მიიღონ პირდაპირი შემოსავლები მინის ფონდის ექსპლუატაციის შედეგად. დიდია იმის საშიშროება, რომ ფასების ზრდის გამო ჩვენ გავყიდეთ საკუთარ მინას, სახლ-კარს და საკუთარ ქვეყანაში უცხო მხოლოდ ის არ აღმოჩნდება, ვისაც ეყოფა გამჭრაჩხობა დღეს არ გაყიდოს თავისი მინა, შეუნარჩუნოს ის თავის შთამომავლობას. თანამედროვე სამყარო — ესაა კაპიტალის, კულტურისა და ხალხის განუწყვეტელი მოძრაობა. ვიცით, რამდენად ძნელი იყო ბლოკადისა და იზოლაციის პირობებში აფხაზური ენისა და უნიკალური აფხაზური კულტურის შენარჩუნება. ახლა ეს გაცილებით უფრო რთული გახდება, ახლა, როცა მთელი მსოფლიოსათვის გახსნილები ვართ. იქ, სადაც დღეს უღრანი ტყეა, ხვალ შეიძლება ათასობით სხვადასხვა ეროვნების ადამიანი ჩასახლდეს. ჩვენს წინაშეა ამოცანა, შევქმნათ თანამედროვე პოლიტიკური ერი, რომელსაც საერთო ენა, კულტურა და მსოფლმხედველობა გაერთიანებს. სხვა შემთხვევაში აფხაზეთი აღარ იარსებებს. ჩვენ მხოლოდ ახლა ვინცებთ თანასწორუფლებიან ქვეყნად ჩამოყალიბებას. ძალიან მნიშვნელოვანია, როგორი სახის აფხაზეთს დავანახებთ მსოფლიოს. ამაზეა დამოკიდებული, გადავიქცევით თუ არა ისეთ ქვეყნად, რომელსაც პატივს სცემენ, თუ შევავსებთ მსოფლიოს მესამე ქვეყნების რიგებს. გავლენიანი ქვეყნები (პირველ რიგში, რუსეთი) განსაკუთრებული ყურადღებით მოეკიდებიან იმ რეფორმას, ურომლისოდაც ჩვენ უკვე ვეღარ ვიარსებებთ. პირველ რიგში, უნდა შეიცვალოს მმართველი უფენი. ეს ხელისუფლება ჩვენს ქვეყანას უკვე თითქმის 20 წელია მართავს. 20 წლის წინ არა მარტო სხვა ეპოქა, არამედ სხვა ცივილიზაცია იყო. რუსეთში მთლიანად შეიცვალა ჩინოვნიკების თაობა. იმიტომ, რომ დღევანდელი რეალიები მოითხოვენ ღრმა განათლებულ ბიუროკრატულ მანქანას, რომელიც სასეზებით იქნება დაუფლებელი თანამედროვე ტექნოლოგიებს. ჩვენთან კი ჩინოვნიკები არა თუ სახელმწიფოებრივი და ეკონომიკური მენეჯმენტის თანამედროვე ტექნოლოგიებს, არამედ, ხშირ შემთხვევაში, ელემენტარულად, კომპიუტერსაც კი ვერ ფლობენ. XXI საუკუნეში ეს დაუფლებელია.

აფხაზეთის მძიმე სენია კორუფცია. კორუფცია მოსახლეობას ალატაკებს. ქრთამი, უკანონო შემოსავლები, პასპორტების გაყიდვა, მინის უკანონო გასხვისება — ყველგვარ ამას კატასტროფამდე მიყვავართ. კორუფციის აღმოფხვრა ახლა უკვე შეუძლებელია არსებულ სამართალდამცავ სისტემაში. აუცილებელია სახელისუფლებო სისტემის ინსტიტუციონალური და პერსონალური ცვლილებები. დღეს არსებული სისტემა ხომ სრკ-ში შეიქმნა, სადაც კორუფცია სახელმწიფო ძლიერების ერთ-ერთი შემადგენელი ნაწილი იყო. ჩვენ არ გვჭირდება ქრთამზე დამყარებული უშველებელი მანქანა, ჩვენ გვჭირდება ახალი, მობილური, აფხაზეთის ინტერესებზე მზრუნველი ძლიერი სისტემა. ჩვენს წინაშეა კოლოსალური პრობლემა და ამოცანები. მხოლოდ ჩვენზეა დამოკიდებული — რას ავაშენებთ: თანამედროვე, მდიდარ და ლამაზ სახელმწიფოს თუ სიმახინჯეს, რომელსაც რუსეთის ფინანსური დახმარების გარეშე არსებობა არ შეუძლია.

"Нужная Газета" №35; 09. 09. 2008 г.

საქართველოს სერიოზული ეკონომიკური პრობლემა სჭირდება

მსოფლიო ეკონომიკური კრიზისი, რომელმაც საბანკო-საფინანსო, სადაზღვევო და ბიზნეს-სფეროები მოიცვა, ჯერ კიდევ დაუძლეველი პრობლემაა. ეს პროცესი ნელ-ნელა ინაცვლებს საქართველოშიც და პიკმა, შესაძლოა, 2009 წელს მიაღწიოს. რა ინვესტიციები უნდა შევიტყუროთ და რა საშუალებები შევიტყუროთ იგი? გვესაუბრება ივანე ჯავახიშვილის სახელობის თბილისის მტკიცებელი უნივერსიტეტის ეკონომიკისა და ბიზნესის ფაკულტეტის ასოცირებული პროფესორი, ეკონომიკის ექსპერტი მამია ტორაძე:

მამია ტორაძე

— ბატონო ემზარ, მსოფლიო ეკონომიკური კრიზისის დადგომის შესახებ ჩვენმა მკითხველმა უკვე იცის. რა მოვლენაა ეს? რა ხდება მსოფლიო ეკონომიკური კრიზისის დროს?

— გარკვეული პერიოდის განმავლობაში, თავის განვითარების მაღალ ეტაპზე, მსოფლიოს ნამყვანი ქვეყნების კაპიტალის დინამიკა სხვადასხვა პრობლემას იწვევს, როგორც წარმოებაში და დაფინანსებაში, ისე ვაჭრობაში. ირრვევა მოთხოვნა-მიწოდების ბალანსი, ბაზრის დინამიკა და მსოფლიო ეკონომიკაში კრიზისული პერიოდი დგება. ეს ხდება მაშინ, როცა ეკონომიკის ზრდა ეცემა და ის უარყოფით ნიშნულზე გადადის. ამას წინ უძღვება რეცესიის მტკიცებელი ეტაპი, რომლის დროსაც ფინანსური პრობლემები, ძირითადად, დავალიანების კრიზისის სახით წარმოჩნდება და იწყება დიდი წარმოებების გაჩერება, ზოგჯერ მათი გაკოტრება, მოსახლეობის მსყიდველობითი უნარისა და ნდობის ინდექსის დაცემა, უმუშევრობა და ა.შ. როდესაც ეს პროცესები ერთი ქვეყნის საზღვარს სცილდება, ამას ჩვენ ვარქმევთ მსოფლიო ეკონომიკურ კრიზისს, რომელიც პერიოდულად მეორდება და სპირალისებრი აღმავალი ხაზით უზრუნველყოფს ეკონომიკას გარკვეულ ციკლებში. ამ ციკლებს პრინციპულად დღემდე ბევრი საერთო აქვთ ერთმანეთთან, მაგრამ ისინი მეტ-ნაკლებად განსხვავდებიან.

ასეთი კრიზისი ჩვენთვის ცნობილია 1929-1930 წლების ამერიკის „დიდი დეპრესიის“ სახელით, რომელიც აქამდე არსებულთა შორის ყველაზე დიდ კრიზისად ითვლება. 30-იანი წლების ბოლოს და 40-იანი წლების დასაწყისში მას ახალი მსოფლიო ეკონომიკის ფორმირების პროცესი მოჰყვა.

რამ გამოიწვია ამერიკის „დიდი დეპრესია“? საქმე ისაა, რომ გასული საუკუნის 20-იან წლებში პირველი მსოფლიო ომის მიერ დატოვებული სიძნელეების დასაძლევად ამერიკაში შეიკვალა კანონმდებლობა. მიზანი იყო გადასახადების დაწესების შედეგად ინვესტიციების მოზიდვა. ამ ცვლილებამ არ გამოართლა. დაწესებული საგადასახადო შეღავათის მიუხედავად, ეკონომიკაში ფულის ინვესტირება არ მოხდა. ფული ერთი მუჭა ბიზნესმენების ხელში დარჩა და ბაზარში არ დაბრუნდა, რამაც შეამცირა მოთხოვნა და ბაზარიც დაეცა. საბაგიროდ, გაიზარდა უმუშევრობა, რამაც, თავის მხრივ, მოქალაქეთა მსყიდველობითუნარიანობაზე იმოქმედა — პროდუქციაზე მოთხოვნა შემცირდა და ბაზარზე გაჩნდა ე.წ. ჭარბი წარმოება. გარდა ამისა, გადასახადების შემცირებას იმანენტურად არ მოჰყვა საბაზო მექანიზმისა და საშემოსავლო ნაწილის გაძლიერება.

აღნიშნულ კრიზისს წინ უძღოდა კიდევ ერთი გარემოება — ამერიკის მაშინდელმა პრეზიდენტმა მიონდრომ, რომ სახელმწიფო ჩარეულიყო კრიზისის მოგვარებაში, მაგრამ შედეგად ის ძალიან გადრეშდა. ანალოგიურ პროცესებს ახლაც აქვს ადგილი, მაგრამ როგორი იქნება დღევანდელი ჩარევის შედეგები, უახლოეს მომავალში ვნახათ.

30-იანი წლების მერე გაჩნდა კუისანელების თეორია, რომელმაც კარგა ხანს იმუშავა. მეორე მსოფლიო ომის შემდეგ მსოფლიოში ახალი ეკონომიკა დაიბადა. კონტინენტალურმა ევროპამ და ინგლისმა დაკარგეს ლიდერის პოზიცია და გაჩნდა ახალი ეკონომიკური ლიდერი — ამერიკის შეერთებული შტატები. 1944 წელს ამერიკაში შეიკრიბა პოლიტიკამეიკერების საბჭო მთელი მსოფლიოდან და ახალი ბრეტონ ვუდის საავალუტო სისტემა შეიქმნა. ამის შედეგი იყო ასევე მსოფლიო ბანკისა და მსოფლიო სავალუტო ფონდის, როგორც საერთაშორისო სავალუტო სტაბილურობის გარანტორების ინსტიტუტის შექმნა.

რატომ ვამახვილებთ აზრს უარულეობაზე? ამ ინსტიტუტების შექმნას დიდი მნიშვნელობა ჰქონდა. ის დღესაც აქტიურია და დიდად განაპირობებს მსოფლიოში სავალუტო სტაბილურობის შენარჩუნებას. მაგალითად, როცა უნგრეთს გაუჭირდა, სავალუტო ფონდმა მას 26 მილიარდი გამოუყო, როცა საქართველოს გაუჭირდა — 750 მილიონი. ასევე იქცევა ის სხვა ქვეყნებთან მიმართებაშიც. შეიძლება რიგითი მკითხველი დაინტერესდეს, რატომ უნდა გვაინტერესებდეს, ვთქვათ, კე-



ნის სავალუტო სტაბილურობა? იმიტომ, რომ მოხდეს მსოფლიო ვაჭრობა, რომლის გარეშეც მსოფლიო ეკონომიკის განვითარება შეუძლებელია. დღეს, ნებისმიერი ქვეყანა, გვინდა თუ არ გვინდა, ვჭაბოთ თუ ვუსმენთ, გვაცვია თუ გვახსურავს, დაახლოებით, მინიმუმ 50 ქვეყნის ნაწარმს ვიყენებთ ერთდროულად. „ბოინგი“, რომელიც სუფთა ამერიკული სიმბოლოა, 3 მილიონნახევარი დეტალისგან შედგება და ეს დეტალები 29 ქვეყანაში მზადდება. აღარაფერს ვამბობ აერობუსზე, რომლის კომპლექტაცია ოფიციალურად რამდენიმე ქვეყანაში ხდება.

70-იან წლებში დაფიქსირდა მსოფლიოს დიდი ეკონომიკური კრიზისი, რომელიც ნავთობის ფასთან და ენერგეტიკულ ბაზართან იყო დაკავშირებული. ამავე პერიოდში „დასამარდა“ ბრეტონ ვუდის სისტემა და დაიბადა ახალი სავალუტო ურთიერთობა — თავისუფალი, მცოცავი კურსი, რომელსაც მოჰყვა ახალი წესრიგი მსოფლიო ბიზნესში, თუმცა ლიდერი იგივე დარჩა — ამერიკის შეერთებული შტატები.

80-იანი წლების დასაწყისში, როცა კარტერი აშშ-ის ხელისუფლებიდან წავიდა და რეიგანი მოვიდა, ევროპაში გაჩნდა მსოფლიო რეგულაციების სხვადასხვა ორგანოები და ევროპა უფრო და უფრო დაუახლოვდა ერთიანი ევროპული ვალუტის შექმნას. ამავე პერიოდში ამერიკაში წარმოებულ ადამიანურ რეზერვს ეკონომიკური პოლიტიკა, ხოლო ევროპაში მოვიდა მარგარეტ ტეტჩერი, რომელმაც 80-იანი წლების კრიზისის შემდგომ ერთგვარი ეკონომიკური გადატრიალება მოახდინა და ევროპის ეპიკენტრი იყო კორეა, სადაც იმაზე მეტი ინვესტიცია შევიდა, ვიდრე კორეის ბაზარი ითხოვდა და დაიწყო დავალიანების „ბლოკების აწყობა“ დომინოს პრინციპით. ამ ფინანსურმა კრიზისმა აზიიდან ევროპაში გადაინაცვლა და ამერიკასაც გადასწვდა, თუმცა ის ისეთი ძლიერი არ იყო, როგორიც დღესაც.

— რა იყო ახლანდელი მსოფლიო ეკონომიკური კრიზისის მიზეზები, შეიძლება თუ არა მისი თავიდან აცილება? — XXI საუკუნეში ბიზნესის კონცეფცია შეიცვალა — თუ აქამდე ბიზნესი დევიციტური იყო, დღეს პრინციპი არის ბაზარი — მითხარით სად არის ბაზარი, თუ ის არ ხდება სტრატეგიულ პროდუქციას და მე, თქვენ ნებისმიერ საქონელს მოგიტანთ. მითხარით, რამდენის ყიდვის საშუალება გაქვთ და იმდენს მოგიტანთ. სადაც ყიდველია, საქონელი იქ ჩნდება. დღეს საქონელი კი არ არის გადამწყვეტი, არამედ მთავარია მყიდველი, მოხმარების ბაზარი. ამ კონცეფციამ აბსოლუტურად შეცვალა ყველაფერი.

კიდევ ერთი მიზეზი, რამაც მსოფლიო შეცვალა, არის გამუდმებული მოთხოვნა ეკონომიკის ზრდაზე. ბაზარი იქმნება განვითარების დიალექტიკიდან გამომდინარე. ბიზნესმენებმა კრეატიული თეორია შეიმუშავეს — შექმნეს ხელოვნური მოთხოვნა — ხელოვნური ღირებულებები, რომლის მიხედვითაც ფასი დაედო მომავლის ღირებულებას. ამან დააყენა ინფლაციის საკითხი მთელს მსოფლიოში და ბაზარი „გადახურდა“. ხელოვნურად შექმნილი მოთხოვნისთვის გამოვიდა ობლიგაციები. ისინი შეიძინეს განვითარებადი ქვეყნების მთავრობებმა, მაგალითად, ჩინელებმა, რუსებმა, არაბებმა და ა.შ. ანუ მთელი მსოფლიო ჩაერთო ამ საქმეში, რადგან ყველაზე ადვილად მისაღები და მომგებიანი ფული იყო. ამის შემდეგ დაიწყო

არარსებული ფულის ჩადება საქმეში — ანუ შეიქმნა ქალაქი, რომ არსებობს ღირებულება და გაიზარდა ბაზარი. ეს პროცესი გადაედო სადაზღვევო ფორმებს. ბანკებმა გასცეს რეალური სესხები და ამით რისკმენეჯმენტის ყველა მოთხოვნა დაარღვიეს. გარკვეული ზედა ზღვარის მიღწევითანავე ბუნებრივად გაჩნდა ლიკვიდურობის პრობლემა და გაჩერდა ფასების ზრდა. როგორც კი ზრდა გაჩერდა, ბაზარმა დაიწყო ფრთხილად მოქცევა, რასაც ფასების დაწევა მოჰყვა, დაიწყო პანიკა და მივიღეთ ეკონომიკური კრიზისი.

შარშან მთავრობები შეეცადნენ, ეკონომიკისთვის დახმარება გაეწიათ. ისინი ხშირ შემთხვევაში მალავენ კიდევ ამ პრობლემას. შედეგად მივიღეთ ის, რომ მსოფლიო ეკონომიკური კრიზისისთვის მოუშვადებული ადამიანები, იმ მასშტაბებს, იმ სიღრმეს, რაც დღეს აქვს და რაც ხვალ ექნება ამ კრიზისს, არავინ ელოდა. ეს გადაედო საფინანსო, სადაზღვევო, ბიზნესის სფეროებს და ხდება ყველაზე მარტივი გადაწყვეტილებების მიღება — კერძო ბიზნესის ნაციონალიზაცია.

კიდევ რაში მდგომარეობს დღევანდელი ეტაპის თავისებურება? მიუხედავად იმისა, რომ ნამყვანი ევროპულ და ამერიკულ კომპანიებს დღეს უჭირთ, სახელმწიფო ინტერესები ჩადებულია გაკოტრებაშიც კი. ანუ თუ მოვა არაბი ან ჩინელი ბიზნესმენი და იტყვის, რომ გაკოტრებული კომპანია მომიყვოდეთ, არ აძლევს... ანუ ერთდროულად ხდება ნაციონალური ინტერესების გადარჩენა. განვითარებადი ქვეყნებს მითითებენ, რომ დაუყოვნებლივ მოხდეს ყველაფრის პრივიტიზაცია და თავისუფლად შეუშვან ქვეყანაში უცხოური კაპიტალი, ამ დროს ინგლისს, გერმანიას და სხვა ქვეყნებს რეალურად დაკეტილი აქვთ თავიანთი საზღვრები უცხოური კაპიტლისათვის.

მეორე — ინტეგრაციისა და კაპიტალის კონცენტრაციის მაღალად დონემ „დომინოს პრინციპის“ ეფექტი ძალიან მწვავედ დააყენა — ამერიკის ბირჟებს მოყვა ევროპული და აზიური ბირჟები და კოლაფსიც განვითარდა ჯერ რუსეთში, მერე ბრაზილიაში და ა.შ.

დღეს მსოფლიოში იბადება ახალი ეკონომიკა, მიდის ბრძოლა — თუ ამერიკამ ვერ შეძლო თავისი ვალუტისა და ეკონომიკის გადარჩენა, მას მოუწევს მსოფლიო ლიდერის პოზიციის დათმობა, რაც, ამ ეტაპზე, ჩემი აზრით, გამოირიცხულია, მიუხედავად იმისა, რომ ევროპა ცდილობს, ლიდერის როლი თავისი კონტინენტზე გადმოიტანოს. ამას აქვს თავისი ობიექტური წინაპირობა: ამერიკის 700 მილიარდი ობლიგაციის მყიდველი, ძირითადად, არის ჩინეთი — ერთადერთი ქვეყანა, რომელიც მეტ-ნაკლებად მყარად გრძობს თავს. მიუხედავად ამისა, ოქტომბერში იქ 13 ათასი საწარმო დაიხურა, რადგან დახურული საწარმოებიდან უმრავლესობა ევროპისთვის მიმწოდებელი იყო, ევროპის ბაზარი შემცირდა და მოხდა დელეკირება.

კიდევ ერთი პრობლემა, რომელმაც ჩინეთს დღეს პრობლემები შეუქმნა, არის ნავთობისა და სატრანსპორტო ხარჯების გაძვირება. ამას დაემატა ხელფასის ზრდა ჩინეთში, რამაც ბიზნესის წარმოება ევროპელებისთვის არც თუ ისე მომგებიანი გახადა. ერთი მხრივ, აზიური წარმოების შემცირება, მითხოვნა-მიწოდების ხელოვნური დარღვევა, ხელოვნური ბაზრის შექმნის პრობლემა, ლიდერის ძიება მსოფლიოში და საფრანგეთის პრეზიდენტის სარკოზის რეაქციები იმაზე მოტივირებულია, რომ მას დიდი ამბიცია აქვს — ევროპა ჩამოყალიბდეს ერთიან ქვეყნად, ერთიანი მთავრობით და მისი პირველი ხელმძღვანელები ფრანგები გახდნენ. ამას უზარმაზარ წინააღმდეგობას უწევს ანგელა მერკელისა (გერმანია) და სილვიო ბერლუსკონის (იტალია) მთავრობები. სარკოზის ეს ამბიცია შესაძლებელია. ის რუსეთთან ძალიან მჭიდრო ურთიერთობის მომხრეა, რადგან ამერიკის წინააღმდეგ რუსეთის გამოყენება სურს.

წინააღმდეგობათა ეს კოორდინირებული მიგვიანდება, რომ 2009 წელს მსოფლიო ეკონომიკური კრიზისი გაგრძელდება. ამით, პირველ რიგში, გაიჭყლიტება ნაკლები რესურსებისა და არაფორტუნო მენეჯმენტის მქონე ქვეყანა, მაგალითად, ისეთი, როგორიც რუსეთია. ის ფაქტი, რომ ბი-ბი-სი-ს გამოძიებით, 25-მა რუსმა ოლიგარქმა 200 მილიარდი, ხოლო უტკინის მთავრობამ დამატებით კიდევ 400 მილიარდი დაკარგეს, ამის მაჩვენებელია და ეს მხოლოდ საწყისი ეტაპია. სირთულეების დიდი ნაწილი ამერიკის ახალ პრეზიდენტს დახვდება და, ბუნებრივია, 2009 წელი საკმაოდ რთულად გაგრძელდება. ამ ყველაფრის შედეგი იქნება ის, რომ დამყარდება ახალი ეკონომიკური წესრიგი, შეიქმნება ახალი ეკონომიკა.

— როგორ შეხვდა საქართველო ამ კრიზისის და დასაძლევად? — ამას გვაჩვენებს ჩვენი მთავრობის პოლიტიკა და მსოფლიო ეკონომიკასთან

საქართველოს ინტეგრაციის ხარისხი. რუსეთ-საქართველოს ომი სწორედ ამ პროცესების უშუალო ნაწილია. გაიმარჯვებს ნაბუქოს ნავთობპროდუქტის საქართველოზე გატარების პროექტი? იარსებებს ალტერნატიული გაზსადენი? თუ რუსეთი გაიმარჯვებს და კატართან და ირანთან ერთად მსოფლიო გაზის მიწოდებაზე მონოპოლიას მოიპოვებს, რითაც მსოფლიოს ბატონ-პატრონი გახდება?

საქართველოსა და რუსეთს შორის ომი არის წინააღმდეგობა ამერიკასა და რუსეთს შორის. რა თქმა უნდა, ამერიკის მოკავშირე დასავლეთია, მაგრამ იქაც არიან ადამიანები, რომელთაც სხვაგვარი მიდგომა აქვთ ამერიკის მიზნებისადმი. მათ სურთ, ლიდერის პოზიციებმა ევროპაში გადაინაცვლოს.

ჩვენთვის ამ ეტაპზე მომგებიანი აღმოჩნდა, რომ არ ვართ ინტეგრირებული მსოფლიო ეკონომიკაში და ამ პროცესებიდან განვუ ვდგავართ, მაგრამ გარწმუნებთ, კრიზისული პროცესი არც ერთ შემთხვევაში არ აგვივლის გვერდს. ჩვენ პრობლემა გვექმნება სამ სფეროში. ეს არის საბანკო-საფინანსო სფერო, მშენებლობის სფერო და ინფრასტრუქტურის სფერო. 2009 წელს ამ სამ-სამ სფეროში საქართველო სერიოზული პრობლემების წინაშე დადგება.

— ახლა თუ იგრძნობა კრიზისი საქართველოში და რომელ სფეროში?

— საქართველოში არსებულ ყველა ბანკს, გარდა პროკრედიტბანკისა, პრობლემები აქვს. ყველა ბანკში არის ლიკვიდურობის, ლიმიტების დარღვევის, ბიზნესდაფინანსების, მომავალი მოგების და იმ კაპიტალიზაციის შენარჩუნების პრობლემა, რაც სასიცოცხლოდ მნიშვნელოვანია. ჩვენ არ მოგვწონს, რომ კრედიტების პროცენტები გაიზარდა — ეს იმას ნიშნავს, რომ ბიზნესი ვერ მიიღებს კრედიტს, რადგან 25-პროცენტებიანი კრედიტის ალბის შემთხვევაში შეუძლებელია მისმა მოგებამ კრედიტის პროცენტი გადაფაროს. ასეთ შემთხვევაში შეჩერდება წარმოების ზრდა და დაიწყება უმუშევრობა.

— საქართველოს პრეზიდენტმა უნივერსიტეტის სტუდენტებთან შეხვედრის დროს განაცხადა, რომ ეკონომიკური კრიზისის თავიდან ასაცილებლად დაგვემოკლათ გადასახადების ლიბერალიზაცია. რას გვაგიტანს ეს ნაბიჯი?

— არც ისე მარტივადია საქმე, რომ საქართველოში მხოლოდ გადასახადების ლიბერალიზაციის პრობლემა იდგეს. ამ პრობლემის მოგვარებას კომპლექსური ხედვა სჭირდება. უნდა შეიშუშავდეს ეკონომიკური პოლიტიკა, რომელიც ადაპტირებული იქნება ახალ სიტუაციებზე. არ ვიცი, რამდენად მუშაობს მთავრობაში ანტიკრიზისული ორგანო და მინისტრებიდან რომელი აგებს პასუხს არსებული სიტუაციის მდგომარეობაზე, მაგრამ ვიცი, რომ ამ ნუთში პროგრამა არ გვაქვს, არ ვართ მოთამაშეები, რომლებიც თამაშის წესებს ადგენენ, არ გვაქვს ფორმულა, რომელიც სჭირდება ქვეყანას და რაც ახალი ეკონომიკის ან ეკონომიკური კრიზისის შემთხვევაში იმუშავებს. უფრო მეტს გეტყვი — ამის გასაღები ჩვენთან არ არის. ის დასავლეთში დგას ქვეყანას, რომელმაც გადაიტანა ომი და კონფორტაციაში ჩაება, გაუჭირდება...

ვიმეორებ, საქართველოს სერიოზული ეკონომიკური პროგრამა სჭირდება... საქართველო იყო მაღალი ინვესტიციების ქვეყანა, მაგრამ ამჟამად ეს ინვესტიციები შეწყდა და დადგა ლარის პრობლემა. მერე თუ მას შემოვსავთ არ დაავაზნდეთ, ჩართო სავალუტო ფონდის დახმარება ვერაფერს გვიშველის...

— თქვენ ახსენეთ ეკონომიკური პროგრამა. როგორც ეკონომიკური ექსპერტი, სთავაზობთ თუ არა მთავრობას პროგრამას ან კრიზისიდან გამოსვლის გზებს, საერთოდ, არიან თუ არა ეკონომიკური ექსპერტები ჩართული ამ პროცესში?

— რა თქმა უნდა, იქნება რაღაც ექსპერტთა გაერთიანებები, მაგრამ არ ვიცი, ვინ არიან ისინი, რატომ არიან ექსპერტები, რა გამოცდილება აქვთ, რა პროგნოზები გაუკეთებიათ, რა გამართლებები და ა.შ. საფინანსო და მაკროეკონომიკის ნაწილში გარკვეული ხედვა ბევრ ექსპერტს გააჩნია, მაგრამ საქმე ისაა, პოლიტიკურად რამდენად პოპულარულია ეს მოსაზრებები.

მაგალითად, ჩვენ ვაკეთებდით პროგნოზებს ინფლაციასთან დაკავშირებით, რაც ყურად არავის იღო, არავის მიუღია მრეწველ-ციული ზომები, რამაც მოსახლეობის კეთილმარებობა გააუარესა. სამწუხაროდ, ჩვენ მოვლენებს უკან მივყვებით და არ ვითვალისწინებთ სხვების გამოცდილებას — ამერიკაში იმიტომ მოხდა კრიზისი, რომ საშუალო ამერიკელის შემოსავალი არ გაიზარდა. იგივეა ევროპაშიც. იმიტომ უნდა გავითვალისწინოთ, რომ მთავარი საშუალო ფენის სოციალური მდგომარეობის გაუმჯობესებაა. წინააღმდეგ შემთხვევაში კრიზისის დაძლევაზე საუბარიც კი უხედავია.

პროექტს „მენარემობის კურსები“ კიდევ 4 ძარბული უნივერსიტეტი უბუერთდა

ივანე ჯავახიშვილის სახელობის თბილისის სახელმწიფო უნივერსიტეტში ორი წლის განმავლობაში ხორციელდებოდა პროექტი „მენარემობის კურსები თბილისის სახელმწიფო უნივერსიტეტში“, რომელსაც მხარს უჭერდა თსუ-ის ეკონომიკისა და ბიზნისის ფაკულტეტი და საბერძნეთის საგარეო ურთიერთობების სამინისტროს ფონდი "NELLENIC CAID". საბერძნეთის მხრიდან პროექტში ჩართული იყო პირეუსის უნივერსიტეტის ეკონომიკისა და ბიზნისის ფაკულტეტი. წელს პროექტი მეორე ეტაპზე გადავიდა. მასში, თბილისის სახელმწიფო უნივერსიტეტთან ერთად, მონაწილეობას საქართველოს სხვა უმაღლესი სასწავლებლებიც მიიღებენ.

მანია ტორაძე

7 ნოემბერს ივანე ჯავახიშვილის სახელობის თბილისის სახელმწიფო უნივერსიტეტში გაფორმდა ურთიერთთანამშრომლობის მემორანდუმი თსუ-ს, პირეუსის (საბერძნეთი) უნივერსიტეტს, სოხუმის უნივერსიტეტს, საერთაშორისო ეკონომიკური ურთიერთობების უნივერსიტეტს, თბილისის ეკონომიკური ურთიერთობათა სახელმწიფო უნივერსიტეტსა და ეკონომიკისა და სამართლის ინსტიტუტს შორის. მემორანდუმში მითითებულია, რომ თბილისის სახელმწიფო უნივერსიტეტი, პირეუსის უნივერსიტეტთან ერთად, საქართველოს სხვა უმაღლესი სასწავლებლებს გამოცდილებას გაუზიარებს. უნივერსიტეტები ერთმანეთს დაეხმარებიან სამეცნიერო და სასწავლო ლიტერატურით.

სის ეკონომიკური ურთიერთობათა სახელმწიფო უნივერსიტეტსა და ეკონომიკისა და სამართლის ინსტიტუტს შორის. მემორანდუმში მითითებულია, რომ თბილისის სახელმწიფო უნივერსიტეტი, პირეუსის უნივერსიტეტთან ერთად, საქართველოს სხვა უმაღლესი სასწავლებლებს გამოცდილებას გაუზიარებს. უნივერსიტეტები ერთმანეთს დაეხმარებიან სამეცნიერო და სასწავლო ლიტერატურით.



მემორანდუმის გაფორმებამდე თბილისის სახელმწიფო უნივერსიტეტის რექტორმა, პროფესორმა გიორგი ხუბუაძემ თავის გამოსვლაში აღნიშნა, რომ „პროექტი მიზნად ისახავს ქართველი სტუდენტებისთვის სამეცნიერო უნარ-ჩვევების განვითარებასა და ეკონომიკის ფაკულტეტის ბიზნისის ადმინისტრირების მიმართულების სტუდენტებისთვის მენარემობის თანამედროვე, დასავლური გამოცდილების გაზიარებას. ის ფაქტი, რომ დღეს ამ პროექტს კიდევ 4 ქართული უნივერსიტეტი უბუერთდა, ადასტურებს იმას, თუ რამდენად წარმატებული გამოდგა იგი“, — განაცხადა გიორგი ხუბუაძე.

საქართველოში საბერძნეთის ელჩმა გიორგიოს ხაძიმბელაკისმა კმაყოფილებით აღნიშნა, რომ პროექტი გრძელდება და მასში კიდევ უფრო მეტი სტუდენტი მიიღებს მონაწილეობას. „საქართველოსა და საბერძნეთს გააჩნიათ დიდი საგანძობი — ისტორია, მდიდარი სული, ბუნება, ნიჭი და ინტელექტი. თუ ამ რესურსებს სწორად გამოვიყენებთ, ჩვენ გვექნება მყარი ეკონომიკური მდგომარეობა. მე სიტყვა მივეცი ბატონ გიორგი ხუბუაძეს, რომ მხარს დავუჭერ ყველა მის ინიციატივას. იმედი მაქვს, ეს პროექტი წარმატებული იქნება“, — ბრძანა საბერძნეთის ელჩმა.

პირეუსის უნივერსიტეტის ეკონომიკის ფაკულტეტის დეკანმა იოანე ხასიდიმ ხაზგასმით აღნიშნა, რომ მემორანდუმის გაფორმება უკვე ადასტურებს პროექტის წარმატებულობას. „გაცემული ვარ ქართველი სტუდენტებით, რომლებმაც საოცარი აქტიურობა გამოიჩინეს და ამ პროექტში მონაწილეობას ენთუზიზმით

მოეკიდნენ. მოხარული ვართ, რომ მენარემობის კურსები ასეთი აქტიულოური გახდა და სხვა უნივერსიტეტებშიც დაინერგა. იმედია, მსურველთა რიცხვი კიდევ უფრო გაიზარდება“, — განაცხადა მან.

თბილისის ეკონომიკური ურთიერთობათა სახელმწიფო უნივერსიტეტის რექტორმა ავთანდილ ჩუთუაშვილმა მადლობა გადაუხადა პირეუსისა და თბილისის უნივერსიტეტებს იმისთვის, რომ სხვა უნივერსიტეტებსაც მიეცათ ამ პროექტში ჩართვის საშუალება. „ჩვენთვის მნიშვნელოვანია, გამოვიყენოთ ის დიდი შესაძლებლობები, რომელიც უმაღლესი განათლების რეფორმამ მოგვცა და რთავც ბოლონის პროცესის მონაწილე გახდით. ამ პროექტის განხორციელების შემდეგ ჩვენს სტუდენტებს აქვთ შანსი, გახდნენ რეალური ბაზრის მოთხოვნილებების ადეკვატური“, — აღნიშნა მან.

სიტყვით გამოვიდნენ აგრეთვე საერთაშორისო ეკონომიკური ურთიერთობების უნივერსიტეტის პრორექტორი მაკა კობალავა, საქართველოს ეკონომიკისა და სამართლის ინსტიტუტის პრორექტორი რეზო მელაძე და სოხუმის უნივერსიტეტის რექტორი ჯონი აფაქიძე, რომელმაც მადლობა გადაუხადა თბილისის სახელმწიფო უნივერსიტეტს საინტერესო პროექტის განხორციელებისათვის და აღნიშნა, რომ საერთაშორისო კორპორატიულ პროექტებში მონაწილეობა ნებისმიერ უნივერსიტეტში განვითარების შესაძლებლობას აძლევს.

მემორანდუმის ხელმოწერის შემდეგ მხარეები შეთანხმდნენ, რომ პროექტის განსახორციელებლად თანამშრომლობა საქართველოს სხვა უნივერსიტეტებშიც გაგრძელდება.

საქართველოს უსაფრთხოება ევროპის უსაფრთხოებაა

კონფერენციების რეგულარული ციკლის ფარგლებში 5 ნოემბერს საქართველოსა და სომხეთში ევროკომისიის ხელმძღვანელმა პერ ეკლუნდმა ევროპული კვლევების ინსტიტუტში წაიკითხა საჯარო ლექცია თემაზე — „საქართველოს სწრაფი ევროკავშირში განეწინაურებისკენ; ევროპული ხედვა“.

მან საინტერესოდ ისაუბრა ევროკავშირში საქართველოს განეწინაურების პერსპექტივაზე. ბატონმა პერ ეკლუნდმა აღნიშნა, რომ საქართველო არის ქვეყანა, რომელიც ეტაპობრივად გადის ევროკავშირში ინტეგრაციის პერიოდს. ერთ-ერთი ძირითადი დოკუმენტი, რომელიც შემუშავებულია ამ საკითხთან დაკავშირებით, ხელმოწერილია 2000 წელს. მასში გათვალისწინებულია საქართველოსა და ევროკავშირის შორის ურთიერთთანამშრომლობის ძირითადი ასპექტები: რეფორმების წახალისება და მხარდაჭერა პოლიტიკურ, ეკონომიკურ, სოციალურ და განათლების სფეროებში.

თამარ მარუაშვილი

„ევროკავშირის წევრობა გახლავთ საქართველოს ამბიციის, რომელსაც ევროკომისია სრულად დაუჭერს მხარს. ევროკავშირის წევრობა როგორც ჩვენთვის, ისე საქართველოსთვის უსაფრთხოებასა და სტაბილურობას ნიშნავს. გარდა ამისა, ეს გახლავთ სამოქმედო გეგმა სახელმწიფო ინსტიტუტების აღდგენისთვის, დემოკრატიული პროცესების გაძლიერებისა და პენიტენციური სისტემის რეფორმისათვის. ჩვენ ამას განვიხილავთ, როგორც აუცილებელ პერსპექტივას საქართველოსთვის“, — აღნიშნა მან. პერ ეკლუნდის თქმით, ამ პროცესებს მოჰყვება როგორც სოციალური და ეკონომიკური ეფექტი, ისე განათლების სფეროს განვითარებაც. „საქართველო კარგად ართმევს თავს ევროკავშირის მოთხოვნების შესრულებას. ევროინტეგრაციის თვალსაზრისით მდგომარეობა ოპტიმისტურია. საქართველოს დახმარების სახით, რეალურად, 5 მილიარდი აშშ დოლარი გამოეყო. ამ თანხის უდიდესი ნაწილი აშშ-სა და ევროკავშირის ქვეყნების საბიუჯეტო სახსრებიდან-

აა. ეს მოვლენა განსაკუთრებით შთაბეჭდავია ახლანდელი „მძიმე პერიოდის“ ფონზე“, — განაცხადა პერ ეკლუნდმა.

ყველაზე მეტი დახმარება საქართველომ აშშ-სგან მიიღო, რომელმაც მზადყოფნა გამოთქვა, რომ ქვეყანას სამი წლის განმავლობაში ერთი მილიარდი დოლარი გამოეყოფოს. ასევე, საერთაშორისო სავალუტო ფონდი ერთ მილიარდ დოლარამდე დაეხმარება საქართველოს, ევროკომისიამ 500 მილიონ ევრომდე გამოყო, იაპონიამ კი — 200 მილიონი დოლარი.

ინფრასტრუქტურის აღდგენას 5 მილიარდი სჭირდება. გამოყოფილი თანხა დაზარალებულთა პირობების გაუმჯობესებასა და ქვეყანაში ბიზნისის მხარდაჭერას მოხმარდება.

„რაც შეეხება პოლიტიკურ მხარდაჭერას, როგორც მოგეხსენებათ, საქართველოს ტერიტორიაზე იმყოფება 300 დამკვირვებელი. მართალია, ჯერჯერობით ვერ კონტროლდება ტერიტორიები აფხაზეთსა და ე.წ. სამხრეთ ოსეთსში, მაგრამ დაგეგმილია კიდევ 200 დამკვირვებლის დამატება. თუმცა, აქვე უნდა აღინიშნოს, რომ მონიტორინგის მანდატი მთელ



საქართველოს მოიცავს. ევროკავშირმა ცეცხლის შეწყვეტას მიაღწია. ახლა ჩვენ ქვეყნის ეკონომიკის აღდგენა უნდა შევძლოთ. ევროკავშირი და თანამეგობრობა ამას ერთად გააკეთებს“, — აღნიშნა პერ ეკლუნდმა.

მან ასევე ისაუბრა ევროკავშირის მიერ გამოყოფილი თანხების მიზანმიმართულად წარმართვის აუცილებლობაზე და ხაზი გაუსვა იმ ფაქტს, რომ ეს თანხები, ძირითადად, მოხმარდება საქართველოს ომის შემდგომ რეაბილიტაციასა და ინფრასტრუქტურის აღდგენა-განვითარებას.

„ჩვენ ავიღეთ ვალდებულება, დავეხმაროთ საქართველოს ევროპულ სტანდარტებთან დაახლოების პროცესში, თუმცა, აქვე იმასაც დავძენ, რომ ამას გარკვეული დრო სჭირდება. იმედია, ეს დრო ერთ მშვენიერ დღეს დადგება“, — ბრძანა პერ ეკლუნდმა. მისივე თქმით, საქართველომ ბოლო წლებში შთაბეჭეტიანი განვითარებას მიაღწია. საქართველოს წარმატებები აქვს ეკონომი-

კის განვითარებაში, კორუფციასთან ბრძოლაში, განათლების სისტემის მოდერნიზებაში.

მონეულ სტუმართან საუბარში აქტიურად ჩაებნენ სტუდენტებიც, რომლებმაც ევროკომისიის წარმომადგენელს საინტერესო და პოლიტიკურად აქტიულოური კითხვები დაუსვეს, რაც კონფლიქტურ რეგიონებში არსებულ ვითარებას შეეხებოდა. პერ ეკლუნდმა ამ თემაზე დასმულ შეკითხვებს ზომიერი თანაგრძობით უპასუხა.

„საქართველოს შიდა კონფლიქტებთან დაკავშირებით პარალელურად გაავალდებინებთ სომხეთსა და ყარაბაღს შორის. ვფიქრობ, რომ პრობლემა მოგვარდება ორ მხარეს შორის მოლაპარაკებების გზით. ეს ძალზე არსებითი საკითხია. ამ კონკრეტულ შემთხვევაში საქართველომ მოიგო პროპაგანდისტული ომი. სწორედ ამის გამო მოიპოვა მან საერთაშორისო მხარდაჭერა. ჩვენ მხარს ვუჭერთ დემოკრატიულ საქართველოს, მიმდინარე რეფორმებსა და სოციალურ სტაბილურობას ქვეყანაში“, — აღნიშნა მან.

პერ ეკლუნდმა განსაკუთრებით გამოყო საქართველოს უსაფრთხოებისა და სტაბილურობის საკითხები, რასაც დიდი მნიშვნელობა აქვს. უსაფრთხოების სტანდარტების ამაღლების მხრივ მან მაგალითად ბალტიისპირეთის ქვეყნები დაასახელა.

საქართველოსა და სომხეთში ევროკომისიის ხელმძღვანელმა პერ ეკლუნდმა დიდი მადლობა გადაუხადა ევროპული კვლევების ინსტიტუტს მონევისა და ასეთი საინტერესო დისკუსიის გამართვისთვის და დასძინა, რომ ევროპას კარგად აქვს გაცნობიერებული საქართველოს როლი საკუთარი უსაფრთხოებისთვის, რაც მომავალში მხარდაჭერის გარანტია გახდება.

უნივერსიტეტმა დუხობორებს უმასპინძლა

წინონმინდაში მცხოვრები ეთნიკური უმცირესობის — დუხობორების წარმომადგენლები პრეზიდენტ მიხეილ სააკაშვილის მეუღლის, სანდრა ელისაბედ რულოვის ინიციატივით თბილისში ჩამოვიდნენ და ქალაქის ღირსშესანიშნაობები დაათვალიერეს.

შურთხია ბაროშვილი

დუხობორებს ივანე ჯავახიშვილის სახელობის თბილისის სახელმწიფო უნივერსიტეტმაც უმასპინძლა. ჰუმანიტარულ მეცნიერებათა ფაკულტეტის პროფესორ მასწავლებლები და მათ პედაგოგებს შეხვდნენ და უნივერსიტეტში სწავლის პერსპექტივებზე ესაუბრნენ. სტუმრებს უნივერსიტეტის რექტორმა, პროფესორმა გიორგი ხუბუაძემ მიმართა.

„იმედი მაქვს, რომ დღევანდელი შეხვედრა მხოლოდ დასაწყისია და ჩვენი ურთიერთობა მომავალშიც გაგრძელდება. საქართველოს ყველა მოქალაქემ, განურჩევლად სარწმუნოებისა და ეროვნებისა, უნდა იგრძნოს, რომ ყველა სფეროში მოღვაწეობის პერსპექტივა აქვს, რადგან სამოქალაქო საზოგადოება მხოლოდ ურთიერთთანამშრომლობის საფუძველზე შეიძლება აშენდეს“, — განაცხადა გიორგი ხუბუაძე.

ჰუმანიტარულ მეცნიერებათა ფაკულტეტის რუსისტიკის მიმართულების ხელმძღვანელი, პროფესორი ნათელა ჭოხონელიძე დუხობორულ ბავშვებს უნივერსიტეტში სწავლის პერსპექტივაზე ესაუბრა და საჩუქრად ნიგნები გადასცა.

წინონმინდის დუხობორების სკოლის დირექტორმა ლიუბოვ ხოხლინამ სანდრა რულოვისა და უნივერსიტეტის თანამშრომლებს ყურადღებისთვისა და გულსიმხიერებისთვის

მადლობა გადაუხადა და აღნიშნა, რომ ასეთმა კონტაქტებმა, შესაძლოა, ამ ბავშვების ბედი მკვეთრად შეცვალოს და მათ საქართველოდან ნასვლა გადაიფიქრონ. მისი თქმით, ახალგაზრდების უმეტესობა სკოლის დამთავრების შემდეგ რუსეთში მიდის და დაბრუნებაზე აღარ ფიქრობს.

ქალბატონი სანდრას ინფორმაციით, წინონმინდაში დუხობორები საკმაოდ მძიმე პირობებში ცხოვრობენ და ამგვარი ღონისძიებები მათთვის ძალიან მნიშვნელოვანია.

სანდრა რულოვის ინფორმაციით, ამჟამად წინონმინდის რაიონში ორასამდე დუხობორი ცხოვრობს, მათგან სამოცი — სკოლის მოსწავლეა.

„დუხობორები საკმაოდ კარჩაკეტილად ცხოვრობენ და სხვა ერის წარმომადგენლებთან ნაკლები კავშირი აქვთ. საჭიროა მათი საზოგადოებაში ინტეგრირება“, — განაცხადა სანდრა რულოვსმა.



ევროპის ახალგაზრდული პარლამენტის საერთაშორისო სესია საფრანგეთში

2008 წლის 24 ოქტომბრიდან 2 ნოემბრამდე საფრანგეთის ქალაქ რენში ევროპის ახალგაზრდული პარლამენტის რიგით 59-ე საერთაშორისო სესია გაიმართა. ევროპის ახალგაზრდული პარლამენტი არის ორგანიზაცია, რომელიც ათასობით ახალგაზრდას აერთიანებს ევროპის მასშტაბით. იგი 1988 წელს დაარსდა და წარმატებით აგრძელებს მუშაობას. (European Youth Parliament) ევროპარლამენტის მოდელია, ყოველ სესიაზე იქმნება კომიტეტები სხვადასხვა საკითხის მიხედვით. მაგალითად, ეკონომიკის, ადამიანთა უფლებების დაცვის, საგარეო პოლიტიკის, გარემოს დაცვის და ა.შ. კომიტეტების ჩამოყალიბების შემდეგ დელეგატები მსჯელობენ და კამათობენ კომიტეტში გააქტიურებულ თემატიკაზე. ყოველი მოსაზრების მყარი არგუმენტებით დასაბუთების შემდეგ დელეგატები იღებენ რეზოლუციას, რომელიც 2 ნაწილისგან შედგება. პირველ ნაწილში წამოჭრილი პრობლემები, ხოლო მეორე ნაწილში მათი გადაჭრის გზებზე საუბარი. საკომიტეტო მუშაობის დასრულების შემდეგ იმართება გენერალური ასამბლეა, რომელზეც მიმდინარეობს რეზოლუციების წარდგენა, მისი დაცვა, სხვა კომიტეტების წარმომადგენლები დასმული კითხვების საფუძველზე ანალიზებენ წარდგენილ რეზოლუციას და ხმის მიცემის პროცედურისას საკუთარ პოზიციას აფიქსირებენ.



ყოველი დელეგატისთვის საოცნებოა საერთაშორისო სესიაზე მონაწილეობის მიღება, რადგან იქ თავს იყრის სხვადასხვა კულტურისა და მსოფლმხედველობის მქონე

ასობით ახალგაზრდა. სესიების დასრულების შემდეგ ეწყობა საინტერესო და, ამავე დროს, გასართობი საღამოები: მაგალითად, კულტურული საღამოები, ევროკონცერტი

და სხვა, სადაც დელეგატები საკუთარ ქვეყანას წარმოადგენენ ცეკვით, სიმღერით, თეატრალური წარმოდგენებით...

რენში გამართულ საერთაშორისო სესიაზე თავი მოიყარა 200-მდე ახალგაზრდამ 30 ქვეყნიდან, მათ შორის, საქართველოდანაც. ჩვენი ქვეყნის წარმომადგენლები იყვნენ თონა ლავრულაშვილი (ივანე ჯავახიშვილის სახელობის თბილისის სახელმწიფო უნივერსიტეტის, სოციალურ და პოლიტიკურ მეცნიერებათა ფაკულტეტის II კურსის სტუდენტი) და ოთარ ბერიშვილი (ქართული-ამერიკული უნივერსიტეტის სტუდენტი). ისინი ახალგაზრდული პარლამენტის ეროვნულმა კომიტეტმა შეარჩია. სესიის გახსნის ცერემონიაზე დელეგატებს მიესალმა ქალაქის მერი დანიელ დელაჟეუ, ევროპარლამენტის წევრი ჯენ ლამბერტი, ევროსაბჭოს საპარლამენტო ასამბლეის ვიცე-პრეზიდენტი ჩარლზ მიგნონი. შეხვედრაზე საუბარი მსოფლიოში მიმდინარე მნიშვნელოვან პოლიტიკურ-ეკონომიკურ პრობლემებს შეეხო. აქტიური იყო საქართველოს დელეგაცია, რომელმაც არაერთი საინტერესო კითხვა დასვა. დელეგატები საფრანგეთის განათლების მინისტრს მანუელ მარკოს, სახელმწიფო მინისტრს ევროპულ საკითხებში ჯონ პიერესა და ევროსაბჭოს ვიცე-პრეზიდენტს უსაკ ბაროტს შეხვედნენ. ევროსაბჭოს ვიცე-პრეზიდენტმა თონა ლავრულაშვილთან საუბრისას ქართველ სტუდენტებს მხარდაჭერა აღუთქვა და განაცხადა, რომ იგი მზად არის თსუ-ის სტუდენტურ ჟურნალთან „პირველი სიტყვა“ და გაზეთ „თბილისის უნივერსიტეტთან“ ითანამშრომლოს.

კომიტეტმა, რომლის წევრებიც ქართული დელეგაციის წარმომადგენლები იყვნენ, წარმატება მოიპოვა იმ თვალსაზრისით, რომ ამ კომიტეტის მიერ წარდგენილი რეზოლუციები ხმათა უმრავლესობით მიიღეს.

ალსანიშნავია, რომ სესიის მსვლელობისას ძალიან პოპულარული იყო საქართველოს თემა აგვისტოში განვითარებული მოვ-

ლენების გამო. ერთ-ერთი კომიტეტის მუშაობა სწორედ საქართველოს საკითხის განხილვას მიეძღვნა, სადაც საუბარი იყო საქართველოსა და უკრაინის პოლიტიკურ-ეკონომიკურ მდგომარეობასა და მათი ნატოში გაწევრიანების პერსპექტივებზე. სესიის რუსეთის 5 კაციანი დელეგაციაც ესწრებოდა. ასამბლეაზე ცხარე დებატები გაიმართა: რუსი დელეგატები ცდილობდნენ დემოკრატებისათვის, რომ ომი საქართველომ დაიწყო, ხოლო ქართული დელეგაციის წარმომადგენლები მათ არგუმენტებით უსაბუთებდნენ, რომ აგრესია და ძალადობა რუსეთის მხრიდან განხორციელდა, რითაც საერთაშორისო სამართლის ნორმები უხეშად დაირღვა. საბოლოოდ, ქართველი ახალგაზრდების მიერ წარდგენილი მტკიცებულებების საფუძველზე საქართველოს მხარდაჭერი რეზოლუცია მიიღეს. რეზოლუციის თანახმად, რუსეთი გამოცხადდა დამპყრობად, რომელმაც უკანონოდ დაიკავა საქართველოს ტერიტორიები. ასევე ითქვა, რომ საერთაშორისო საზოგადოებამ ხელი უნდა შეუწყოს უკრაინისა და საქართველოს ნატოში გაწევრიანებას და უნდა გააგრძელოს ამ ქვეყნების ფინანსური მხარდაჭერა.

დღის ბოლოს გამართულ კონცერტზე თონა ლავრულაშვილმა და ოთარ ბერიშვილმა ქართული და აჭარული ცეკვები შეასრულეს. მათ დიდი ოვაციებით შეხვდა დამსწრე საზოგადოება. მიუხედავად რიცხოვრივი სიმძირისა, სხვა ქვეყნების წარმომადგენლებმა ერთხმად აღიარეს ქართული დელეგაციის აქტიურობა და წარმატება როგორც გენერალურ ასამბლეაზე, ასევე კულტურულ საღამოებზე.

2 ნოემბერს რიგით 59-ე საერთაშორისო სესია საფრანგეთის ქალაქ რენში ოფიციალურად დასრულდა. ქართული დელეგაციის წევრები საქართველოში კმაყოფილი დაბრუნდნენ იმ თვალსაზრისით, რომ მუშაობამ ნაყოფიერად ჩაიარა. საერთაშორისო სესიაზე მათ ღირსეულად წარმოაჩინეს ჩვენი ქვეყანა.

ევროპის იურისტ სტუდენტთა ასოციაციაში საქართველოს განვითარება რეალურად იქცა

ქვეყანაში მიმდინარე ევროინტეგრაციისა და გლობალიზაციის პროცესებში თსუ-ის სტუდენტებიც აქტიურად არიან ჩაბმულნი. ისინი საერთაშორისო სტუდენტურ ორგანიზაციებთან თანამშრომლობითა და ამ ორგანიზაციებში განწევრიანების დიდი სურვილით არიან დაინტერესებულნი. მათ, რა თქმა უნდა, თსუ-ის ხელმძღვანელობა და სტუდენტური თვითმმართველობაც აქტიურად უჭერს მხარს. სტუდენტთა ასეთი ინიციატივა მართლაც რომ მისასაღებელი და ანგარიშგასაწეია, რადგან ისინი ხელოვნურად განვითარების უშუალო ორგანიზატორები გახდებიან. ერთ-ერთი წარმატებული სტუდენტური ინიციატივის შესახებ მოგვითხრობს თსუ-ის იურიდიული ფაკულტეტის III კურსის სტუდენტი, სტუდენტური თვითმმართველობის ვიცე-პრეზიდენტი ირაკლი სამხარაძე, რომელიც თსუ-ის იურიდიული ფაკულტეტის ოთხ სტუდენტთან ერთად გერმანიის ქალაქ ნიუნბერგში იმყოფებოდა, ვიზიტის მიზანი კი გახლდათ საქართველოს განვითარება ევროპის იურისტ სტუდენტთა ასოციაციაში (ELSA – European Law Students' Association).

თამარ მარშაშვილი

— რა მიზნებს ემსახურებოდა თქვენი ვიზიტი გერმანიაში?

— არსებობს ევროპის იურისტ სტუდენტთა ასოციაცია, რომელიც 1981 წელს სხვადასხვა ევროპული ქვეყნის ინიციატივით ავსტრიაში შეიქმნა. ორგანიზაციის ძირითადი მიზანია საერთაშორისო სტუდენტურ ორგანიზაციებთან თანამშრომლობა. ამ ორგანიზაციის არსებობის შესახებ ჩვენ 2008 წლის გაზაფხულზე შევიტყვეთ და მაშინვე დაინტერესდით. ბუნებრივია, დაგვეზარდა იდეა, გაგმხდარიყავით ამ ორგანიზაციის სრულფასოვანი წევრები. ოფიციალური მიმონერა დავეიცეთ, რათა ჩვენთვის ნათელი გამხდარიყო ის მიზნები და პრინციპები, რასაც ეს ასოციაცია ემსახურებოდა, ასევე, დაინტერესდით, თუ რა მოთხოვნებს უყენებდა იგი მასში განწევრიანების მოსურნე ორგანიზაციებს. ჩვენ მხოლოდ ის ვიცოდით, რომ დიდი და პრესტიჟული სტუდენტური იურიდიული ორგანიზაცია ELSA ძალიან ცნობილი და წარმატებული იყო მთელს ევროპაში.

მთელი ზაფხულის განმავლობაში ვანარმოებდი ამ ორგანიზაციის პრეზიდენტთან მიმონერას და ვაფიქსირებდი ქართველი ახალგაზრდა იურისტების აქტიურ პოზიციას, რათა გაწევრიანებულიყავით ამ ასოციაციაში. პირველ რიგში, რა თქმა უნდა, გავცანით და შევისწავლეთ ELSA-ს დებულება, წესდება და ინტერესის სფეროები, რომლის ერთ-ერთი მთავარი მიზანია სტუდენტებში იურიდიული განათლების დაბალანსება, ასევე, სხვადასხვა წევრი ქვეყნების კულტურული მემკვიდრეობის გაცნობა და გაზიარება.

ასოციაცია აწარმოებს ევროპაში მიმდინარე პროცესებში სტუდენტების აქტიურ ჩაბმას და ევროპის მასშტაბით საერთაშორისო იმიტირებული პროცესების მოწყობას.

აქვე მინდა აღვნიშნო, რომ ამა თუ იმ ქვეყნის პირველივე განაცხადით ასოციაციაში განწევრიანება თითქმის შეუძლებელია, რაშიც ჩვენ ნამდვილად გავვიმართეთ.

— ეს პრივილეგია რამ განაპირობა?

— ალბათ, ჩვენი წარმატება ჩვენი ქვეყნის სტატუსმა, საქართველოსა და ქართველი სტუდენტების მიმართ კეთილგანწყობამ განაპირობა... ასოციაციაში ოფიციალურად 1 ნომბერს გაწევრიანდით, რასაც წინ უძღოდა ქართველ სტუდენტ-იურისტთა საქმიანობის პრეზენტაცია. საქმიანი ვიზიტი გერმანიაში 26 ოქტომბრიდან 3 ნოემბრამდე გაგრძელდა.

— ქართული დელეგაცია საკმაოდ წარმომადგენლობითი იყო და საკმაოდ მომზადებულიც...

— აქედან იურიდიული ფაკულტეტის ხუთი სტუდენტი წავედით: დიმიტრი საძაგლიშვილი, სალომე ქავთარაძე, უჩა ძიმიტაშვილი, ზინაიდა ჩხაიძე და მე, როგორც ამ დელეგაციის ხელმძღვანელი. პრეზენტაციაზე წარმოადგინეთ ჩვენი სტუდენტური ორგანიზაციის ძირითადი ასპექტები, სამომავლო გეგმები. მინდა გითხრათ, რომ ჩვენი და ELSA-ს ძირითადი მიზნები აბსოლუტურად დაემთხვა ერთმანეთს. ELSA-ს ოფიციალური წევრი გახდა თსუ-ის სტუდენტური თვითმმართველობა, რადგან აპლიკანტი სწორედ ეს ორგანიზაცია იყო. როდესაც სტუდენტ-იურისტთა ორგანიზაცია დაარსდება, იგი სრულიად დამოუკიდებელი იქნება, თუმცა ჩვენს ყველაზე აქტიურ მხარდაჭერად, რა თქმა უნდა, თსუ-ის სტუდენტური თვით-



მართველობა დარჩება. მხარდაჭერის სურვილი მერიის ახალგაზრდულმა დეპარტამენტმაც გამოთქვა. გვეხმარებოდა სხვადასხვა იურიდიული ფორმები, ასევე, სახალხო დამცველის ინსტიტუტი. ახლო მომავალში ვაპირებთ ახლად შექმნილი ორგანიზაციის პრეზენტაციას.

ამ ასოციაციაში ჩვენს განწევრიანებას ELSA-ს 26 წევრმა ქვეყანამ დაუჭირა მხარი. სწორედ ამის შემდეგ გაკეთდა ოფიციალური განაცხადება, რომ ELSA-ს საქართველოს იურისტ სტუდენტთა ორგანიზაციის სახით კიდევ ერთი წევრი შეემატა და 35 წევრის ნაცვლად, ასოციაცია 36 მოკავშირეს გააერთიანებს.

იანვრის შუა რიცხვებისთვის იგეგმება ELSA-ს საქართველოს პრეზენტაცია, სადაც მონაწილე იქნებიან ELSA-ს ხელმძღვანელები, რომლებიც იურისტ-სტუდენტების კუთხით აქტიურად ჩაებმებიან საქართველოში მიმდინარე პროცესებში. მინდა ხაზგასმით აღვნიშნო, რომ ასოციაცია აპოლიტიკურია, რომელიც ფინანსურ მოგებაზეც არ იქნება გათვლილი.

ორი დღის წინ ევროპულმა კოლეგებმა ევროპის საერთაშორისო იმიტირებულ პროცესებში მონაწილეობის მისაღებად მიგვიწვიეს. მოგხსენებათ, ჩვენ ამ ორგანიზაციის ახალი წევრები ვართ, მაგრამ იმედა, მასთან ყველა მიმართულებით აქტიურად ვითანამშრომლებთ.

— ამ ორგანიზაციაში განწევრიანება მხოლოდ ბაკალავრებს შეუძლიათ თუ მაგისტრანტებსაც?

— ასოციაციაში განწევრიანება მთელი საქართველოს მასშტაბით როგორც სტუდენტებს, ასევე, ახალგაზრდა იურისტებსაც შეუძლიათ. ამ მხრივ შეზღუდვა არ არსებობს. ეს სტუდენტური ორგანიზაციაა, რომელიც თსუ-ის წიაღში ჩაისახა. ამ ასოციაციის გამოცდილების გაზიარება და ღონისძიებებში მონაწილეობა აამაღლებს სტუდენტის პროფესიონალურ დონეს და ხელს შეუწყობს მის მაღალკვალიფიციურ სპეციალისტად ჩამოყალიბებას. ანუ ეს არის საუკეთესო პლაცდარმი კარიერული წინსვლისთვის.

— თქვენი ორგანიზაციის უახლოეს მიზნებზე რას გვეტყვი?

— პირველი ამოცანა, რა თქმა უნდა, ახლად შექმნილი ორგანიზაციის პრეზენტაციის მაღალ დონეზე ჩატარებაა. ამის შემდეგ, ვაპირებთ სასწავლო ვიზიტების ორგანიზებას, რომელიც არა მარტო ტრენინგებს, არამედ სხვადასხვა ქვეყნის კულტურული კუთხით გაცნობასა და სტუდენტთა დაახლოებასაც ითვალისწინებს.

ELSA-საქართველოს პრეზენტაცია ჩვენს პირველ stady vizit-ს დამთხვევა, შემდეგ იგეგმება უცხოელი სტუდენტების, თანამოაზრეების სტუმრობა საქართველოში. ყოველწელს ELSA ირჩევს თავის „საერთაშორისო ფოკუსს“, ანუ რა საკითხებზე იქნება ორიენტირებული ასოციაციის საქმიანობა წლის განმავლობაში. წელს აქტუალურია ინტელექტუალურ საკუთრებასთან დაკავშირებული საკითხები, ამდენად ჩვენი პირველი ვიზიტისას სწორედ ამ თემის ირგვლივ გვექნება საუბარი...

— ვინ იყო გერმანიაში საქმიანი ვიზიტის ფინანსური მხარდაჭერი?

— ეს გახლდათ თსუ-ის იურიდიული ფაკულტეტისა და სტუდენტური თვითმმართველობის ერთობლივი პროექტი, ანუ ეს ორგანიზაცია უნივერსიტეტის წიაღში დაიბადა. მინდა თანადგომისათვის დიდი მადლობა გადავუხადო თსუ-ის რექტორს გიორგი ხუბუას, თსუ-ის ადმინისტრაციას, იურიდიული ფაკულტეტის დეკანის მოვალეობის შემსრულებელს ირაკლი ბურდულს და, ბუნებრივია, სტუდენტური თვითმმართველობის პრეზიდენტს გიორგი შამათავას.

გაზეთ „თბილისის უნივერსიტეტისა“ და ჟურნალ „პირველ სიტყვას“ შორის ურთიერთთანამშრომლობის მემორანდუმი გაფორმდა

სტუდენტურ ენთუზიაზმს ბევრი სკეპტიკურად უყურებს და თვლის, რომ სტუდენტების მიერ წამოწყებული საქმის ბოლომდე მიყვანას მატერიალურ-ტექნიკური მხარდაჭერა სჭირდება. თუმცა, რეალურად, სადაც ენთუზიაზმი, მიზანდასახულობა და სტუდენტური შემართებაა, იქვე პრობლემები უკვე მეორეხარისხოვანია! ამის ნათელი დადასტურებაა სტუდენტური პერიოდული გამოცემის „პირველი სიტყვის“ მეორე ნომრის სამზებოზე გამოჩენა...

თამარ მარუაშვილი

სტუდენტური ჟურნალის დაარსების სულისჩამდგმელი, ინიციატორი და რედაქტორია თსუ-ის სოციალურ და პოლიტიკურ მეცნიერებათა ფაკულტეტის II კურსის სტუდენტი თეონა ლავრელაშვილი.

ჟურნალი „პირველი სიტყვა“ აკადემიური ხასიათის გამოცემაა. რედაქცია თითოეულ სტუდენტს აძლევს საკუთარი შესაძლებლობების გამოვლენისა და ინტელექტუალური ცოდნის ამაღლების საშუალებას.

თსუ-ის რექტორმა გიორგი ხუბუამ პირველი ნომრის პრეზენტაციაზე აღნიშნა: „რადგან ამ ჟურნალის გამოცემის ინიციატორები სწორედ სტუდენტები არიან, ეს, უკვე, თავისთავად, გარანტია იმისა, რომ იგი იქნება მართალი სიტყვისა და გულწრფელი აზრის ტრიბუნა... მე ვისურვებდი ისეთ ჟურნალს, რომელიც გემოვნების მაღალ სტანდარტებს დაამკვიდრებს ჯერ საუნივერსიტეტო საზოგადოებაში, შემდეგ კი უფრო ფართო აუდიტორიაში“...

ჟურნალი მართლაც ხელმძღვანელობს პრინციპით: სიმართლე, ობიექტურობა, პრინციპულობა, ახალგაზრდების წამოწვევა მეცნიერული და სულიერი ღირებულებებისკენ შემობრუნება! ამ პრინციპების ერთგულების ნათელი მაგალითია ჟურნალის მეორე, ე.წ. სპეცნომერი, რომელიც ქვეყანაში ცოტა ხნის წინ, რუსული აგრესიის შედეგად დატრიალდნულ მოვლენებს ეხება.

ქვეყანაში განვითარებული მოვლენების გამო გადაწყვიტეთ, ჟურნალის სპეციალური ნომერი მიგვეძღვნა უნივერსიტეტისთვის, საზოგადოებისთვის, ჩვენი ქვეყნისთვის. ახალგაზრდებმა ჩვენი სიტყვა ვთქვით, ჩვენი ნაზრები დავეწერეთ, ჩვენი გრძობები გადმოვეცით.

ჟურნალის აღნიშნულ ნომერში გთავაზობთ ექსპერტთა სტატიებს, ინტერვიუებს, სტუდენტთა შეხედულებებს... ვფიქრობთ, ობიექტურად გავაშუქებთ მომხდარს, რაც იქნება ერთ-ერთი ძლიერი არგუმენტი ინფორმაციულ ომში გამარჯვების მოსაპოვებლად.



დღეს ჩვენ ყველა ერთად დავდევით საქართველოს დასაცავად, ჩვენი ქვეყნის კეთილდღეობის მისაღწევად. ქართველი ერის უმთავრესი ღირებულება ხომ ერთიანობაა. ჟურნალი „პირველი სიტყვა“ მადლობას უხდის ქართველ ხალხს ერთსულოვნებისთვის, მადლობას უხდის უნივერსიტეტის ადმინისტრაციას, პროფესორ-მასწავლებლებსა და სტუდენტებს დევილთა დასახმარებლად განუღიძვრებელი დიდი წვლილისთვის“, — წერს ჟურნალის ინიციატორი თეონა ლავრელაშვილი.

ჟურნალის მეორე ნომრის პრეზენტაცია შედგა 20 ოქტომბერს თსუ-ის ივანე ჯავახიშვილის სახელობის აუდიტორიაში, რამაც დიდი ინტერესი გამოიწვია არა მარტო სტუდენტებში, არამედ პროფესორ-მასწავლებლებშიც. ეს ინტერესი ჟურნალის მეორე ნომრის თემატიკაზე განაპირობა. გამოცემაში იხილავთ ინტერვიუებს ქართველ და უცხოელ ექსპერტებთან, პოლიტოლოგებთან, მსოფლიო საზოგადოების რეაქციასა და გამოხმაურებებს, ასევე, იმ სტუდენტების ნაზრებს, ვინც ავგისტოს მოვლენების უშუალო მონაწილე იყო.

„მართალია, ეს ჟურნალი ცხელ გულზეა დაწერილი (მასალები ხომ სწორედ ავგისტოს დღეებში ჩართულნი ვართ), მაგრამ იგი თავის სიტყვას მაინც ამბობს. სტუდენტები ცდილობენ ობიექტური სურათის შექმნას. ეს ჟურნალი შეიძლება აღვიქვათ, როგორც ქვეყანაში განვითარებულ მოვლენებზე პასუხების ძიების დასაწყისი. მართალია, აქ მოვლენების ემოციური შეფასებაა, მაგრამ იმედი მაქვს, რომ ჟურნალი „პირველი სიტყვა“ ამ საკითხების განხილვას გააგრძელებს. მიგვაჩნია, რომ წამოჭრილ კითხვებზე ობიექტური პასუხის გაცემაზე დამოკიდებულია ჩვენი ქვეყნის მომავალი“, — განაცხადა პოლიტიკის მეცნიერებათა დოქტორმა მალხაზ მაცაბერიძემ, რომელიც ჟურნალის ფურცლებზე ძალიან საინტერესოდ საუბრობს რუსეთ-საქართველოს ომის მიზეზებსა და შედეგებზე.

„მინდა გავიხსენო ავგისტოს დაძაბული დღეები, როდესაც მომხდართი ყველანი შემოვთქვნილი ვიყავით. თეონა და მისი თანამოაზრეები ფიქრობდნენ იმაზე, რომ თავიანთი სათქმელი ხმამაღლა ეთქვათ, დაეწერათ იმაზე, რაც ხდებოდა სამშობლოში! ამ ჟურნალს ჰქვია „პირველი სიტყვა“ და გამოდის პირველ ქართულ უნივერსიტეტში... თქვენ ბედნიერები ხართ, თქვენი მოღვაწეობა აქ რომ დაიწყეთ. ალბათ, გაცნობიერებულიც გაქვთ პასუხისმგებლობის და ვალდებულების ტვირთი თსუ-ის წინაშე. გისურვებთ, რომ გქონდეთ ფაქტების ობიექტურად შეფასებისა და კრიტიკული ანალიზის უნარი. მე დიდი სიამოვნებით დაველორდები იმ დღეს, როდესაც რომელიმე თქვენგანი ხელისუფლებაში მოვა და არ გაიმეორებს იმ შეცდომებს, რამაც ამ დღემდე მოგვიყვანა. მჯერა, რომ თქვენ გაიყვანეთ ქართველთა იმ ფართო გზაზე, რასაც ევროპისკენ მიმავალი გზა ჰქვია“, — ასე მიმართა სტუდენტებს თსუ-ის ისტორიის მეცნიერებათა პროფესორმა ია ხუბუაშვილმა, რომელიც ბევრი საინტერესო რჩევა მისცა ენთუზიაზმს, არაპროფესიონალ ჟურნალისტებს.

ჟურნალი „პირველი სიტყვის“ შემოქმედნი არ ამბობენ მხოლოდ თანატოლებთან თანამშრომლობას. რედაქციის მიზანია თსუ-ის პარტნიორ უცხოურ უნივერსიტეტებთან ურთიერთობა, ქართველ და უცხოელ სტუდენტებს შორის აზრთა გაცვლის ხელშეწყობა. გამრავალფეროვნდება, ასევე, ჟურნალის თემატიკაც. ნომერში გამოვა მისი ლიტერატურული დამატება, სადაც სტუდენტთა შემოქმედება იქნება წარმოდგენილი. აღსანიშნავია და მისასალმებელია ის ფაქტიც, რომ ჟურნალ „პირველი სიტყვისა“ და გაზეთ „თბილისის უნივერსიტეტის“ შორის, ასევე ჟურნალ „პირველი სიტყვისა“ და გაზეთ „TSU TIMES“-ს შორის გაფორმდა ურთიერთთანამშრომლობის მემორანდუმი. მხარეები თანხმდებიან, რომ შექმნან თავისუფალი სტუდენტური შემოქმედებითი გარემო და ამ მიზნით, ერთობლივად განახორციელონ თემატური ღონისძიებები, ახალგაზრდული ინიციატივები, მოაწყონ „მრგვალი მაგიდა“ საზოგადოებრივი ცხოვრების ყველა აქტუალური საკითხის ირგვლივ.

„პირველი სიტყვა“ მზად არის ითანამშრომლოს თითოეულ სტუდენტთან, ყველა ახალგაზრდულ გამოცემასთან, რომელიც სასიკეთოდ წაადგება ჟურნალისტიკის საპასუხისმგებლო გზაზე შემდგარ სტუდენტურ დებიუტს.

პრეზენტაციის ბოლოს სარედაქციო საბჭოს წევრებმა მადლობა გადაუხადეს თსუ-ის ადმინისტრაციას განუღიძვრებელი და იმედი გამოთქეს, რომ ენთუზიაზმ სტუდენტებს წამდვილად გამოუჩნდება გვერდში მდგომი, რომელიც მათ შთაგონებს ფრთებს შეუახამს და დაეხმარება საუნივერსიტეტო სივრცეში ღირსეული ადგილის დამკვიდრებაში.

მოგესხნებათ, რომ მკითხველის ნდობისა და სიყვარულის მოპოვება ადვილი არ არის... მკითხველის გულს კენ მამავალ გაზს მხოლოდ სიმართლის მსახურება და სამშობლოს უანგარო სიყვარული გვაპოვინებს.

როგორც ჟურნალის რედაქტორი შეგახსენებს: „ერთხელ რუხველტმა თქვა: „არ შეიძლება, არსებობდეს უფრო კეთილშობილური მიზეზი, ვიდრე იმუშაო და იღვანო მშვიდობისა და სამართლიანობისთვის“. ჩვენც ვმუშაობთ, ვიღვანით და ჩვენი მცირედი წვლილი შეგვაქვს საქართველოს ღირსეული მომავლის შექმნაში“, — აღნიშნა თეონა ლავრელაშვილმა.

სანუშარი

უნივერსიტეტს გიორგი ახვლედიანის პირადი ბიბლიოთეკა გადაეცა

ცნობილი ქართველი ენათმეცნიერის, აკადემიკოს გიორგი ახვლედიანის ქალიშვილი, ელენე (ლალა) ახვლედიანი ვერაზე, ელენე ახვლედიანის ქუჩაზე, მამისეულ სახლში ცხოვრობს. ამ სახლში თითოეული ნივთი რელიკვიაა, რაც უკვე ისტორიული წარსულის კუთვნილებაა წარმოადგენს. დიდი მეცნიერის პირადი ნივთები თითქმის ხელუხლებლად აწყვია იმავე ადგილზე, სადაც მის სიცოცხლეში ეწყო. ქალბატონი ლალასთვის მათთვის ხელის შეულება წარსულთან შეხებაა. ოთახში დგას საწერი მაგიდა, რომელთანაც დიდი მეცნიერი მუშაობდა, მაგიდაზე დევს ძველი კალენდარი, მარმარილოს სამელნე და კალმის-ტარი... კედლებს ცნობილი მხატვრების, მათ შორის, ქალბატონი ლალას ხეხნის, მხატვარ ელენე ახვლედიანის ნახატები ამშვენებს. იქვეა ინდოეთში მოგზაურობის დროს შექმნილი მინიატურები... ღრმად მოხუცებულ ქალბატონს წარსული ცხადად ახსოვს, მოგონებები მისთვის ტკივილად ქცეულა, მაგრამ, ამჯერად, მისი ყველაზე დიდი საზრუნავი მაინც ის არის — ვინ მოუვლის მომავალში მამის მემკვიდრეობას.

შურთხია ბაროშვილი

გიორგი ახვლედიანის ყველაზე დიდი სიმდიდრე წლების მანძილზე მოპოვებული უნიკალური ნივთები და პირადი არქივაა, რომელიც ქალბატონი ლალას გადამემკვიდრებდა, ივანე ჯავახიშვილის სახელობის თბილისის სახელმწიფო უნივერსიტეტს გადაეცა.

სახლი, რომელშიც თითქმის საუკუნეა, არაფერი შეცვლილა, მუზეუმს მოგვაგონებს. გაკრეცილ, გახამებულ სუფრაზე გამოხდილი ნატიფი ყავის ფინჯანით მირთმეული ყავა და მოგონებები მამაზე — ასეთი იყო გიორგი ახვლედიანის პირადი ბიბლიოთეკის მიღება-ჩაბარების უჩვეულო ცერემონია, რომელსაც თსუ-ის პუბლიცისტურ მეცნიერებათა ფაკულტეტის დეკანის მოვალეობის შემსრულებელი დარეჯან თვალთვაძე, იურიდიული დეპარტამენტის ხელმძღვანელი ლელა ბენიძე და საზოგადოებასთან ურთიერთობის სამსახურის ხელმძღვანელი მაკა სეხნიაშვილი დაესწრნენ.

დარეჯან თვალთვაძე ქალბატონ ლალას უნივერსიტეტის ხელმძღვანელობის სახელით მადლობა გადაუხადა ასეთი დიდი საჩუქრისთვის

და აღუთქვა, რომ გიორგი ახვლედიანის დანატოვარს უნივერსიტეტი სათანადოდ გაუფრთხილებდა.

„ქალბატონმა ელენემ ჯერ კიდევ ერთი წლის წინ გამოთქვა სურვილი ბიბლიოთეკის გადმოცემასთან დაკავშირებით. მაშინ მას უნივერსიტეტის რექტორთან, ბატონ გია ხუბუასთან ერთად შეხვედით, ვესაუბრეთ და ხელშეკრულების გაფორმებაზე შევთანხმდით. მან უანგაროდ გადმოსცა ეს ნივთები უნივერსიტეტს. თსუ-ის პუბლიცისტურ მეცნიერებათა ფაკულტეტის ბიბლიოთეკაში, უნივერსიტეტის გარემონტების შემდეგ, ბატონი გიორგის ნივთებისთვის სპეციალური ადგილი გამოიყოფა წარწერით: „აკადემიკოს გიორგი ახვლედიანის პირადი ბიბლიოთეკა“. უნივერსიტეტს მართებს ამ მემკვიდრეობის პატივობა. გიორგი ახვლედიანი ხომ მისი ერთ-ერთი დამაარსებელია. დღემდე ყველა სტუდენტმა იცის მისი სახელი, განსაკუთრებით ფილოლოგიის ფაკულტეტზე. ჩვენ ახლაც გვაქვს გიორგი ახვლედიანის სახელობის კაბინეტი, სადაც ვანთავსებულია ჩვენი მიერ შეკრებილი ნივთები. ახლა საშუალება გვეძლევა, რომ მისი ბიბლიოთეკა კიდევ უფრო გავაფართოოთ“, — აღნიშნა ქალბატონ ელენე (ლალა) ახვლედიანთან საუბარში დარეჯან თვალთვაძემ.



ბიბლიოთეკისა და პირადი არქივის მიღება-ჩაბარების აქტი ოფიციალურად თსუ-ის იურიდიული დეპარტამენტის უფროსმა ლელა ბენიძემ გააფორმა.

ლელა ბენიძემ, დარეჯან თვალთვაძემ და მაკა სეხნიაშვილმა ქალბატონ ელენეს თანხასთან ერთად საჩუქრად გადასცეს უნივერსიტეტის საიბიოთეკო თარიღთან დაკავშირებით გამოცემული წიგნი — „უნივერსიტეტი-უნივერსიტეტს“ და გაზეთი „თბილისის უნივერსიტეტი“. როგორც ქალბატონმა დარეჯანმა განაცხადა, ამ შესტი უნივერსიტეტმა მხოლოდ სიმბოლურად გამოხატა თავისი პატივისცემა უნივერსიტეტის ერთ-ერთი დამაარსებლის ქალიშვილისადმი.

ქალბატონი ელენე უნივერსიტეტის თანამშრომლებს გაუმასპინძლა და მათთან საუბარში გიორგი ახვლედიანის პირადი ცხოვრების ზოგიერთი დეტალიც საინფორმაციო გაიხსენა. „მამამ ხარკოვში დაამთავრა უნივერსიტეტი. ამ ნივთების უმეტესობა მან რუსეთში შეიძინა. სხვათა შორის, მას სიცოცხლეშივე უნდოდა ამ ბიბლიოთეკის უნივერსიტეტისთვის გადაცემა, მაგრამ რატომ ვერ მოახერხა, ჩემთვის უცნობია.

ამიტომ მის სურვილს ახლა მე აღვასრულებ“, — განაცხადა ელენე ახვლედიანმა.

ქალბატონმა ლალამ ღიმილით აღნიშნა, რომ მას სწორედ იმითმ შუარქვეს ზედმეტსახელი, რომ იგი ხშირად მხატვარ ელენე ახვლედიანში ეროვდა.

„მამა ძალიან საინტერესო პიროვნება გახლდათ. მისთვის ყველაფერი იყო უნივერსიტეტი და თავისი საქმე. ერთმა ცნობილმა ბალტიისპირელმა პროფესორმა უთხრა: — თქვენ ისეთ დიდ სამუშაოს ხართ შეჭადბურული, ოჯახი თქვენთვის ზედმეტი ტვირთიაო. მართლაც, მას პირად ცხოვრებაში არ გაუმართლა. დედა უკრაინელი იყო, რომელიც მამას ნათესავებმა არ მიიღეს. საბოლოოდ ისინი ერთმანეთს დაშორდნენ. ამ ამბავს ძალიან განვიცდიდი“, — გვიამბო ქალბატონმა ლალამ.

საინტერესო იყო, როგორ შეხვდა გიორგი ახვლედიანი ახალგაზრდობაში სტალინს. „ერთხელ მამამ მე და ჩემი მეუღლე ზიჩის ქუჩაზე წავიყვანა და ერთ სახლში პატარა ოთახი გვაჩვენა. შემდეგ მოგვიყვია, როგორ შეხვდა ამ სახლში იოსებ ჯუღაშვილს და როგორ იკამათეს მათ პოლიტიკაზე. სტალინს მისთვის უთქვამს: ძალიან ჭკვიანი ახალგაზრდა ხარ, მაგრამ შენი ადგილი პოლიტიკაში არ არის, სჯობს, მეცნიერებას გაჰყვეო. რამდენიმე წლის შემდეგ გიორგი ახვლედიანი სტალინის ერთ-ერთი ნიგნის რედაქტორად მიიწვიეს. როდესაც სტალინს მისი გვარი ნაუკითხავს, უთქვამს, მე ეს პიროვნება ვიცი, ჩვენ ერთმანეთს შეხვედრივართო“, — გაიხსენა ჩვენმა მასპინძელმა. ქალბატონ ლალას ისიც კარგად ახსოვს, აკადემიკოს ჩიქობავას როგორ გადაარქვა სახელი მამამისმა, რომელმაც ბენიძე ქვას ნაცვლად არწოლიდა დაარქვა.

გიორგი ახვლედიანის ქალიშვილი დღესაც მოგონებებით ცხოვრობს და მამის დანატოვართი ამაყობს.

გამოფენა პატრიარქის მოღვაწეობის უკეთესს ნაგავს მიზნად

ნოემბერს ივანე ჯავახიშვილის სახელობის თბილისის სახელმწიფო უნივერსიტეტის პირველი კორპუსის ფოიეში უჩვეულო გამოფენა გაიხსნა. ღონისძიება, რომელიც სრულიად საქართველოს კათოლიკოს-პატრიარქის ალსაყდრების 31 წლისთავს მიეძღვნა, „წმიდათა კვირიკესა და ივლიტას ტაძრის“ დეკანოზის მამა გიორგი ყიფშიძისა და თსუ-ის სტუდენტური თვითმმართველობის ორგანიზებით გაიმართა. ბანერებზე გამოფენა პატრიარქის მოღვაწეობის ამსახველი ფოტოები, აგრეთვე გამონათქვამები მისი ეპისტოლეებიდან. სტუდენტებმა და პროფესორ-მასწავლებლებმა ნახეს ვიდეო რგოლები: „მიტოვებული ყვავილები“, „ნათელი ბნელში“, „შენ ხარ ქართველი“.

შურთსია ბაროშვილი

პირველი კორპუსის ფოიეში დაიდგა ყუთი, რომლის მეშვეობითაც ნებისმიერ მსურველს საშუალება ჰქონდა, პატრიარქისთვის თავისი მილოცვა გაეგზავნა. „წმიდათა კვირიკესა და ივლიტას ტაძრის“ დეკანოზის მამა გიორგის ინიციატივით ასეთი გამოფენა პირველად გასულ წელს ქარვასლაში მოეწყო, რამაც საკმაოდ დიდი რე-

ზონანსი გამოიწვია. „მინდოდა, ეს გამოფენა სტუდენტებსაც ენახათ. ბანერებზე უნამდისის გამონათქვამები დავნერეთ, რომელიც დღეს ძალიან აქტუალურია. ამ იდეის განხორციელება უნივერსიტეტის რექტორის გიორგი ხუბუასა და თსუ-ის სტუდენტური თვითმმართველობის თავმჯდომარის გიორგი შამათავას ხელშეწყობით შეეძლო. მომავალში სურვილი გვაქვს, ასეთივე გამოფენა საქართველოს ყველა უმაღლეს სასწავლებელსა და სკოლაში მოვანყუთ“, — განაცხადა მამა გიორგი.

ვიდეო რგოლებში, რომლის ავტორი დეკანოზი გიორგი ყიფშიძეა, ასახულია წმიდათა კვირიკესა და ივლიტას მრევლის ფეხით მსვლელობა წმინდა სამების საკათედრო ტაძარში, რომელშიც მრევლმა წმიდათა კვირიკესა და ივლიტას და, ასევე, წმიდა გიორგის ხატები გადაასვენა. აღსანიშნავია, რომ ხატები მამა გიორგის მეუღლემ, ხატმწერმა მადონა ლანჩავამ დაწერა. მისივე შექმნილია ლექსი „შენ ხარ ქართველი“, რომელიც „პატრიარქის“ კონკურსზე აუღერდა.

„უწმიდესმა თავისი ცხოვრებითა და უფალთან სიახლოვით ძალიან ბევრი გააკეთა და კიდევ ბევრი გააკეთებს საქართველოსთვის“, — განაცხადა სტუდენტებთან საუბრისას მამა გიორგი. სრულიად საქართველოს კათოლიკოს-პატრიარქი ერთ-ერთ ეპისტოლეში თავის მისიაზე საუბრობს. იგი წერს: „მძიმეა ჯვარი კათოლიკოს-პატრიარ-

ქისა. როცა ჩემი კურთხევა შედგა, ჩემთან მოვიდა ერთი მორწმუნე ადამიანი და მიტხრა: „პატრიარქობა მეტად მძიმეა და შენ გჭირდება ზეციური შემწეობა ჩვენი წინაპრებისა, ჩვენს მეფეთა და დედოფალთა, კათოლიკოს-პატრიარქთა, მღვდელმთავართა და წმიდა მამათა დახმარება. აი, თუ შენ მათ მოისვენებ, ისინიც მოგიხსენიებენ და შეგეწევიან“.

საგულისხმოა პატრიარქის სხვა მოსაზრებაც: „დღეს ჩვენს ქვეყანას მძიმე განსაცდელი აქვს. ზოგიერთი ადამიანი სასოწარკვეთილებაში ვარდება. ასე არ შეიძლება. სასოება მუდამ უნდა გვქონდეს. საქართველო მუდამ იყო განსაცდელში, მაგრამ მუდამ გამოდიოდა უმძიმესი მდგომარეობიდან. ყოველდღიურად ღვთისმშობელი დედა მუდამ შეენევა საქართველოს. არ შეიძლება, რომ დაეცეს ან მოისპოს ყოველდღიური ღვთისმშობლის ხვედრი ქვეყანა. ვერავითარი მტერი ვერ სძლევს საქართველოს, იმიტომ, რომ ყოველდღიურად ღვთისმშობელი იფარავს მას“.

სრულიად საქართველოს პატრიარქის ილია მეორეს ასეთ შეგონებებს ბევრჯერ გაუმხენებია ქართველი ერი. მისასაღმებელია, რომ მამა გიორგის ინიციატივამ, რომელიც პატრიარქის მოღვაწეობის უკეთეს ნაგავს ნაგავს მიზნად, სახელმწიფო უნივერსიტეტში დიდი ინტერესი გამოიწვია.



„სინათლე სივართლეს!“ — რეზო ჩხეიძის ახალი ფილმის მთავარი მესიჯი

„წუთისოფელი ხანმოკლეა, ხელოვნება კი მარადიული“, — ითქვა რეჟისორ რეზო ჩხეიძის ახალი ფილმის — „ქრისტეს საფლავზე დანთებული სანთლის“ ჩვენებაზე, რომელიც 26 ოქტომბერს თბილისის სახელმწიფო უნივერსიტეტის ივანე ჯავახიშვილის სახელობის დარბაზში გაიმართა. ფილმმა, რომელიც ეკრანებზე ჯერ არ გამოსულა, მონველურ სტუმრებისა და სტუდენტების მალაღობა შეფასება დაიმსახურა.

შურთსია ბაროშვილი

პოსტსაბჭოთა სივრცეში რეზო ჩხეიძე ერთადერთი რეჟისორია, რომლის მთავარ გმირს — ჯარისკაცის მამას სიცოცხლეშივე ძეგლი დაუდგეს. მისი შემოქმედების ნარმატივის ერთ-ერთი „საიდუმლო“ ის არის, რომ ყოველი ფილმი მხატვრული სიმაართლით გამოირჩევა. „ცხოვრება დონ-კიხოტისა და სანჩოსი“, „ლიმის ბიჭები“, „ნერგები“, „მამა წყნეთელი“, „ჩვენი ეზო“, „მაგდანას ლურჯა“, — ეს არასრული ჩამონათვალია იმ ფილმებისა, რომლებიც ქართველმა მამა-ურბელმა შეიყვარა და მათ დღემდე სიამოვნებით უყურებს.

80 წლის რეჟისორმა მამა-ურბელის აღფრთოვანება ახლაც მოახერხა და თავისი ფილმისთვის ისეთი თემატიკა შეარჩია, რომელიც აქტუალურობასთან ერთად ქართველებისთვის საკმაოდ მტკივნეულ პრობლემას შეეხება — რა გზით უნდა იაროს ქართველმა ერმა.

ფილმის მთავარი გმირი — ლუკა ბაგრატიონი ქართველ მეფეთა პირდაპირი შთამომავალია. იგი ახალგაზრდა მსახიობია, რომლისთვისაც ცხოვრებაში მთავარი კარიერ-



აა. იგი იერუსალიმში მამაკაცის საუკეთესო როლის მისაღებად მიემგზავრება. წმინდა მიწაზე მოხვედრილი ლუკა მიხვდება, რომ ცხოვრებაში სულ სხვა მისია აქვს და ქრისტეს საფლავზე ანთებული სანთლის საქართველოში ჩამოტანას ცდილობს. ამ რთულ და წინააღმდეგობებით აღსავსე გზაზე მან კათარზისი განიცადა და უკვე განწმენდილია შეძლო თავისი ხალხისთვის რწმენის დაბრუნება. ფილმი ოპტიმისტურად მთავრდება — მთავარი გმირი ყველა სირთულეს გადალახავს და ის დიდი სინათლე, რომელიც ქრისტეს საფლავზე ანთებულ სანთელს ახლავს, საქართველოში შემოვა.

ფილმს მალაღობა მიესცეს კრიტიკოსებმა და ხელოვნებათმცოდნეებმა. „ეს არის უნიკალური შემთხვევა არა მარტო ქართული კინოს ისტორიაში, არამედ მსოფლიო მასშტაბითაც, როდესაც 80 წლის რეჟისორმა ასეთი რთული სტრუქტურის და ამასთან, მაღალხეობრივი ფილმი გადაიღო. არავისთვის საიდუმლო არ არის, რომ

დღეს საქართველოში ეკონომიკურზე მეტად ზნეობრივი კრიზისია, რომელმაც ყველა სფერო მოიცვა. ამ ფილმმა დაგვანახა, თუ რა ძნელია რწმენის შენარჩუნება, მისი დაცვა. გამოკვეთილი მეტაფორა: „სინათლე სიმაართლეს!“ — ფილმის მთავარი მესიჯია. დიდი მადლობა ბატონ რეზოს იმ შემოქმედებისთვის, რომელიც ყოველთვის პატრიოტული იყო, თვით საბჭოთა ტოტალიტარული სისტემის პერიოდშიც“, — განაცხადა კრიტიკოსმა ვასილ კიკნაძემ.

„ფილმი „ქრისტეს საფლავზე დანთებული სანთელი“ ქრისტიანული აზროვნების ნიშნაა“, — აღნიშნა პრეზენტაციაზე. რეზო ჩხეიძის ახალგაზრდა რეჟისორი ლელა ნიფურიაც მიესალმა და ის დრო გაიხსენა, როდესაც იგი კინოსტუდია „ქართულ ფილმს“ ხელმძღვანელობდა.

„რა კარგი იქნებოდა, ოცი წლით უფროსები რომ ვიყუამ! ამ უცნაურ სურვილს თავისი ობიექტური მიზეზი აქვს: — ოცდახუთი წლის წინ, როდესაც ბატონი რეზო კინოსტუდია „ქართული ფილმის“ დირექტორი გახლდათ, გადაუჭარბებლად შემოიღია ვთქვა, რომ ქართული კინო პოსტსაბჭოთა სივრცეში გამორჩეული იყო. არ დაიჯეროთ, რომ კონსტრუქციას როდესმე დიდი ბიუჯეტი ჰქონდა, მაგრამ იმ თაობის ადამიანებს კარგად ახსოვთ, როდენ დიდი საშუალება არსებობდა იმისათვის, რომ რეჟისორებს თაიანთი ჩანაფიქრი სრულფასოვნად განეხორციელებინათ“, — აღნიშნა ლელა ნიფურიამ.

ფილმის შესახებ თავისი აზრი გამოთქვას უნივერსიტეტის პროფესორ-მასწავლებლებმა: ირაკლი ბრაჭულმა, დამანა მელიქიშვიმ და სხვებმა.

რეზო ჩხეიძემ უნივერსიტეტში შეკრებილ საზოგადოებას გადამღები ჯგუფის სახელით მადლობა გადაუხადა და ფილმის შე-

ქმნის ისტორია გაიხსენა. მისი ინფორმაციით, ფილმის სცენარი, რომელიც შვედი მწერლის შერმან ლაგონდეს ნაწარმოების მიხედვით ამირან დოლიძემ და სულიკო ფლენტმა დაწერეს, რამდენიმე წლის განმავლობაში თაროზე იდო. ბოლოს ფილმის გადაღება „მოსფილმმა“ ითავა. „გადაღებები ეგვიპტეში, რუსეთში, იერუსალიმში, კონგოში, თურქეთსა და საქართველოში მიმდინარეობდა, რაც გარკვეულ სირთულეებთან იყო დაკავშირებული. ძალიან დიდი მზარდაჭერა გვქონდა საპატრიარქოდან, პირადად, საქართველოს კათოლიკოს-პატრიარქის ილია მეორეს მხრიდან. კონსულტაციებს მამა გიორგი გვინვედა. ბედნიერი ვარ, რომ ფილმმა დღის სინათლე იხილა, თუმცა მისი ქართულად თარგმნა ფინანსების უქონლობის გამო ჯერ ვერ მოხერხდა“, — განაცხადა რეზო ჩხეიძემ.

უნივერსიტეტის რექტორმა, პროფესორმა გიორგი ხუბუამ რეჟისორს მადლობა გადაუხადა იმისთვის, რომ ფილმის პრეზენტაცია სწორედ უნივერსიტეტში გაიმართა. რექტორმა ფილმის მნიშვნელობაზეც ისაუბრა.

„გფიქრობ, შემთხვევითი არ არის, რომ ეს ფილმი ეკრანზე გამოსვლამდე უნივერსიტეტში აჩვენეთ. ამ კედლებში ხომ ჰარმონიულად არის შერწყმული ანწყო და მომავალი, ტრადიციული ფასეულობები და თანამედროვეობა. ბაგრატიონის შთამომავალს, რომელსაც თავისი ხალხისთვის ცეცხლი მი-აქვს, ასოცირდება ქართული სახელმწიფოებრიობის იდეასთან. იქნებ იმიტომაც გვიჭირს, რომ ისტორიის მანძილზე მოხდა წყვეტა (ჩვენი დამოუკიდებლობის დაკარგვას ვგულისხმობ) და ახლა დიდი გამოცდის წინაშე დავდევით. ჩვენ შეგვიძლია დავამტკიცოთ, რომ ძლიერი ერი ვართ. ვინც ამ ფილმს ნახავს, ყველას გულში დაინთება სანთელი რწმენისა, სანთელი იმედის, სიყვარულისა და ერთგულებისა“, — აღნიშნა გიორგი ხუბუამ.

ქეთი დოლიძის პოეზიაში კარგად ჩანს მისი მოქალაქეობრივი პოზიცია

ივანე ჯავახიშვილის სახელობის თბილისის სახელმწიფო უნივერსიტეტში კიდევ ერთ საინტერესო ინიციატივას ჩაეყარა საფუძველი. „ლიტერატურული სახელოსნოს“ ხელმძღვანელის, პოეტ ქეთევან შენგელიას ინიციატივით განხორციელდება ლიტერატურული საღამოების ციკლი სახელწოდებით: „მიმდინარე ლიტერატურული პროცესი და 2008 წელს გამოცემული ნივთები“.

შურთსია ბაროშვილი

ამ ეგიდით გამართული პირველი შემოქმედებითი საღამო ახალგაზრდა პოეტის,

გურამ რჩეულიშვილის პრემიის ლაურეატის, საქართველოს მწერალთა კავშირისა და პოეზიის ორდენის „მარად ახალი ქნარის“ წევრის ქეთევან დოლიძის ახალი პოეტური კრებულის — „კონკიას ქოში“ პრეზენტაციას მიეძღვნა. შეხვედრას უნივერსიტეტის „ლიტერატურული სახელოსნოს“ წევრები, პოეტები, კრიტიკოსები და ქეთევან დოლიძის ახლობლები ესწრებოდნენ.

ქეთევან დოლიძის ნიგნის პრეზენტაციაზე საღამო პოეტმა ქეთი შენგელიამ გახსნა, რომელმაც ავტორს ახალი კრებულის გამოცემა მიულოცა და დამსწრე საზოგადოებას ახალგაზრდა პოეტის შემოქმედებით გზაზე ესაუბრა.

„ქეთი დოლიძის პოეზიაში კარგად ჩანს მისი მოქალაქეობრივი პოზიცია. აღსანიშნა-

ვია, რომ მისი ცხოვრება და ლექსები ძალიან ჰგავს ერთმანეთს. ის ტკივილი, რაც მან წლების განმავლობაში გადაიტანა, კარგად ჩანს მის შემოქმედებაში. მიუხედავად იმისა, რომ მისი ცხოვრება ია-ვარდით მოფენილი არასდროს ყოფილა, ლექსებიდან საოცარი სითბო და სინათლე იღვრება“, — განაცხადა ქეთევან შენგელიამ და პოეტს თავისი ლექსების ნაკითხვა სთხოვა.


კრებულში შეტანილია პოეტ ვაჟა ოთარაშვილის რეცენზია, რომელშიც იგი ქეთევან დოლიძეს მისი თაობის გამორჩეულ პოეტად მოიხსენიებს. „ქეთის ლექსებში „ძვლენამდე ჩასული სიცივე“ და „შხამად და ძრად“ გადაქცეული ცხოვრებაც დიდი განცდების — სიხარულისა და ტრაგედიის ტკივილიანი ანარეკლია. მაგრამ ჭეშმარიტი პოეზია განა

დიდი ტკივილის გარეშე იძენება? იოლი არაა, დაღიანებული „წველა მთვარიდან გამოიყვანო ლექსის კარაქი“. ამ სირთულის მიუხედავად პოეზია მაინც ღვთიური ნეტარებაა“, — წერს ვაჟა ოთარაშვილი.

ქეთევან დოლიძეს ახალი კრებულის გამოცემა მიულოცეს: ჟურნალისტიკა ვანო ჯაფარიძემ, პოეტებმა: დავით შემოქმედელმა, ნონა გიორგაძემ და თემურ ჩალაბაშვილმა.

ქეთევან შენგელიას თქმით, სახელმწიფო უნივერსიტეტში არსებული „ლიტერატურული სახელოსნო“ უახლოეს ხანში 2008 წელს გამოცემული სხვა ნივთების პრეზენტაციასაც გამართავს, რაც სტუდენტებს თანამედროვე პოეტთა შემოქმედების გაცნობის საშუალებას მისცემს.

ბრიტანელმა ასტრონომებმა კოსმოსში კიდევ ერთი ვარსკვლავური სისტემა აღმოაჩინეს, რომელიც მზის სისტემას ძალიან ჰგავს. მის ცენტრშიც ვარსკვლავია განთავსებული, ირგვლივ კი ორი, დაახლოებით, იუპიტერისა და სატურნის ზომის პლანეტა ტრიალებს. მეცნიერთა აზრით, პლანეტები გაცილებით მეტია, თუმცა ყველაზე კარგად, ჯერჯერობით, მხოლოდ ეს ორი მოჩანს. სენტ-ენდრიუს უნივერსიტეტის პროფესორის მარტინ დომინიკის აზრით, ეს აღმოჩენა უდავოდ ადასტურებს, რომ სამყაროში მზის სისტემის მსგავსი სისტემები გაცილებით მეტია, ვიდრე აქამდე ითვლებოდა და შესაძლოა დედამიწის მსგავსი პლანეტაც მოიძებნოს. „ამას მხოლოდ დრო სჭირდება“, - განაცხადა პროფესორმა.



დასავლეთ ინგლისის უნივერსიტეტში (University of West England) დევიდ მაკგორანის ხელმძღვანელობით შეიქმნა „გულისხმეი“ რობოტი (Heart Robot), რომელსაც ბავშვის სახე და „ადამიანური ემოციების“ ალქმის უნარი აქვს. იგი რბილი პლასტიკისგან არის დამზადებული, რაც რობოტს საშუალებას აძლევს ისუნთქოს, თვალები ახამხამოს და მუშტებიც კი მოკუმშოს, როცა რაიმე არ მოეწონება. მას უყვარს, როცა ეხვევიან და ეფერებიან, ამ დროს იგი სიამოვნებისგან თავს და თვალებს ამოძრავებს. რობოტის ნერვული სისტემა ხუთი მინიატურული კომპიუტერისგან შედგება. ეს საშუალებას აძლევს გარეგან სტიმულებს ადეკვატური რეაქციით უპასუხოს. რობოტს მოძრავი კიდურებისა და თვალების გარდა გულიც კი აქვს, რომელიც მოფერებისას ნელა ცემს, ხოლო თუკი გაუზრახვები და უყვირებ, გულის ცემა საგრძობლად უჩქარდება.



მსოფლიო ენციკლოპედიაში — „ვიკიპედია“ სტატიების რაოდენობით ათ მილიონს გადასცდა. როგორც ცნობილია, ეს უმსხვილესი საძიებო პროექტი ათასობით მოხალისე ავტორის შრომით იქმნება და ყოველდღიურად მისი ბაზა ორი ათასი სტატიათი ივსება. პროექტის „იდურმა მამამ“ და ფონდ „ვიკიპედიის“ მეპატრონემ ჯიმ უილსმა ეს პროექტი 2001 წელს ინგლისურენოვანი ინტერნეტ-ცნობარის, „ნუპედიას“ ბაზაზე ჩაიფიქრა. დღეს კი „ვიკიპედია“ სტატიათა რაოდენობით მსოფლიოს ნებისმიერ ენციკლოპედიას ბევრად უსწრებს. ჟურნალი Nature დაინტერესდა — რამდენად ეთანხმება „ვიკიპედიის“ ბაზა მსოფლიო ენციკლოპედიებს და რამდენად მაღალია შეცდომების ალბათობა. ამისათვის „ვიკიპედიისა“ და ცნობილი ენციკლოპედიის „ბრიტანიკა“ ლექსიკონები ერთმანეთს შეადარეს, შეცდომები გააანალიზეს და აღმოაჩინეს, რომ ორივე ლექსიკონში თითქმის ერთნაირი რაოდენობის შეცდომები იყო. Nature-ს შეკითხვას, თუ რით არის განპირობებული ასეთი სიზუსტე, პასუხი სპეციალისტებმა გასცეს. ჯერ ერთი, საიტს საკმაოდ მკაცრი კონტროლი აქვს დაწესებული და რაც მთავარია, კონფლიქტების დასარეგულირებლად ე.წ. სტიუარდები ჰყავთ აღმოცენებული. მაგრამ, უმთავრესი მაინც „ვიკიპედიის“ სტრუქტურაა. არც ერთი სტატია იქ დამოუკიდებლად არ დევს. ყოველი მათგანი ლინკებით უამრავ სხვა სტატიასთანაა დაკავშირებული, რაც სიზუსტის გარანტიას იძლევა.



ეგვიპტელი მცენარეები ფარაონ ტუტანჰამონის სამარხში აღმოჩენილი ორი მუმიფიცირებული ემბრიონის დნმ-ის ანალიზს ატარებენ. ეს ორი, მდებარეობითი ქეისის ემბრიონი, რომელიც ხუთი-შვიდი თვის იქნება, ტუტანჰამონის სამარხში მისი გახსნის დროს, 1922 წელს იპოვნეს. ეგვიპტის სიძველეთა საბჭოს თავმჯდომარის ზაჰი ჰაუსის განცხადებით, იგვემება ემბრიონთა დნმ-ის ტუტანჰამონის მუმიის დნმ-თან შედარება, რათა გაირკვეს — რა მიზნით იყო ეს ემბრიონები სამარხში მოთავსებული: იმიტომ, რომ ფარაონის შთამომავლები იყვნენ თუ სიმბოლოურად, რათა ფარაონს „იმ ქვეყნადაც ახალმობილივით ეცხოვრა“. შეგახსენებთ, რომ ისტორიკოსებს ტუტანჰამონის წარმოშობის შესახებ არაერთგვაროვანი შეფასება აქვთ. ერთ ნაწილს მიაჩნია, რომ იგი მერვე დინასტიის ფარაონ ეჰნატონის ვაჟია, რომელიც ეგვიპტეში მონოთეიზმის დანერგვას ცდილობდა, მეორე ნაწილი კი თვლის, რომ იგი ნაკლებად ცნობილი ფარაონის შვილი იყო. საყოველთაოდ ცნობილია, რომ ტუტანჰამონი მერვე დინასტიის ერთ-ერთი უკანასკნელი ფარაონი იყო, რომელიც არეულ ხანაში მეფობდა, მამის, როცა მონოთეიზმის იდეამ კრაზი განიცადა, ძალაუფლება კი ქურუმთა ხელში გადავიდა და იგი ცხრამეტი წლის ასაკში მოკლეს. დღესდღეობით ითვლება, რომ ტუტანჰამონის შთამომავლობა არ დაუტოვებია, ამიტომ ეგვიპტელ მეცნიერთა ანალიზმა ბევრ საიდუმლოს შეიძლება ახადოს ფარდა.



„სამსახურში გაგვიანდება? გაფრინდი!“ — ასეთი დევიზით გამოიტანა გლენ მარტინმა ვისკონსინში გამართულ შოუ AirVenture Oshkosh-2008-ზე ახალი საფრენი აპარატი, რომელსაც „მსოფლიოში პირველი პრაქტიკული დანიშნულების რეაქტიული ზურგჩანთა“ უწოდებდა. Daily Telegraph წერს, რომ მარტინის თექვსმეტი წლის ვაჟიშვილმა ჰარისონმა შლემი დაიხურა და ჰაერში ისე მსუბუქად აიჭრა, მისი შეკავება მხოლოდ ორმა ძლიერმა მამაკაცმა შესძლო. ძრავის ჩართვისთანავე ჰარისონი მიწას სამი ფუტის სიმაღლით ასცდა და ჰაერში ორმოცდახუთი წამი ეკიდა. მარტინის აპარატს Jet Pack უწოდებს, მისი მეშვეობით საშუალო წონის ადამიანს შეუძლია ნახევარ საათში 45 კილომეტრი დაფაროს. სანავის საცავი, დაახლოებით, ოც ლიტრ ბენზინს იტევს. 48 წლის გამომგონებელი, რომელიც აპარატის გამოგონებაზე თითქმის სამი ათეული წელი მუშაობდა, მომავალი წლიდან მის გაყიდვას გეგმავს. საცალო ფასი კი, დაახლოებით, ასი ათასი დოლარი იქნება.




კომპანია Sharp-მა ახალი, ეკოლოგიური, 26 დიუმიანი, თხევად-კრისტალური ტელევიზორის მოდელი წარმოადგინა. ამ საოცრად თხელ ტელევიზორს, რომლის სიგანეც მხოლოდ ორი სანტიმეტრია, შტეფსელში შესაერთებელი სადენი საერთოდ არა აქვს, რადგან მზის ბატარეით იკვებება, თანაც ენერგორესურსები სამჯერ უფრო ნაკლები სჭირდება, ვიდრე ჩვეულებრივ ტელევიზორს. როდის გამოჩნდება ბაზარზე და რა ელირება ასეთი ტელევიზორი, კომპანიის წარმომადგენელს არ დაუკონკრეტებია. მან მხოლოდ აღნიშნა, რომ პოტენციურ მყიდველად იმ 1,6 მილიარდ ადამიანს მიიჩნევს, ვისაც სახლში ელექტროენერგია საერთოდ არ აქვს.

დედამიწაზე ნავთობის მარაგის შემცირებასთან ერთად მეცნიერები სულ უფრო და უფრო უფიქრდებიან ალტერნატიული საწვავის შექმნის იდეას. ერთ-ერთ ასეთ იდეად ბიოლოგიური საწვავი განიხილება, თუმცა ეკოლოგიის პროფესორის დევიდ პიმენტელის აზრით, მცენარეული ბიომასების გამოყენება თხევადი საწვავის მისაღებად ეკონომიკურად გაუმართლებელია. მაგალითად, სიმინდისგან თხევადი საწვავის მიღებას 29%-ით მეტი ენერგია სჭირდება, ვიდრე თავად იძლევა. ამგვარად, მისი გამოყენება ცალკეულ შემთხვევებში შეიძლება, მაგრამ მას თხევადი საწვავის ალტერნატიულ სახეობად ვერ განვიხილავთ. კოლუმბიის უნივერსიტეტის პროფესორი ლუის ბრუსი კი დარწმუნებულია, რომ ასეთი ალტერნატიული წყარო მზის ენერგია გახდება. „ნავთობს სწორედ მზე შეცვლის, ენერგოუსაფრთხოების პრობლემასაც გადაჭრის და მსოფლიოს სტაბილურობასაც მიაჩქებ“, — განაცხადა მან.

ამასთანავე, მსოფლიო სამეცნიერო გონებას სერიოზულად აწუხებს აზრი, რომ სანავის ალტერნატიულ წყაროს სასოფლო-სამეურნეო მიწის დიდი ფართობები დასჭირდება. ამის გამო შეიძლება დედამიწაზე ტოტალური შიმშილობის პრობლემა წარმოიშვას.



როგორც ჩანს, კომპანია Google-ს კონკურენტი გამოუჩნდა. მისმა ყოფილმა თანამშრომლებმა ახალი საძიებო სისტემა Cuil შექმნეს, რომელიც Google-ის შესაძლებლობებს სამჯერ აღემატება. ახალ საძიებო სისტემას 121 მილიარდ ვებ-გვერდს შორის შეუძლია ძებნა, შედეგებს ეკრანზე რამდენიმე კოლონად ალაგებს, შეკითხვას ავტომატურად ანიჭებს კატეგორიას და პასუხს გაცილებით უფრო სწრაფად პოულობს. ამ ახალ კომპანიას, რომელსაც 33 მილიონიანი დაფინანსება აქვს, სულ 10-15 კაცი ემსახურება.



„მომხმარებელი შრომა“ ჭარბი კალორიების მიღებას და ფიზიკური აქტივობის დაქვეითებას უწყობს ხელს. ინდუსტრიულ ქვეყნებში სიმსუქნის „ეპიდემიის“ გავრცელება მხოლოდ ამით შეიძლება ავსნათ, — განაცხადა კანადელმა მეცნიერმა ფან-ფილიმ შაჰუმ. თითქმის მთლიანად სტუდენტს მან სამი სახეობის აქტიურობა შესთავაზა: მჯდომარე დასვენება, ტექსტის კითხვა და მისი დაკონსპექტება და მხსიერებისა და ყურადღების შემსწავლელი კომპიუტერული ტესტების გაკლა. თითოეული აქტივობა 45 წუთი გრძელდებოდა, რის შემდეგაც სტუდენტებს ბუფეტში ნასვლას და სასურველი საკვების მიღებას სთავაზობდნენ. ექსპერიმენტმა გამოავლინა, რომ სტუდენტები ტექსტის დაკონსპექტების შემდეგ 203-ით, კომპიუტერული ტესტის გაკვის შემდეგ კი 253 კალორით მეტ საკვებს მოიხმარდნენ, ვიდრე დასვენების შემდეგ. რეალური ენერგოდანახარჯი კი ინტელექტუალური შრომის შემდეგ მხოლოდ სამი კალორით იზრდებოდა. გარდა ამისა, მოხალისე სტუდენტების სისხლის ანალიზიც შეისწავლეს და აღმოაჩინეს, რომ ინტელექტუალური შრომის დროს სისხლში გლუკოზის ისეთი რხევები აღინიშნებოდა, რაც დასვენების დროს არ იყო. მეცნიერთა აზრით, მიზეზი სწორედ ეს იყო. თავის ტვინის მხოლოდ გლუკოზის გამოყენება შეუძლია, ინტელექტუალური შრომის დროს მარაგი სწრაფად იხარჯება და საკვებზე მოთხოვნილება იზრდება. გასუქების თავიდან ასაცილებლად სპეციალისტები ყველას ურჩევენ ფიზიკური აქტივობა გაზარდონ და საკვების რაოდენობა გააკონტროლონ.

მთავარი რედაქტორი	ნინო კაკულია	რედაქციის წევრები:	ნოდარ ბელქანია, ვია მარაბელი, ზაზა ფირალიშვილი, ვახტანგ გურული,	მისამართი:	ილია ჭავჭავაძის გამზ.1
მთავარი სახელმძღვანელო	მაია ტორაძე				
ტექნიკური რედაქტორი	მანანა ჯურხაძე				
ფოტოკორესპონდენტი	ლიკა პეტრიაშვილი				
კომპიუტ. უზრუნველყოფა	თამარ ქავჭავაძე				